

⁴⁰
Astr. P.

208

bs hebre

Ms. 2401

0

4^o aff. P. 208.

1772

1772

Mathesis. Astronomia. Systema mundi
854.

Collegij Societatis Iesv Monachij
MELCHIORIS INCHOFER
E SOCIETATE IESV
AVSTRIACI,
TRACTATVS SYLLEPTICVS,

In quo,

QVID DE TERRAE, SOLISQ. MOTV, VEL STATIONE,
secundum S. Scripturam, & Sanctos Patres sentiendum,
quaue certitudine alterutra sententia tenenda sit,
breuiter ostenditur.



ROMÆ,
Excudebat Ludouicus Grignanus MDCXXXIII.
SVPERIORVM PERMISSV.

TRAJECTUS SYLVESTRIS
AUSTRIACI
E SOCIETATE HESSE
M. GILBERTUS HOFER

THE STATE OF NEW YORK, County of _____, ss. I, _____, Justice of the Peace, do hereby certify that _____, of the County of _____, State of New York, is the owner of the following described real estate, to-wit:

THE UNIVERSITY OF CHICAGO
LIBRARY

Bayerische
Staatsbibliothek
München

MVTIVS VITELLESQVS,
SOCIETATIS IESV.

Præpositus Generalis.

CVM TRACTATVM SYLLEPTICVM, DE
TERRÆ, SOLISQ. MOTV, vel STATIONE, &c.
P. MELCHIORIS INCHOFER, nostræ Societatis Theologi;
Tres eiusdem Societatis Theologi, quibus id commisi-
mus, recognouerint; ac in lucem edi posse probauerint;
facultatem concedimus, vt Typis mandetur, si ita Re-
uerendissimo Domino Vicesgerenti, & Reuerendissimo
P. Magistro Sacri Palatii videbitur. In cuius rei Fidem
has literas, manu nostra subscriptas, & Sigillo nostro
munitas dedimus. Romæ XVIII. Augusti MDCXXXIII.

Mutius Vitellescus.

Imprimatur,

Si videbitur Reuerendiss. P. Magistro Sacri Palatij Apostolici.

A. Torniellus Vicefg.

Philippus Generalis

EX commissione Reuerendiss. P. Mag. Sac. Pal. Apost. Vidi, & cum voluptate perlegi TRACTATVM SYLLEPTICVM, DE TERRAE, SOLISQ. MOTV, vel STATIONE, secundum Sacra Scripturæ, & Sanctorum Patrum sententiam, Authore R. P. MELCHIORE INCHOFER Societatis Iesu Theologo; & placuit valde Argumentum; hoc præsertim tempore, in quo quidam prurientes auribus à simplici candore, & sacra Veritate diuinæ Scripturæ auditum auertunt, & ad fabulas conuertuntur. Hos Pythagoræos Christianè refellit hic Theologus, & doctè demonstrat, Mathematicas, aliasq. humanas scientias, ad Sacra Scripturæ regulas esse reducendas, non verò, vt periculose hoc idolo sæculo in nimiam abiit licentiam, pro cuiusq. capto, aut arbitratu interpretandum, aut potius adulterandum diuinum eloquium, vt humanis famuletur figmentis. Iudico proinde vilem hunc fore Tractatum, & Typis euulgandum, præsertim cum nihil in eo præter sanam doctrinam contineri perspexerim. Datum Romæ ad Aram Cæli die XXII. Augusti MDCXXXIII.

*Fr. Lucas VVaddingus Ordinis Minorum
V. Commissarius Generalis Curie Romane.*

Imprimatur,

Fr. Nicolaus Riccardius Sacri Pal. Apostolici Magist. Ord. Præd.

MAGNO DOMINO,

Qui fecit illum ^(solem) & in sermonibus
eius festinavit iter ^(Ecclesiasticus 43.)

Qui fundavit Terram super
stabilitatem suam ^(psal. 103.)

&

Omnibus Christianæ, Catholicæq;
Philosophiæ amantibus.

D. D.

LECTORI.



AMICE LECTOR. In hoc scripturienti seculo, multorum manus scribendo pruriunt; neque solum nouis inueniendis argumentis, sed vetustis etiam reuocandis lassantur homines ingeniosi, nescio quam bene feriat, dum proscripsit & proscribenda perinde scribunt. Tale est hoc genus de Motu Terræ, & Statione Solis, quod nunquam robustè inueteratum, ac tantum à Pythagorais manu ductum, in Christiana quoque seculi sæculis irrepit primum, sed mox à sanctiore Philosophia pressum, obscurè & languidè se aluit in libris; quoad rursus apud Imaginarios quosdam opinionem inuenisset; qui hodie Tribunitij inter suos facti, sine lege philosophantur. Istis modò, pro S. Scriptura, Sanctorumq; Patrum, ac Theologorum decretis occurrimus; verum Sylleptica tantum velitatione; ut hinc maiora maneant, qua vel alij iam operosè instructi, propediem Mathesti dabunt; vel si redimere hanc breuitatem oporteat, nos quoque partem alijs lucubrationibus detractam, huic cura addituri sumus, cum te præsertim qualecunque hoc studium nostrum probauisse nouerimus. Quamquam hanc operam, ab alijs maiori cum laude occupandam, sicut non nescimus, ita omnes tanquam Religionis Classarios, hoc sublato signo conciemus: par quippè est omnes, quibus Christianè pectus sapit, pro cana Fide, & Veritate fortiter agere, idq; siue Theologicè, siue Mathematicè, & Philosophicè decernendum sit, vnicè præstare; ne fabulis, & peregrinis doctrinis abducti honorum sensus, Religioni intercedant. Quod dum apud te quoque præstinatum, mi Lector, velimus, hac paucadamus in antecessum; ipse plurimà ne in longum diem reposueris da operam; memor dicti Sapiientis, Super faciem Scribæ imponet honorem suum. Vale.



TRACTATVS SYLLEPTICVS.

IN QVO QUID DE TERRAE SOLISQ. MOTV
vel Statione, secundum S. Scripturam & Sanctos Patres
sentiendum, quae certitudine alterutra sententia
tenenda sit, breuiter ostenditur.

TOTVM hunc tractatum XIII. Capitibus absoluemus.
Primo, Afferemus praecipua S. Scripturae loca, quae
motum Terrae videntur adstruere. *Secundo*, Quid de
eadem re Sancti Patres videntur sensisse. *Tertio*, Quae loca
S. Scripturae militent pro quiete Terrae. *Quarto*, Quid item
Sancti Patres senserint de eadem quiete. *Quinto*, Ostendemus
eiusdem loci S. Scripturae, plures esse sensus literales. *Sexto*, Quo-
tuplex sit sensus literalis huius propositionis, *Terra in aeternum*
stat. *Septimo*, Quis ex praedictis sensibus videatur principaliter
intentus. *Octauo*, Solem moueri esse vnam Sanctorum Pa-
trum sententiam. *Nono*, Solem moueri & quidem Circulariter,
esse de Fide. *Decimo*, An sit de Fide Terra esse Centrum vni-
uersi. *Vndecimo*, Quo pacto sunt de Fide propositiones hacten-
us affirmatae. *Duodecimo*, Posito quod Terrae quies sit de Fide,
an, & quatenus liceat de contrario disputare. *Decimotertio*, Pro-
ponemus & soluemus obiecta, quatenus ad S. Scripturam &
Sanctorum Patrum institutum spectant.

*Vnde præcipuè videatur adstrui posse
ex S. Scriptura motus Terræ.*

CAPVT PRIMVM.

PLVRA sunt eiusmodi loca, sed pleraq; figuratè sunt intelligenda, vt interdum Terra pro habitatoribus Terræ accipiat, qui si aliqua de causa commoueat in bellorum factiones, aut potius si statum vitæ quocunque modo mutant, vt quodammodo alteri fiant à seipsis, Terra ipsa dicitur commoueri. Testatur id S. August. in Enarrat. in Psal. 98. Quo etiam pacto sumendum est illud Psal. 96. Illuxerunt fulgura eius Orbi Terra, vidit, & commota est Terra. Amos 8. Nunquid super isto non commouebitur Terra, & lugebit omnis habitator eius. Ierem. 50. Vt exterreat Terram & commoueat habitatores Babylonis. 1. Machab. 9. Commota est Terra à facie exercituum; quamuis hic locus & per hyperbolem explicetur: Et idem dicendum de plerisque alijs locis, quibus Deus asseritur commouisse aut conturbasse Terram, vt legenti S. August. in Psal. 17. 58. 67. 74. 113. Conc. 1. euident est: & sanè vix quicquam adeò frequens est S. Augustino, quàm Terram in S. Scriptura sumi pro hominibus ipsis. Vide Lib. 1. & 2. locut. de Exod. De Ciuit. lib. 20. cap. 23.

Interdum verò Scriptura notat potentiam Dei, & maiestatem, à cuius nutu videlicet vniuersa pendent, iuxta Eccles. 16. Ecce Calum, & cali calorum, abyssus, & vniuersa terra, & qua in eis sunt, in conspectu eius commouebuntur, montes simili, & colles, cum conspexerit illa Deus, tremore concutientur. Et Iob 26. Columna Cali contremiscunt, & pauent ad nutum eius.

Denique interdum innuit Scriptura miraculosam Terræ in parte commotionem. Velut 1. Reg. 14. Conturbata est Terra, & accidit quasi miraculum à Deo; siue, vt Hebræus legit, Fuit in trepidationem Dei, hoc est, in prodigiosam, & longè maximam commotionem. Quamquam & hic locus de incolis Terræ, ex sensu capiatur; nam & Septuaginta sic vertunt, vt stuporem potius, quàm motum videantur significare; stupor autem in homines cadit. Probabile tamen est Terram ipsam verè fuisse commotam miraculosè, præsertim, si, quod aduertunt nonnulli, Terra sumitur, sepè quidem pro incolis, sed potius in Prophetis quàm in Historicis libris, cuiusmodi sunt libri Regum.

Atque

Atque iuxta hanc opinionem admitti etiam potest de vero Terræ motu, quod dicitur. 2. Reg. 22. *Commota est & contremuit Terra, & fundamenta montium concussa sunt & conuulsata, quoniam iratus est eis.* quod totidem ferè verbis repetitur in *Psal. 17.*

Ex his tamen omnibus, & si quid aliud est huiusmodi, non potest inferri conuersio Terræ, siue anoua, siue diurna, de qua hic nobis est sermo, sicut neque ex Terræ motibus & concussionibus, qui frequenter à causis naturalibus proueniunt, rectè quippiam concluditur.

Vnus est locus quem nonnulli ad institutum magni faciunt. Iob 9. *Qui commouet Terram de loco suo, & columna eius concutiuntur.* Cui Didacus Scunica tantum efficaciam tribuit ad asserendum Terræ motum, nullus ut in reliqua Scriptura locus reperitur, qui in contrarium tam apertè prodat Terram non moueri, atque iste adstruit moueri. Idipsum verò illustrari posse putat ex placitis Pythagoræorum, Terram natura sua moueri existimantium. Quò etiam referunt aliqui translationem montium, de qua ibidem est sermo. *Qui transfluxit montes & nescierunt quos subuertit in furore suo.* Quam translationem existimant cum motu conuersionis apprèhensè consentire: & alioqui nimis mirabile foret, Terram montibus prægrauatam adeò celeriter circumferri, nisi id instituto primæ creationis accepisset.

Sed reuera ex his locis nihil euincitur. Quoad primum, rectè notant Scriptores, eo, potiùs immobilitatem Terræ significari, quòd columnæ appellatio firmam quandam fixamq; noceat stabilitatem; commotio verò, Dei designet vindictam, & irritatæ potentie vim per tempestates & concussiones Terræ sæuentem, quod longè alienum est à quotidiana & imperceptibili conuersione, quam sui auctores depingunt. Idem rectè deducunt ex genuina significatione vocis *Hebrææ*, quæ quidem non motum naturalem, sed ex metu, vel ira, vel alia quauis perturbatione ortam commotionem videtur innuere.

De posteriori loco, idem planè est sentiendum, ut perperâ censeatur ea translatio cum motu circulari Terræ congruere; quid enim opus furore & subuersione, ad huiusmodi translationem motu circulari perficiendam, qui cum ad utilitatem mortaliù in terris ordinatus sit, à subuersione longè esse debet. Loquitur ergò Scriptura de transitionibus montium de loco in locum, interdum ad castigandos populos diuinitus factis, idq; non semel, nec vna in regione accidisse & Historiæ, & Traditiones gentium docent. Quamquæ & alio fine translatos miraculosè mōtes ad preces Sanctorum & fidem populorum augendâ, certius est quam ut dubitari queat, nec tamen in hoc euentu quemadmodum in primo, obrutas aut penitus subuersas cū habitatoribus Vrbes, cōstat.

*Quid habeatur ex Sanctis Patribus
de motu Terræ.*

CAPVT SECVNDVM.

NON inueni vllum Sanctorum Patrum, qui disertè, & quod dicitur positivè asseruerit Terrā moueri. Ex quibsdam tamen indirecè nonnihil deduci potest, quod huc facere videatur. S. Ambr. verba illa *Psal. 118. Fundasti Terrā & permanes* (ex quibus alij immobilitatem colligunt) expendens, post nonnulla, subdit: *Hunc locum pulchrè aperuit Ecclesiastes, spiritualesse esse non materiale, dicens. Quæ abundantia homini in omni labore suo, quæ laboras sub Sole, Generatio vadit, & Generatio venit; Terra autem stat in seculum.* Quare si sensus Verborum spiritualis potius est quàm literalis, non rectè inde inferitur Terram permanere, hoc est non moueri circulariter, sed ad summum non mutari localiter secundum totum, vel quod magis ad mentem S. Ambrosij facie, Terram permanere tanquam subicctum generationis & interius sublunarium, ipsam verò nec generari nec interire in toto.

Huc referri possunt, *Theodoret. Haim. S. Brun.* qui hæc etiam alia loca, nimirum *Psal. 92. Etenim firmavit Orbem Terræ, qui non commouebitur*: Et *Eccles. 1. Terra in æternum stat*; ex quibus præcipuè videtur probari statio Terræ, in sensu morali accipiunt. Et *Dionys. Garbusian.* eadem verba *Psal. 92. Congruentiùs intelligit de confirmatione Ecclesiæ*, quàm de quiete Terræ.

Accedunt, qui negant Cælum esse sphæricum; hinc enim continèd quis inferat, nec Terram stare immotam in medio Vniuersi tanquam Centrum, circa quod Cælum conuertatur, quomodo enim id fiat, si Cælum sphæricam figuram repudiet?

In his videtur esse S. Iulianus Martyr *ad Orthodox. q. 59. Quærebatur enim si Sol noctu occultatur, quomodo Cælum non probatur globus esse: Proinde cum aliam eius occultationis causam asserat, quàm quod Cælum sit globosum & rotundum, ut patet in responsione, ab hac sententia non putabitur alienus, præsertim qui plerunque Aristoteli est contrarius.*

Laërentius in *lib. 3. de falsa sapient. cap. 24.* Disputans contrà assertores Antipodum; & qui id propter, Cælum rotundum & Terram

in medio sinu eius inclusam, globum etiam similem esse dixerunt: tandem subiungit. *Ego multis argumentis probare possem, nullo modo fieri posse, ut Cælum Terra sit inferius; facile etiam dicturus Terram non gerere Centri vicem, nec necessariò expertem esse motus.*

S. Augustinus *lib. 2. de Gen. ad lit. cap. 9.* In eam sententiam inclinat, quæ Cælum sicut pellem extendit; iuxta *Psal. 105.* Et dubitat, certis rationibus probari posse, Cælum sphaeræ figura vndiq; esse conuexum, *Quod (inquit) humanum est fortè figmentum.* Quare nec Terram asseret in medio Vniuersi contentam; & instar Centri motu omni priuatam.

Denique ut plures mittam, Procopius *in cap. 1. Gen.* negat Cælum esse Sphaericum vel Hemisphaericum, idq; probat ex *Gen. 19. Sol egressus est super Terram. Non (inquit) ascendit, quod meritò diceret: si calis forma Sphaerica esset; Pluræ alia colligiò. Ex Psal. 18. Matth. 24. Ad Hebræos 11.* Ex quibus manifestè confutari aut opinionem eorum, tanquam Scripturæ contrariam; qui Cælum Sphaericæ figuræ esse contendunt.

Iam si Cælum Sphaericum non sit, neque habebit pro Centro Terram motus expertem; nam si Centrum esse non sit, neque motu omni carere potest, quemadmodum deducit Card. Cusanus *lib. 2. de doct. Ignorantia cap. 11.* Qui post multas Terram moueri se demonstrasse putat, nec pauca ponit quæ ceteris paradoxis videntur, cuiusmodi est inter alia, mundum nec habere centrum nec circumferentiam, in quo, ex parte conuenit cum Procopio. Et *cap. 12.* asserit Terram in veritate moueri, licet nobis hoc non appareat, cum non apprehendamus motum nisi per quandam comparisonem ad fixum.

Sed dum hoc loco antiquorum duntaxat Patrum inuestigamus sententias, præterimus illos, qui secundum Philosophos Gentiles, quorum meminit Plutarchus *in lib. 3. de Placitis, cap. 13.* in Christianis seculis eandem de motu Terræ imaginationem reuocarunt; quos inter post Franciscum Ferrariensem, agmen ducit Nicolaus Copernicus, eumq; sequitur Cælius Calcagninus, Andreas Cifalpinus, Gilibertus Anglus, nec pauci alij recentiores & recentissimi, qui Terram moueri, planè ut rem demonstratam accipiunt.

Ex dictis porrò inferunt nonnulli, quòd sicut ex eo, quòd interdum Scriptura nominat Orbem vel Gyrum Terræ. *Isai. 40. Psal. 92. & 95. &c.* non licet deducere Cælum, & Terram esse corpora Sphaerica & rotunda: ita neque ex eo quòd interdum adstruere videatur Terræ Stationem, inferendam esse absolutam immobilitatem, quando præsertim eiusmodi locutiones commodè etiam alium sensum recipiunt.

Cetc.

Ceterum, hæc in loco resellentur commodius. Interim adverte, illa Patrum tempestate, non fuisse adhuc clarè demonstratum, Cælum esse figuræ sphericæ, quod tamen si factum fuisset, fatetur S. Augustinus suum de pelle dictum non fore contrarium veris illis rationibus, alioqui pugnaturum etiam cum alibi à se dictis; dixerat enim Cælum esse velut Cameram suspensum, & Cameræ figuram cum sphericæ figura stare posse, quatenus si Cælum sphaera est, vndiq. Camera est, pluraque disputat in hunc sensum, etiam ad figuratas locutiones à pellis & Cameræ significatione descendens. Hodie porro cum demonstratum sit clarè videatur, Cælum esse rotundum instar globi, vè videre est apud omnes, qui de Sphaera tractant, consequens est aliter esse tam de Terræ sicut alijsq; accidentibus, quàm de Cælorum moribus secundum veritatem sentiendum. Sumitur autem huius demonstrationis argumentum, à necessitate potissimum quæ omnem aliam Cæli figuram excludit, deinde ex eadem semper inter se fixarum in motu distantia, eademque ad aspectum nostrum propinquitate, denique ex phænomenis & instrumentis Mathematicis, quæ nequaquam inuicem congruerent, si Cælum sphericum non esset.

Quæ omnia supponenda à nobis sunt hoc loco, non examinanda.



Vnde ex S. Scriptura adstruatur Quies
& Statio Terræ.

CAPVT TERTIVM.

HÆC in primis deduci potest ex ijs locis, quæ Terræ quietam quandam & immotam fixationem tribuunt. *Isai. 66. Hæc dicit Deus Cælum sedes mea, Terra autem scabellum pedum meorum.* Quæ verba repetuntur *Aët. 7.* Sicut autem per Cælum quod Sedes Dei dicitur, intelligitur maximè Empyreum, quod est immotum, ex *Clem. Alex. lib. 4. Stromat.* Alberto Magno, de quatuor coelis, *quest. 4. art. 15.* & quàm plurimis alijs; ita etiam Terra, quando scabellum vocatur, pro re quadam immota & consistente vsurpatur, eòque magis, quòd interdum & Sedes Dei appellatur. *Isai. 40. Qui sedet super gyrum Terra.* Vt rectè nonnulli senserint, motum reliquorum Cælorum non solum exigere esse iuxta Centrum immobile, sed etiam intra continens immobile, hoc est Cælum Empyreum. S. Bonavent. in 1. dist. 2. art. 1. q. 1. Quod ipsum videtur innuere Picus in *Heptaplo* ex sententia Hebræorum. Et antè istum. Dionys. Richel. in *Opusc. de rerum product. cap. 58.* Et *Opusc. de creat. rerum ad Deum consid. Theol. cap. 58.* Cælum Empyreum per Sanctos Patres assertum ostendit. Et art. 6. in *Genes.* non solum tribuit Bedæ, & Straboni, (quod pleriq; faciunt), sed etiam S. Basilio, vt de hoc solo intelligatur, primum illud, *In principio Deus creauit Cælum & Terram:* quasi duas res, supremam & infimam in sua stabilitate permanentes, sedem videlicet Dei & scabellum pedum eius. Nec obstat quòd sedes interdum spiritualiter aut etiam literaliter in alio sensu accipiatur, quod inter alios aduertit Galat. lib. 7. de *Arcan. cap. ult.* Trita enim est doctrina apud Sanctos Patres & Scripturæ interpretes, Verba S. Scripturæ præter literalem & Historicum, alios plerumque sensus admittere. Immo verò, & literæ non vnâ interdum esse significationem, in loco ostendemus.

Alia sunt loca quæ hoc ipsum clarius videntur afferere. *Psal. 74. Ego confirmaui columnas eius.* *Psal. 92. Etenim firmavit Orbem Terra qui non commouebitur.* *Psal. 95. Etenim correxit Orbem Terra qui non commouebitur.* *Psal. 103. Qui fundasti Terram super stabilitatem suam, non inclinabitur in seculum seculi.* *Psal. 118.*

Fun-

*Fundasti Terram & permanet. 1. Paralip. 16. Ipse enim fundavit Orbem immobilem. Isai. 44. Ego sum Dominus faciens omnia, extendens calos, & stabiliens Terram, & nullus mecum. Quæ loca etsi fortasse ita queant accipi, vt vel opponantur commotioni & quasi trepidationi totius Orbis Terreni, vel mutationi de loco in locum, non autem diurnæ, annuæque conuersioni in eodem loco circa proprium axem; Vel stabilem quandam durationem significant, generationi & corruptioni secundum rationem totius oppositam; Vel denique immensam Dei potentiam, absque fultis, & basibus ingentem hanc machinam sustententis, manifestent; ita illud Iob 26. *Appendit Terram super nihilum. Et cap. 38. Super quo bases eius solidate sunt, aut quis demisit lapidem angularem eius?* stupentibus interea mortalibus, neq; penetrantibus rationem huiusmodi appensionis & fixationis: Etsi (inquam) ita queant explicari; si tamen princeps literæ sensus vndique attendatur, iunctis etiam alijs Scripturæ locis, quibus Cælum sursum, Terra deorsum esse affirmatur, Sol oriri & occidere, gyrare per Meridiem, reuerti ad Aquilonem, & id genus alia; cum interea nihil simile de Terra prædicetur, sed vbique potius eius immobilitas & stabilitas insinuetur; si etiam consideretur, eam in creatione datam esse Terræ primam qualitatem, vt ceteris elementis grauior esset, atque inde rationem Centri sortiretur; denique si ipsa significatio Stationis Terræ suo etiam sensu consideratæ, quatenus Scriptura vtrumque coniungit, animaduertatur; omnino concludendum est, omnem cuiusvis conuersionis rationem à Terra excludi; idque inter alia non obscure indicant illa apud Isaiam verba. *Cap. 44. Ego sum Dominus faciens omnia, extendens Calos stabiliens terram;* quasi extenso cælo instar campi ad motum siderum expediendum, Terram contraria quiete stabilivisset: Et adhuc clarius illa *Psal. 103. Qui fundasti Terram super stabilitatem suam, non inclinabitur in seculum seculi.* Sane si Terra moueretur aliqua conuersione, non rectè diceretur, ita stabilita & fundata, idq; permanendo, vt nullo modo inclinaretur, quando eiusmodi qualiscunque conuersio absque inclinatione fieri non possit.*

Et profectò mirum est, cum in Scriptura toties dicantur moueri, vel Cælum vel luminaria, nullam vnquam de simili Terræ motu fieri mentionem, quod tamen necessarium erat ad cognoscendam magis Diuinam omnipotentiam, & ad rapiendos in admirationem Dei, mortalium animos, qui hoc insensibili motu circumuecti, nullum inde incommodum, sed omnia ad votum succedentia erant accepturi. Ceterum posito hoc rerum ordine, siue dicamus Terram aquis innatare,

quod

Et Terræ Statione .

quod aliqui ex Sanctis Patribus asseruerunt ex illo *Psal.* 135. *Qui firmavit Terram super aquas*; siue fundatam iuxta aquas, vt alij Sancti quoque Patres senserunt; fieri nullo modo potest, quin ex tali conuersione infinita mortalibus incommoda, nisi aquæ nouis miraculis coërceantur, consequantur.

Quibus positis & attentè consideratis, rectè Authores, si vnquam ex alijs S. Scripturæ locis, ex illo *Eccles.* 1. *Generatio præterit, Generatio aduenit, Terra autem in æternum stat*, non solum asseruerunt præfinitam eius durationem, verum etiam omnis generis motum ab ea excluderunt. Primum quidem colligitur ex Arabica lectione, *Terra in æternum durat, seu durabit*, ita vt originale verbum, opponatur verbo, quod inconstantiam, & velut ex infirmitate nutationem quandam indicat, significetq; firmitatem, & fixam constantiam, instar Columnæ immobiliter in vno loco stantis: quem sensum, verbum standi non semel in Scriptura exhibet, velut cum dicitur *Iosue* 10. *Stetit Sol in medio Cali, & Ierem.* 13. *Si steterint Moyses, & Samuel coram me*, hoc est quasi fixi & immoti in oratione persequerantes.

Alterum verò manifestè deducitur. Primò ex immediata oppositione motus Solis quam subdit Scriptura, *Oritur Sol & occidit, & ad locum suum reuertitur ibiq; renascens gyrat per Meridiem, & flexit ad Aquilonem*. Quæ sanè verba, eodem modo de Terrâ dici poterant, si quæ diurna, vel annua conuersio illi competeret, nec erat asserendum, *Terra in æternum stat*, vt huic Stationi velut continuo opponeretur motus ille Solis, quasi non alteri corpori conueniens, quem hætenus & sensus obseruauit, & ratio probauit. Vt ideo qui hoc dictum iuxta humanum duntaxat sensum, aut secundum apparentiam assertum putant, tanquam de cetero motus eiusmodi non Solis, sed Terræ esset, temerariè loquantur, & vim Scripturæ inferant, contra omnium Sanctorum Patrum sententias mox assignandas: Et aliqui si ita loqui liceat, vacillabit in plerisque sensus literalis Scripturæ, tolliturq; fides rerum sperandarum, humanis euersa imaginationibus.

Secundò deducitur ex ipso verbo Standi. Significat enim Terram initio creationis consecratam esse naturæ, vt grauitate sua & pondere ad imum Vniuersi inclinaret, motus omnis expers, & quietis tantum pro Centri munere appetens. Quid enim alioqui erat necesse tanto pondere eam onerare, si circumuolui oportebat, & non potius in medio consistere, vt circum eam Cælestis sphaera ambiens verteretur? Centrum naturæ suæ stabilitatem significat, idq; vox originalis Centrum à radice Cun, quod est firmiter stabilire, clarè demonstrat, quia sci-

licet Centrum est basis, & quies fixa omnis motus, iccirco in Scriptura *Iob 34.* vocabulo *fundamenti* appellatum. Ita interpretatur S. Bassilius *In cap. 13. Isaia*, ubi paulò ante explicans illa verba loco *Iob citato*, *Vbi erat quando ponebam fundamenta Terræ*; Quin etiam (inquit) *iuxta opinionem externæ discipline professorum Dominus iecit fundamenta Terræ in Centro Sphæræ, operosam mundi molem completentis, ut à Cælo æquali libramine nulla non in parte distans tutò descenderet, & neutrobi demergens solidè, & stabiliter suffulciretur.* Hac de causa Antiqui, & inter alios Plato in *Timæo*, Terram velut proprio symbolo, Cubo representarunt; Ea enim figura præditus est Cubus, ut quocunque vertatur, semper hæreat immotus, idq; ex ipsa vocis Hebrææ *Erets*, quæ Terram significat, origine, tanquam aliquid mysticum elicerent, quòd cum ex geminis punctorum Tsercim ternarijs constet, Cubum ex triangularibus præ se ferat, siue ijs collectim in se ductis primus exeat Cubus, siue scorsim putatis secundus, siue demum progressionè sexempla tertius, quem etiam terna puncta singulatim in se ducta, & secundo Cubo superaddita conficiunt. Ut omnis huiusmodi figura geometricè spectata, motui corporis sit minimè apta, eumq; prorsus impediat.

Id si habetur ex numeris, rectè etiam spectatur in figuris. Quippe Triangulis quatuor rectilincis in vnum compactis, corpus solidum, hoc est Cubus Triagonalis exergit, qui & primam inter solida pyramidem exhibet, tribus præditam angulis, omnemq; ad motum habilitatem excludens (*Petrus, lib. 38.*) Atqui duo Tsercim suis in Triangulum punctis figurata, velut elementa sunt huiusmodi Cubi, nec temore Terræ vocabulo suffiuntur, ut ex Cubi Triagonalis constitutione, Terræ immobilitatem à natura inditam significent. Huc fortasse facit Hieroglyphicum illud, quo simplex Triangulum æquilaterum diuinitatis esse insigne perhibebant Ægyptij, quasi quòd æqualis esset, & in decretis suis immobilis, hac figura essentiam eius explicarent. Ex quo tamen præterea consequitur, cum Deus rerum omnium creaturarum inuariabile sit Centrum, à quo nimirum omnia eodem tenore flunt, & rursùm in eodem colligantur, quem admodum videtur interpretari Dionys. *De diu. nom. cap. 5.* si etiam Terra instituta. Creationis Centrum est Vniuersi Corpori, (quod in loco ostendemus) in hoc quoque velut antitypo, similitudine quadam Terræ immobilitatem rectè adumbrari. Sicut autem antiqui Terram Cubo representarunt, ita contra Aquæ tribuerunt figuram, Icosædron, quòd propter nimiam, & quaqua versum fluxilem mobilitatem, velut è diametro, Terræ immobilitati opponitur.

Tertio

Tertiò deduci potest ex eodem originali Terræ vocabulo, ab Hebræis derivato: hoc enim in S. Scriptura sæpè materiam primam significat, imò verò hanc non alia appellatione Scriptura notat, vt non immeritò multi præstantes Theologi, & Sancti Patres, Terræ nomine non nisi materiam rudem & informem intellexerint; idq; elicitur etiam ex S. August. *lib. 12. Confess. cap. 20. & 21.* Porrò cùm materia prima, rerum omnium generabilium mutationibus subiecta sit, ipsa tamen, nullam ne minimùm quidem motus cuiuscunque alterationem

suscipiat, rectè per eam in hoc sensu Terra designatur, quòd velur materia secunda omnium generabilium, multò magis sit expers motus localis, quàm cuiusvis secundùm eorum alterationis; Ea etiam de causa, quòd cùm om-

nium rerum super ipsam existentium ponderibus prematur, ac vt vocis Hebrææ

alia quædam radix significat, te-

ratur & trudatur, ipsa tamen

immobilis perseveret.

Ceterum si in

Scriptura non alio

ferè quàm Terræ nomine

materia prima proferatur,

inde est quia in lingua Hebræa non

omnia suis proprijs appellationibus sunt

expressa, alioqui reprehenduntur

à S. Basil. *Hom. 2. in Hexam.*

qui *Gen. 1. & Eccles. 1.*

Terræ nomine ma-

teriam desi-

gnari vo-

lunt.



*Quid Sancti Patres senserint de Statione,
& immobilitate Terræ.*

CAPVT QVARTVM.

CIRCA Sanctos Patres aduertendum, eos supposuisse potius quam asseruisse Terræ Stationem, iuxta communem Philosophorum sententiam, Vnde Basilii *In cap. 13. Isaia*, secundum opinionem externæ disciplinæ professorum accepit, Terram esse Centrum mundi. Quamquam etiam non multum illis curæ fuit, in ijs locis Scripturæ curiosius expendendis, quæ Mathematicas disputationes concernebant. Hinc idem Basilii *Hom. 1. Hexam. peculiare* Terræ affectiones nolens scrutari, inter alia, *Adde (inquit) etiam, neque ullum operæ pretium ad adificationem Ecclesiæ, tale studium negotiumq; conferre.* Et paulò post. *Hæc eadem de Terra vobis ipsis consulimus, ut ne eius substantiam quæ illa sit curiosius perscrutemini, ne vos ipsos ratiocinationum argutiolis deteratis, aut inaniter maceretis in ipso perquirendo subiecto.* Quod in re nostra de motu Terræ, peraptè detorqueri potest in quosdam recentiores, qui operosis, sed vanis imaginationibus, instaurare conantur explosam ab antiquo Pythagoræ opinionem, quasi noui aliquid, & inauditi adinuenissent. Similia habet S. Ambros. *In Enarrat. in Psal. 118.* super illa verba, *Fundasti Terram, & permanet.* S. August. *Lib. 2. de Gen. ad lit. cap. 9. & 10.* Isidorus Pelusiotes *in Epist. 273. ad Opbelium Grammaticum.* Et *epist. 100. ad Paulum.* Ex quorum fusè dictis colligitur Sanctos Patres Spiritualibus semper intentos, ut dicit Ambrosius, & vitæ æternæ profutura, vel cognoscere gestientes vel docere, non magnopere curasse subtilioris Mathematicæ instituta; quòd quemadmodum innuit Pelusiotes, ea omnia explorata habere, quid ad bene beateque viuendum vtilitatis afferat, haud viderent. Vnde S. August. *Cap. 9. citato.* *Multi (inquit) multum disputant de ijs rebus, quas maiore prudentia nostri maiores omiserunt, ad beatam vitam non profuturas discuntibus, & occupantes quod peius est multum prolixæ, & rebus salubribus impendenda temporum spatia. Quid enim ad me pertinet, utrum Cælum sicut sphaera vndique concludat Terram, in media Mundi mole librata, an eam ex vna parte desuper velut discus operiat?* Et Pelusiotes. *Quid ad virtutem allaturum est,*

ſc quia Solis curſum, & Luna Orbem, & Stellarum, & Terra figuram, ac ſpatium inquirendum ſuſcipiat, aliaq; omnia qua homines ſuo iudicio ſapientes & eruditi, curioſè indagantes, à veritate quidem exciderunt, in nugis autem & ſermonum ineptijs vitam conſumpſerunt.

Quamvis autem quieſcere Terram ſupponant potiùs Patres, quàm præter inſtitutum inquirent; nihilominus ubi res urgebat, officio non deſuerunt. Itaque S. Baſilius loco citato *Homil. 1. Hexam.* non ſolùm ſupponit Terram ſtare immotam, ſed etiam ex aliorum, & præcipuè Ariſtotelis ſententia, cuius etiam rationes adfert, multis oſtendit Terram eſſe Centrum Vniuerſi, ac tandem ſubdit. *At uniuerſi medium, inferum eſſe locum, noſtra iam oratio demonſtrauit.* Et paulò poſt. *Si quid eorum, qua dicta ſunt, probabile tibi videatur, ad Dei ſapientiam, qua res omnes ita inſtituit atque diſpoſuit, admirationem tranſfero: non enim admiratio qua maximas ob res oritur, cum modus, cuius gratia fit aliquid admirabile, fuerit inuentus, imminui ſolet. Sin hoc: at certè ſimplicitas fidei rationalibus demonſtrationibus plus apud te obtineat. Hac eadem de Celi quoque natura dixerimus.* Ita Magnus Baſilius longè modèſtiùs de doctrina Ariſtotelis hac in parte ſentiens, quàm quidam recentiores. Eandem doctrinam *In Cap. 13. Iſaia*, paucis coarctat, ne alibi obiter, & non de induſtria ſenſiſſe videatur.

S. Ambroſius, eſſi loco citato dicat, non eſſe curæ Sanctis axem Celi & elementorum ſpatia, philoſophico more numerosq; deſcribere; quod tamen huc ſpectat, non negat, immò aſſerit, Terram in medio eſſe, Centri immobilis vicem obtinere: hoc duntaxat addit, *Stabilitatem non ex eo habere, quòd in medio quaſi aqua lance ſuſpendatur, & ſuis libramētis ſtabilis perſeueret, ſed quia Maieſtas Dei, voluntate ſua, ea lege eam conſtringit, ut ſupra inſtabile & inane, ſtabilis perſeueret, non fundamentis ſuis & fulcris nixa, ſed quia Dominus ſtauit, & firmamento voluntatis ſua continet, quia in manu eius ſunt omnes fines Terra.* In quo ſenſu non ſemel loquitur *Lib. 1. Hexam. cap. 6.* Eademq; eſt ſententia Baſilij *Hom. 1. in Hexam.* Gregor. Nazianz. *Orat. 34.* Chryſoſt. ſuper illud *Pſal. 102. Fundaſſi Terram ſuper ſtabilitatem ſuam.* Hilarij ſuper *Pſal. 135. Fundaſſi Terram ſuper aquas.* Damasceni *lib. 2. cap. 10.* Qui tamen non exclu- dunt cauſas naturales, ſed duntaxat admirabilem hanc ſtabilitatis rationem, in primam rerum cauſam, quæ eſt voluntas & porentia Creatoris refundunt. Vnde Ambroſius prædicto loco, *Laudent* (inquit) *alij quòd ideo nuſquam decidaſſet Terra, quòd ſecundum*

naturam in medio regionem possideat suam eaq; necesse sit manere in regione sua, nec in partem alteram molinari; quando contra naturam non mouetur; sed secundum naturam, &c. Ego tamen qui profundum maiestatis eius; & Artis excellentiam non quò comprehendere, non disputationis mea libramenti committo atque mensuris, sed omnia reposita in eius existimo potestate, quòd voluntarius fundamentum sit vniuersorum, & propter eum adhuc mandata hic maneat. Hæc Ambrosius: qui nihilominus ibidem disputat de motibus elementorum secundum naturam; & rectè asserit vnum omnibus motuum non esse aptum. Denique quòd huc facit; In Enarrat. in Psal. 134. antequàm dixisset non esse curam Sanctis axem Cæli, & elementorum spatia philosophicè describere; iam constituerat Terram in medio instar Centri esse. Terra autem (inquit) fundamentum est in quo consistimus, licet ipsam in meditullio Cæli esse, & is qui foris est sermo (Peripateticorum) concelaret, & Scriptura significare videatur dicente Job (Cap. 26.) Suspendens Terram in nihilo. Includitur ergò Orbe Cælesti, & ideo Sol nobis non videtur, quia gyRANDO in inferiore inuenitur Orbis pars Cælestis. Quæ Ambrosij verba diligenter hoc loco sunt notanda; quòd sententiam Philosophorum Terram in medio constituentium, S. Scripturæ conformem videri, attestentur. S. Augustinus Lib. 2. de Gen. ad lit. cap. 9. Et si dicat non ad se pertinere de figura Cæli, &c. Addit tamen: Sed quia de F. de agitar Scripturarum, propter illam causam; quam non semel commemoravi, ne quisquam eloquia diuina non intelligens; cum de his rebus tale aliquid vel inuenerit in libris nostris, vel ex illis audierit, quòd perceptis assertionibus aduersari videatur; nullo modo eis cetera vitia mouentibus credat; breuiter dicendum est de figura Cæli hoc esse authores nostros, quòd veritas habet, sed Spiritum Dei qui per ipsos loquebatur, noluisse ista docere homines, nulli saluti profutura. Hæc Augustinus, multis deinde explicans, quæ in subiecta materia aduersari videbantur. Cuius verba, si ad rem nostram accommodentur, dicere possumus. De Statione Terræ hoc scisse authores nostros, (Apostolos nimirum, & antiquos Patres, Scripturarum interpretes,) quòd Veritas habet, sed Spiritum Dei, qui per ipsos loquebatur, noluisse ista docere homines, nulli saluti profutura. Quia tamen exorturi erant aliquando, hodièq; exoriuntur non pauci; instabiles, deprauantes Scripturas, non acquiescentes sermonibus, & quæ secundum pietatem est, doctrinæ, sed sanam doctrinam non sustinentes, ad sua desideria coaceruantes sibi magistros prurientes auribus, & à veritate quidem auditum auertentes, ad fabulas autem conuen-

centes, & tota Cælorum systemata falsò comminantes: his quia de fide agitur Scripturarum, ne si inutilia ista non reuincantur, ab vtilibus etiam excedant, & paulatim à Fide cum Pythagoræis aberrant, ostendendum est, hanc etiam veritatem ipsis aduersatò, haberi in Scripturis, & scisse maiores nostros. Idem porrò Augustinus ad alteram quæstionem de Cæli motu, ita tandem respondet, eludendo rationes opponentium, vt veritatem pro re sua, admittit etiam varijs hypothesibus, semper seruare conetur indemnè.

Nec aliter de Isidoro Pelusiote sentiendum, & si qui sunt alij, qui huiusmodi argumenta non ad se pertinere arbitrati, maluerunt præterire Stationem Terræ, quàm inanibus inquisitionibus, quod certum accipiebant, in dubium reuocare. Id præstitisse videtur ipse Pelusiotus, qui cum aliquot Terræ affectiones enumerasset, de quiete reticuit, quam certò eam supponens. Jam verò si ceteros accensere velimus, qui hoc ipsum auctè expresse asserunt aut implicite significat, aut certè eiusmodi doctrinam tradunt, ex qua necesse est id consequi, vereor ne modum huius translationis excedamus: paucos duntaxat præter istos afferemus.

Clemens Alexand. in Orat. adhortat. ad Gentes. Hoc tibi (inquit) & Vniuersum numerosè concinneq; exornauit, & elementorum dissensionem in ordinem redegit consonantia, tot citotus mundus fieret Harmonia. Et Mare quidem dimisit solutum, & ei autem vt Terram inuaderet prohibuit, Terram autem rursus stabilem, & solidam effecit, quæ ferebatur, & ei Mare terminum prefixit. Hæc Clemens. Ex quibus notandum, haud rectè dici Deum elementorum dissensionem in ordinem consonantiæ redegissem, si Terra grauissimum, & opacissimum corpus, vel inter Planetas referatur, vel non infimum inter elementa, adeoq; in medio Vniuersi locum sortita sit. Ea quippe Harmonia, quæ dissensionem elementorum in ordinem redegit, si in vlla re, maxime in situ spectari debet, qui iuxta qualitates primas & secundas, symbolas & dissymbolas, talis necessariò euasit, qualem Peripatetici posuerunt, idque luculenter intendit Clemens cum subiicit. Jam verò ignis quoque vehementiam aëre emolliit, velut Doricam Harmoniam Lydia, hoc est vehementem, & acrem sonum cum mitiori, & molliori attemperans. Quod ipsum de Terra, & aqua inter sese, & singulis denique elementis inuicem temperatis, dici debet, vt extremos velut vniuersorum sonos, ita in se Conditor temperaret, quemadmodum Netæ, hoc est extrema in Musicis instrumentis chordæ, quæ & grauitate, & acumine reliquas superant, numerosè & concinnè contemperantur. Hinc & Mare solutum dimisit

misit Terram verò stabilicatis, & quietis legi astrinxit, Vnde & hoc alterum venit aduertendum. Stabilitatem Terræ, opponi motui, & liberæ Maris agitationi per varios æstus reciprocanti; vt proinde omnis motus naturalis, circulariter, siue perfectus siue imperfectus, Terræ negandus sit ex sententia Clementis. Quòd autem addit Terram solidam effectam quæ ferebatur, vel loquitur ex ea opinione, quæ Terram aquis sustineri docuit, vel melius ex ea, quæ super aquas firmatam existimauit.

S. Iustinus Martyr *In respon. Quæst. 59. Stare* (inquit) *Cælum, & Terram, quia in diuersa nitantur, in primo Cælo, & Terra licet hæc coniungere, quia simul facta sunt, sed in Firmamento, & Terra non iam potest id cogitari, stabat enim Terra ante Firmamentum; portans vniuersam humidam substantiam, sine retractione Firmamenti, nam post Terram factum est Firmamentum.* Loquitur autem Iustinus de primo Cælo, hoc est Empyreo, cui tanquam immobili, opponit Terram similiter immobilem, ac in diuersa nitentem, hoc est extremè distantem, atque adeò in infimo loco stabilis Centri rationem obtinentem. Quòd verò ad eam Quæstionem de qua supra Capite Primo egimus, si nimirum Sol noctu occultatur, quomodo Cælum non probatur globus esse, aliam responzionem videatur asserere; probabiliter tantum, neque admodum congruè soluit. Denique non negat omnem circumlationem, vnde globositas Cæli deduci queat, vt patet consideranti exempla ab eodem allata, & responzionem cum interrogatione conferenti, quæ hic breuitatis causa omittimus. Ceterum quòd eo situ velit esse Terram in diuersa nitentem, vt Vniuersam portet humidam substantiam, satis inuit infimo loco esse constitutam, nec vllò modo moueri; idem enim est Iustino portare, hoc loco, atque sustinere, alioqui motum de loco ad locum, non euitaret.

Arnobius Afer *Lib. 3. aduers. Gentes.* Assert quorundam antiquorum opinionem, qui diuersis de causis Terram magnam Matrem, Cererem item, denique Vestam eò dixerunt, quòd in Mundo sola staret, ceteris eius partibus mobilitate in perpetua constitutis. Quæ etsi fabulosa sint ea ex parte, qua Terram vt Deam volentes, eò vocabulo appellarint, quia tamen antiquæ, & receptæ veritati de Terræ Statione innituntur, auctoritatem habent hoc loco eò maiorem, quòd cum fabulas repudiet Arnobius, stare tamen Terram loco fixam ceteris partibus perpetuò motis non improbet.

S. Athanasius *In orat. cont. Idola.* Videtur quidem sentire Terram ab Aqua portari, expressè tamen nec semel asserit, natura omnium
gta.

grauissimam non subsidere, sed stabiliri, & immobilem consistere: in eoq; inter cetera opponit Aquæ, quòd licet hæc quoque per se grauis sit, deorsum tamen defluit, cum interea Terra immobilis consistat, & in medio velut vndeque colligata contineatur. Quæ profectò non rectè dicerentur, si Terra in gyrum verteretur, quomodo enim non deflueret secundum partes circumferentiæ à summo ad imum? aut quomodo in medio quasi colligata contineretur? Addit demum Athanasius *Terram immobilem permanentem fructificare, hominem fingi, & rursus viuere, & mori.*

S. Hieronymus in *Psal. 12.* Terram dicit infimam elementorum, quia finis creaturarum Terra est. quòd si infima, ergo non supra Solem. Et in *cap. 13. Ierem.* super illa verba. *Hæc dicit Dominus, si mensurari potuerint Cali sursum, & inuestigari fundamenta Terra deorsum, & ego abijciam vniuersum semen Israel, &c.* Quomodo (inquit) Cælum non potest eo quod est, esse sublimius, nec Terra humilior esse eo quod est, sic & genus Israel nequaquã poterit reprobâri. Quæ si vera sunt, quomodo Terra ponitur extra Centrum, & supra Solem in Centro quiescentem inter Planetas sydereos? Vbi notanda lectio Septuaginta. *Si eleuatum fuerit Cælum sublimius, & si humiliatum paulimentum Terra deorsum, & ego non reprobabo, genus Israel:* Comparatur enim sublimitas Cæli cum humilitate Terræ, tanquam tectum cum paulimento, quæ sine dubio extremè distant in ædificio Vniuersi, proinde Terra non potest esse nisi in medio, immota quæque versum instar paulimenti, & fundamenti; ita ut quemadmodum deducit Hieronym. sicut impossibile est Cælum sublimius (intellige naturæ viribus) attolli, ita & Terram magis deorsum ferri, & consequenter impossibile moueri; qui sensus facilius elicitur ex lectione Septuaginta, ex qua etiam suum Syllogismum elicit Hieronymus, ut quemadmodum impossibile est mensurari, & cognosci altitudinem Cæli, & inuestigari fundamenta Terræ, & extrema eorum ratione comprehendere, sic & vniuersum semen Israel reprobâri. At si Terra non esset in medio Vniuersi, in nihilo suspensa, & immota, profectò non esset difficile eius rationem cognoscere, sicut nec Planetarum in liquido errantium cursus deprehendere, difficile verò imò impossibile esset, Solis quiescentis rationem inuestigare, de quo tamen quatenus mouetur plurima scimus.

S. Chrysostomus in *Cap. 1. Genes. Hom. 2.* In illud. *In principio creauit Deus Cælum & Terram.* Attende, ait, nunc, quomodo ex ipso opificij modo, diuina natura dignitas enitescat. Nam Deus præter humanum morem, suum perficiens adificium, prius Cælum extendit,

D

postea

postea & Terram subternit, prius culmen, & postea fundamentum, quis tale quid vidit, quis audiuit? Sanè si Cælum culmen, & Terram fundamentum est, sicut illud in summo, ita hoc in imo est, & sicut fundamentum ædificij non mouetur, ita nec Terra. Idem *Homil. 2. in Festo Inuent. S. Crucis*, expressè asserit, Terram esse inanimatam, & immobilem, proinde excludit ab ea omnem motum circularem, qui non potest prouenire nisi à forma vel informante, vel assistente, Quippè si anima prædita non est, nulla erit maior ratio, cur in vnam potius quam in alteram partem inclinetur, quod determinare est animæ vel informantis, vel assistentis. Denique *Homilia. 12. ad Popul. Terra* (inquit) *fixa est, aqua verò semper mouentur, neque aqua tantum, sed & nubes, & imbres continui, & successiuu, tempore proprio redditi.*

S. Isidorus Hispal. *Lib. De nat. rerum, cap. 44.* Postquam dixisset Terræ positionem sufficienter haberi secundum illud *Iob. 26. Suspendit Terram in nihilo*, citat sententiam Philosophorum, qui aëre denso Terram sustineri opinantur, & supponit ex ea, Terram tanquam spongiam esse immobilem, ex omni parte libratam, nec in alteram partem posse inclinari. Quærit præterea an super Aquam pendeat, ob illud *Psal. 135. Firmavit Terrā super aquas, & quomodo æquitatis libram teneat*, ne in alteram partem propensa incumbat. Supponit itaque, Isidorus nullo modo moueri Terram circulari conuersione, sicut nec mouetur ea ratione Spongia in pære, nec corpus vllum in aquis, quod æquitatis libram tenet, ne in alteram partem propendeat. Laudat pro eadem sententia Ambrosium: Quomodo autem id fiat nullis (inquit) mortalium scire fas est, nec nobis discutere, aut personam licere, cuiquam, tanquam diuina artis excellentiā, dum conficit eam lege Maiestatis Dei, aut super aquas, aut super nubes stabilem permanere.

S. Ioannes Damascen. *Lib. 2. de Fide, cap. 10. Terra* (inquit) *vnica est ex quatuor elementis, siccitate, frigiditate, & gravitate prædita, maluaque expers primo die in ortum prædictum: Cuiusmodi autem rei insideat, quoue fundamentonitatur, à nemine mortalium dici potuit.* Demum ubi varias variorum sententias recenset, in potentiam Dei omnia refert, quemadmodum Ambrosius, & Isidorus, & alij: Quod si Terra moueretur circa Solem, inter caelestes constituta Planetas, vix rectè diceretur, à nemine mortalium dici potuisse, quo fundamēto innitatur in suo motu.

Procopius *In illud Gen. 1. In principio Deus creauit Cælū, & Terrā:* Eadem planè habet, quæ paulò ante ex Chrysostomo retulimus. *Ex in*

cap. 13. *Isaia*, in ea verba, *Super hoc Calum turbabo, & Terra mouebitur de loco suo*: Vel vt ipse legit, *Calum irascetur, & Terra mouebitur à fundamentis suis*: Ipsam (inquit) externa disciplina sectatores in ambientis undique *Cali puncto non dubitāt asserere, equo enim suspensam libramine, cū pari undique distet interuallo, immotam esse necesē est*. Item In illud cap. 42. *Qui fecit Calum, & fixit eum, qui firmavit Terram, & qua in ipsa, &c. Dixit (inquit) Calum fixum, vt aqua constare secundum Mose sententiam, non igne sicut profana sapientiæ Magistris placet, indicaret: Dixit firmari Terram*. Ideo putant nonnulli, quod in ipso Mundi medio librata permaneat immobilis. Quam sententiam cū non impugnet Procopius, vt alioqui consuevit, supponit tanquam veram, & præterea non obscure insinuat, Philosophos antiquos ex S. Scriptura hausisse suam, de situ & immobilitate Terræ opinionem.

Theodoretus In *Psal. 103. Qui fundasti Terram super stabilitatem suam*, (vt *Aquila, & Symmachus legunt, super sedem eius*) non inclinabitur in seculum seculi. Cū (inquit) ipsam super seipsam fabricasset, dedit ipsi vt nunquam moueatur, & hoc modo permaneat quatenus ipse voluerit: Sic & alibi (inquit) *Suspensens Terram super nihilum. Job 26*. Sentit igitur Theodoretus Terram ex instituto creationis accepisse, vt immota iuxta Creatoris voluntatem permaneat. Rectè verò hinc inferunt aliqui, Terram super seipsam fabricatam, & firmatam esse, hoc est in loco suo naturali constitutam, in quo nata est conseruari, & quiescere, nimirum in Centro mundi, infimo totius Vniuersi loco, proinde non indigere externo fundamento sustentante, cū à sua gravitate tanquam intrinseca virtute conseruante solidetur, & figuretur, perinde atque extremum Cælum, extrinseco termino non clauditur, sed proprio conuexo. *Comment. in Damasc. lib. 2. de Fide, cap. 10.*

S. Bernardus In *Psal. Qui habitat, serm. 11*. Angelos dicit esse in summo, & in tuto; homines nec in summo, nec in tuto, sed in cauto, denique in solido. id est in Terra habentes locum inum, sed non infernum. Quod si Terra in imo est respectu Cali, consequens est, vt sit in medio, & ceteris consideratis, Centri immobilis vicem gerat. Cū verò dicit Bernardus: *Habentes locum inum, sed non infernum*, loquitur ex vulgata sententia, quæ locum damnatorum in Centro Terræ constituit.

Denique ne in infinitum abeamus, Philo Iudæus, his omnibus antiquior. *Lib. de Confus. Ling. Etiam si, ait, vniuersæ Terræ partes superstruerentur fundamento modico, aut in vnica columna formam*

attollerentur, tamen longissimo intervallo abessent à Sphæra æthereâ, præsertim iuxta opinionem Philosophorum, qui scrutantur talia, Terram Centrum esse mundi assurantium. Hæc Philo. Ex quibus satis liquet, quàm antiquam, & ratam Patres habuerint Philosophorum, opinionem de loco, & immobilitate Terræ: quando id tanquam certum, & probatum pro re sua assumpserunt, nihil simile opinantes, nedum sibi persuadentes de Sole in medio constituto.

Huc reuocari possunt omnes illi Sancti Patres, qui Terram in aquis fundatam senserunt, neque enim aut Terram in ijs circumuolui, aut cum Terra aquas rotari vnquam dixerunt. Vide Clem. Rom. Lib. 8. *Recognit.* Athanasium *Oratione contra Idola.* Hilarium *super Psal. 135.* Eusebium *super Psal. 23.* Chrysostomum, Procopium *locis citatis.* Quos tamen verè locutos constat, quatenus vel Terra superior est aquis, vel iuxta aquas. Vide Basilium *Hom. 1. in Hexam.* Augustinum *in Psal. 135.* Rufinum, Euthimium, Cassiodorum, Haimonem, Brunonem *In eundem Psalmum.*

Iam quod ad Patres Scholasticos spectat. Inter alios S. Thomas. Lib. 2. de *Calo. Lect. 2.* Terram expressè asserit immobilem, rotundam, & Sphæricam. Et *In op. 10. art. 16.* Docet Angelum naturali virtute non posse mouere totam Terræ molem, vsque ad globum Lune, quia nulla virtus Creatura potest immutare ordinem principalem partium Vniuersi, ad quem pertinet, quòd Terra sit in medio collocata. Videtur tamen mihi contrarium posse tolerari absque Fidei periculo; si tamen referat intentionem suam ad ponderis quantitatem, non ad predictum Ordinem Vniuersi. Quæ verba notanda sunt. Sentit enim S. Thomas implicite, attento Ordine Vniuersi, quo Terra necessariò sistitur in medio, absque periculo Fidei dici non posse, ipsam esse loco mobilem, proinde nec poni posse in magno Orbe supra Solem. Pergit. Si autem queratur de motu circulari, per quem dictus ordo non variatur, videtur (inquit) quòd naturaliter Terra quiescat; quasi & hoc negandum sit Angelo, nisi virtute supra naturam, vel certè violento motu contra Terræ naturam.

S. Bonauent. *In cap. 1. Ecclesiast.* Terram similiter stare disertè asserit. Et quamuis loquatur etiam de duratione quoad substantiam, cum tamen dicat Solem peculiari motu moueri, sentit de Statione Terræ quatenus opponitur huic peculiari motui Solis, qui est in Circulum, & per varios flexus, vt ibidem fusè explicat.

Dionysius Carthusian. *In Eccles. cap. 1.* Et *Iob cap. 9.* Et *In Psal. 92.* asserit Terram perpetuò permanere fixam in medio, immobilem, tanquam Centrum. Etsi verò videatur loqui de duratione, idem tamen

dicturus fuisset de motu circulari, siue in proprio loco, siue extra, sicut & ceteri, si vnquam talis motus tanquam rationabilis, in mentem illis venisset, exclusis præsertim opinionibus eorum, qui talem motum somniauerant.

Denique huius sententiæ sunt omnes illi Patres, & antiqui Authores, qui Scripturam de Terræ Stabilitate loquentem, in sensu moralis accipiunt. *Theodorus, Cassiodorus, Bruno, Remigius, Haymo, Dionysius Cartusianus, & alij in Psal. 92.* Quibus addi potest *Richardus de S. Viêt. part. 1. lib. 1. de Erudit. hominis, cap. 1.* Omnes enim isti supponunt sensum literalem, in quo sensus spiritualis, cuiusmodi est moralis, fundatur, vt rectè notat. *S. Thom. 1. par. quæst. 1. art. 10. in corp.*



*Ostenditur, eiusdem loci S. Scripturæ plures
esse sensus literales.*

CAPVT QVINTVM.

ID etsi aliqui negent, omnino tamen affirmatiuam veriore esse plures alij sine exceptione, sentiunt cum S. Thoma 1. par. quæst. 1. art. 10. hac efficacissima ratione. *Quia cum sensus literalis sit quem Author intendit, Author autem S. Scripturæ Deus est, qui omnia simul intellectu suo comprehendit, non est inconueniens si etiam secundum sensum literalem, in una litera Scripturæ, plures sint sensus.* Quæ ratio elicitur ex S. Augustino Lib. 12. Confess. cap. 18. 19. 20. 24. & 31. Cui etiam occasio fuit, tam fusè disputandi de vero sensu literæ, in eo loco Gen. 1. *In principio creauit Deus Cælum, & Terram.* Nam cum multæ à diuersis afferrentur eius dicti interpretationes, nec possent ita distingui, vt altera sensum literalem redderet, altera mysticum; vel omnes mystici sensus dicendi erant, & ita nec falsum, nec verum inferebant, neque enim sensus mystici aliquando adimplentur, cum non eliciantur ex litera, sed potius applicentur à libera voluntate: vel omnes dicendi erant sensus literales, & consequenter à Spiritu sancto intenti; cuiusmodi cum plures afferat S. Augustinus Lib. 12. Confess. si omnes in eum locum quadrant, quia mystici esse nequeunt, nec vltus alterius figuram continet, omnes literales sint necesse est. Argue hac sententia, cuius oppositam non nemo temerariam dixit, tanquam vera censenda est.

Quæ vltcrius ex S. Scripturæ probari potest. Nam illud Exodi 12. *Et Num. 9. Nec os illius confringetis.* Vel: *Et os eius non confringent:* de agno Paschali dicitur ad literam; & nihilominus ad literam intelligitur etiam de Christo. Ioan. 19. quia vtrunque intendit per ipsam literam significare Author eius, & vtrunque est adimpletum, illud quidem singulis annis, hoc autem in Passione Christi, quod expressè fatetur Ioannes. *Facta sunt enim hæc, vt Scripturæ impleretur.* Os non comminuetis ex eo. non potest autem adimpleri nisi sensus literalis.

Item 1. Paralip. cap. 22. *Ipsæ erit mihi in filium, & ego ero ei in Patrem,* ad literam intelligitur de Salomone: Et tamen de Christo allegat Paulus Ad Hebr. 1. in sensu nimirum literali, & non allegorico,

rico, quia alioqui non posset induci ad probationem, cum sensus mystici nihil probent, nisi quando sensus mysticus efficitur literalis, velut *Ad Galat. 4.* per duas Vxores Abraham, intelliguntur duo Testamenta; & per Ierusalem Ciuitatem, Ierusalem quæ Iursum est libera, id est Patria beatæ vitæ æternæ. Rarius tamen accidit, vt vnus sensus transeat in alium.

Rursum, illud *Psal. 2. Dominus dixit ad me filius meus es tu, ego hodie genui te*: exponitur de æterna generatione ex Patris substantia, *Ad Hebr. 1.* quod notat S. Augustinus in eundem *Psal.* Et tamen de gloriosa Christi Resurrectione accipitur *Aëtior. 13.* De Christo ad Sacerdotium promotum *Ad Hebr. 5.* Vt iam non duplicem solum, sed triplicem ferat litera sensum.

Sic, *Illud Ioan. 11. Expedit vt vnus homo moriatur pro populo*: In vno sensu protulit Caiphas, in alio accepit Ioanæs à Spiritu sancto edoctus, vt legenti patet. Quod item dicitur *Danielis 9. Et erit in Tēplo desolatio abominationis*. Christus euēturum prædixit *Matth. 24.* & tan ē impletū esse in Antiocho Epiphane colligitur *ex 1. Machab. 1.* Præterea illud *Isaia 53. Verē lāguores nostros ipse portauit, Matth. 8.* allegatur pro morbis corporalibus: *Act. 5. Petrus Epist. 1. cap. 2.* refert ad peccata, quē sensum habent etiam Septuaginta.

Denique *Habacuc 2.* de primo Christi aduentu dicitur. *Quia adhuc visus procul, & apparebit in finem, & non mentietur*: Et tamen Paulus *Ad Hebr. 10.* interpretatur de secundo aduentu. Sic de pluribus alijs S. Scripturæ locis est intelligendum, vt verum sit quod dicit S. Augustinus *Lib. 3. de Doct. Christ. cap. 27. Quid in diuinis eloquijs largius, & vberius potuit diuinitus prouideri, quā vt eadem verba pluribus intelligantur modis, quos alia non minus diuina contestantia faciunt approbatum.*

Toties porro intelligitur multiplex sensus literalis, quoties accidit multiplicitas aliqua æquiuocationis, amphiboliæ, compositionis, diuisionis; vt occurrit in nostro proposito, vbi Terram in æternum stare, intelligi potest de Statione opposita motui locali & circulari, & de stabilitate secundum durationem. Licet autem sensus literalis semper sit determinatus, & scilicet littera vnica est, ita non possit, ex ea elici nisi vnicus sensus; si tamen non attendatur conditio literæ, sed mens Authoris, qui plura per eandem litteram voluit significare, ab Authore prouenit plures esse sensus literales, qui tamen constare debent ex alio loco Scripturæ, & præterea debent esse determinati, non confusi, velut ex supra positis exemplis liquet: alioquin non poterunt intelligi per eandem litteram plures sensus: proinde siue vnicus

sic sensus literalis, siue plures, semper est sensus determinatus, quatenus ex litera potest haberi, & non alio modo. Et quia si plures sunt sensus literales, vnde etiam sunt determinati, idè sciri potest quando Scriptura vel nullo modo est impleta, vel impleta in vno tantum, & non in alio, vel demum quando in omnibus; ita tamen vt si plures sint sensus qui videantur æquè principales, tum dicantur verificari sensus literales, quando omnes verificantur: Vel si non possunt esse plures æquè principales, vt quidam putant, tunc litera dicatur impleri quando præcipuus eorum verificatur. Itaque in exemplo supra posito, *Os non comminuetis ex eo*, singulis annis in Paschatè verificabatur, & nihilominus expectabatur complenda; vel si principalior sensus est, qui de Christo loquitur, tum præcipuè litera est verificata, quando in morte Christi euentus præstitus est. Idem dico de dictis *Daniel. 9. Et Abaruc. 2.*

Vnum hic aduerte. Quod diximus superius, ratione æquiocationis oriri multipliciter sensus literalis, non esse accipiendum de propria æquiocatione, quæ ad Sophisticam pertinet, & propriè fallacia dictiōis dicitur, soletq; tum propriè euenire, cum enuntiatio in vno sensu est vera, in altero falsa, ex quo præbetur occasio errandi;

sed loquimur de æquiocatione, in qua cum plures sensus

veri, ac determinati sunt, intellectus tamen aut

ignorat omnes esse veros, aut si nouit,

dubius tamen est, quis sit

magis ad mentem

dicentis.



*Sensus literalis huius propositionis
Terra in æternum stat.*

CAPVT SEXTVM.

HIVS propositionis sensus integer, continet plures partiales Veritates. Ex quibus vna est *Terram stare*. Hoc est nullo modo moueri secundum totum, vel quod idem est non moueri de loco ad locum, mutando situm & ordinem, siue secundum se, siue per aliud, & quocunque tandem motu imaginabili. Patet. Quia verba quibus S. Scriptura vtitur, *Esse fundatam, firmatam, confirmatam, consistentem, non commouendam, firmatam super stabilitatem seu sedem suam, denique stantem & fixam, non mouendam à fundamento seu loco suo*; id verè significant, quod est esse omninò immobile secundum totum. Adde quod hæc propositio *Terra in æternum stat*, in Hebræo hunc sensum facit *Terra in æternum fixa, & consistens est*, proinde significat statum motui locali oppositum, Et verbum primitiuum quo effertur, verè firmitatem & permanentiam quandam dicit, qualis solet esse columnæ erectæ & fixæ, ædificium immobiliter sustentantis.

Atque hic sensus est simplex sensus, secundum proprietatem vocum acceptus sine vlllo inconuenienti, vt non sit necessarium ad vllum sensum Metaphoricum recurrere; immò verò ita congruens diuersis locis Scripturæ, vt non repugnent inuicem, sed potiùs mutuò sese explicent, quod signum est, esse sensum intentum à Spiritu sancto, sicut contra, non posset dici intentus, si repugnaret alteri loco Scripturæ. Verum enim Vero non repugnat. Vide S. Thom. *Quæst.* 4. *de Potentia, art.* 1. Quam causam puto esse cur huiusmodi motus localis, vix aliquis Patrum disertè meminerit, tanquam si nihil dubij præ se ferret. Omnia porro dicta Scripturæ, quæ motum Terræ videntur affirmare, commodè, nec alia ratione debent explicari, quàm de motu prodigioso ac præter naturam: nec enim vnquam huiusmodi commotionem Scriptura producit, nisi in signum diuinæ omnipotentiz, aut indignationis, & interdum comminando. Vide 2. *Reg.* 22. Et *Psal.* 17. Idem colligitur ex proprietate verbì Hebræi, quo in id genus commotionibus exprimendis, sacer textus ferè vti conuenit, quemadmodum videri potest *Deuteron.* 28. *Prou.* 30. *Iob.* 26. *Ioa.* 14.

Ierem. 51. Joel 2. Licet interdum & reuerentiam creaturarum denotet respectu Creatoris *Psal. 103. Ecclesiast. 16. Isaie 41.* Hinc Philastrius *Lib. de Hæresib.* appellat Hæreticos & vanos Philosophos illos, qui Terræ motum, rerum & elementorum naturæ adscribunt, non Dei peculiari iussioni & indignationi. Sed quod huc spectat, ponderandum est quod elicitur ex doctrina S. Thomæ *Opus. 10. art. 16.* absque periculo fidei non posse tolerari, Terram loco suo esse mobilem, si attendatur ordo Vniuersi, qui Terram requirit esse in medio collocatam.

Ex hoc porrò sensu immediatè colligitur, Terram neque posse moueri ad motum Orbis magni circa Solem, neque motu conuersionis in seipsam, versus eandem partem cum Orbe magno, nec denique alia vertigine in contrarium circa proprium Centrum, & axem quacunque & quomodocunque inclinatum, Omnes enim illi motus constituent Terram secundum totum, extra locum suum naturalem, modò in vno, & modò in alio Cardine Vniuersi; idemque eueniret si moueretur infixa dicto Orbi, & per accidens absque proprio motu; proinde omnes sunt apertè contra hunc sensum literalem, & contra manifesta loca S. Scripturæ ex quibus is sensus elicitur.

Alius sensus seu partialis veritas est, *Terram stare*, hoc est non moueri motu circulari in loco suo circa proprium centrum & axem, qualiscunque tandem sit huiuscemodi motus, etsi situm & ordinem Vniuersi minimè variet, minimèq; mutet locum secundum totum, sed tantum secundum partes & partium differentias, respectu alicuius fixi. Patet. Quia alioqui hoc ipso inclinaretur ad alterutram partem, contra S. Scripturam: *Non inclinabitur in seculum seculi.* Deinde, hanc ob causam Latinus interpret vsus est verbo *standi*, qui omnem motum excluderet, & omnem sensum literalem, qui hic intentus est, cõplecteretur. Verbo enim *standi* intelligitur apud Latinos Authores fixio quædam, quædam & negatio potentiz ad quemcunque motum etiam circula'rem, quatenus applicatur Terræ; tum iuxta aliàs dicta. Cûbim referenti, tum etiam montibus eminētibus, alijsq; inæqualitatibus, corpus alioqui sphæricum, & ad motum habile impredientibus, prægrauatæ. Et in hoc sensu vertitur quæstio, *An Mundo stante Terra vertatur?* Et, *An Mundus Terra stante circumiat?* Tull. *Lib. 2. Acad. Quæst.* Seneca *Lib. 7. Nat. Quæst. cap. 2.* Et alioqui Latinus interpret, faciliè potuisset ex Arabica traditione aliud verbum adhibere, nisi eiusmodi immobilitatem intellexisset, qui omnem sensum literalem exhauriret. Adde quòd cûm Terra stare, & oppositione seu comparatione relativa Sol moueri dicatur, Soli autem tri-

bua;

finatur omnis motus in specie, quem Authores sui, Terræ adscribunt, consequens est Terram omni eo motu, qui Soli competit priuatam esse.

Mouetur in primis Sol motu annuo proprio, mouetur & contra, diurno, qui sensus ex hoc loco *Eccles.* 1. clarè eliciuntur; mouetur, & motu conuersionis in seipsum, idq; dupliciter, & motu annuo circa axem obliquum, ab ortu in occasum, quod vtrumque demonstret ex macularum reuersione, macularum primus inuentor Apelles, habetq; non parum fundamenti in hoc eodem loco, dum dicitur. *In circuitu pergit Spiritus, & in circulos suos reuertitur*, quod postremum, etiam de motu conuersionis in seipsum commode intelligi potest. Esse autem hanc propositionem, *Terra autem in æternum stat*, re- lativè dictam, non solum respectu sententiæ antecedentis, *Generatio præterit & Generatio aduenit*, sed etiam respectu sequentis, *Oritur Sol & occidit*, &c. latis liquet ex epitasi illa & repetitione, quam habet Hebræa, Græca, & antiqua Hieronymi lectio, *Et oritur Sol, & occidit Sol*; Indicat enim pendente à præcedenti dicto sensum, ut cum Terra stare in æternum dicatur, Sol verò & oriri & occidere, atque adeo totus esse in motu, eodemq; continuo; ijs omnibus modis & moribus opponatur Stationi Terræ, qui ipsi competunt, & competere possint. Denique hunc esse sensum literalem, cum ex eo ostenditur, quòd huiusmodi motus Terræ circularis, nullus sit in natura finis, tum maximè ex eo, quòd posito quocunque motu circulari Terræ, plurima sequuntur manifestè contra Fidem, ut in loco videbitur.

Tertius sensus est. *Terram in æternum stare*, hoc est durare, & in suo statu permanere, saltem quatenus opponitur ortui, & interitui rerum. Hoc expressè colligitur ex verbis antecedentibus, *Generatio præterit, & Generatio aduenit*, quibus immediatè subiungitur, *Terra autem in æternum stat*; Est quippè sensus comparatiuus, quasi dicat Terram secundum se totam nec generari nec corrumpi, sicut cætera, quæ vel ex ipsa, vel super ipsam generantur, loquendo præsertim, de humana generatione, de qua explicant, Hieronymus, Olympiodorus, Hugo, Albinus, & alij; Ut verum sit quod Hugo hoc loco profert. *Terram stare, ut venientes mittat, pertranscuntes portet, discedentes recipiat*. Adde idipsum haberi ex Arabica lectione. *In æternum durat, seu durabit*.

Dixi Terram in æternum stare, quatenus saltem opponitur ortui rerum & interitui. Nam de cætero, quod Hieronymus notat, *In seculum,*

lum, vel in æternum, sumitur pro longa, sed finita duratione. Idcirco Olympiodorus exponit, *in longinquum tempus*. Sed S. Augustinus *Lib. 2. locut. Exodi. Et 1. Quæst. in Gen. cap. 31.* obseruat æternum dici interdum, quod finem nullum habet, interdum quod finem respicit, sed ubi, & quando, nescitur. Ceterum, sicut falsò aliqui ex hoc loco, Ecclesiasten, Mundi æternitatem asseruisse, & credidisse dixerunt, ideòq; huic libro fidem derogarunt; falsò etiam putet Galatin. *Lib. 11. de Arcan. cap. 5.* iuxta vocem Hebræam, nunquam reperiri in Scriptura æternum pro propriè dicto æterno: Ita nobis satis est hoc loco *æternum* cum Authoribus sacris, pro longiori tempore non tamen præscripto accipere; vt intelligi queat *Terram saltem in æternum stare*, quamdiu homines eam incolentes supererunt. Nec obstat huic Stationi æternæ, quod toties mutari dicatur *Iob 24. & passim*; sufficit enim mutari secundum eam, quam nunc habet, imaginem, iuxta illud Pauli *1. ad Cor. 7. Præterit figura huius mundi, vt nihilominus sine fine subsistere queat*, non alia condenda, sed illa renouanda. Quamquam ad rem nostram satis sit, Hieronymo, Augustino, Olympiodoro, alijsq; eiusdem, vel similis sententiæ subscribere.

Ad has porro veritates, quatenus integrum sensum literalem conficiunt, confirmandas, aduerto ex S. Augustino *Lib. 3. de Doct. Christi. cap. 27. Quando ex eisdem Scriptura verbis, non vnum aliquid, sed duo vel plura sentiuntur, etiã si latet quid senserit ille, qui scripserit, nihil periculi est, si quodlibet eorum congruere veritati, ex alijs locis Sanctarũ Scripturarũ doceri potest: id tamen eo conante, qui diuina scrutatur eloquia, vt ad voluntatem perueniatur Authoris, per quem Scripturam illam sanctus operatus est Spiritus: siue hoc assequatur, siue aliam sententiam de illis verbis, qua fidei recta non refragantur exculpit, testimonium habens à quocunque alio diuinorum eloquiorum. Ille quippè Author in eisdem verbis, qua intelligere volumus, & ipsam sententiam forsitan vidit, & certè Dei Spiritus, qui per eum hæc operatus est, etiam ipsam occursum leetori, vel auditori sine dubitatione prauidit, immò vt occurreret, quia & ipsa veritate est subnixa, prouidit. Nam quid in diuinis eloquijs largius, & vberius potuit diuinitus prouideri, quàm vt eadem verba pluribus intelligantur modis, quos alia non minus diuina contestantia faciant approbari. Hæc Augustinus.*

*Qui ex prædictis sensibus videatur
principaliter intentus.*

C A P V T S E P T I M V M .

QVAMQVAM huius dicti *Terra in æternum stat*, si conditio literæ attendatur, sicut ipsa vnica est & determinata, ita non eliciatur ex ea nisi vnicus sensus, qui est immotum esse, siue non mutari; quia tamen subest amphibolia & æquiuocatio, iuxta rationem supra *Cap. 5.* explicatam, vt intelligi queat tam de statu secundum durationem, quam de Statione cuiusque motui opposita; iccirco attenta mente Authoris, omnes ij sensus quos Capite superiori explicauimus, intenduntur atque intelliguntur, omnesq; vt vidimus, ex litera eliciuntur, & ex alia Scriptura probantur; omnes præterea partim impleri sunt, partim adhuc implentur, quatenus siue intrinsecè siue extrinsecè successionem quandam connotant. Verum enim est, & durasse, & nullo ex modis supra censitis, motam esse Terram: Verum item & duraturam in æternum, in sensu de æternitate explicato, nec vilo modo mouendam naturaliter, quicquid sit de possibili respectu potentiz diuinæ, quæ non destruit veritatem sensus literalis, fidem adstruentis. Nam quòd de Fide sit Cælum & Terram esse creata in principio, non obstat cuius sensui literali, & veritati Fidei, quin possint per potentiam diuinam in nihilum redigi, & negari quòd sint, non autem quòd fuerint: Ita si per eandem potentiam destinat Terra durare vel quiescere, non facit quin sensus literales veri fuerint & determinati, & quin verè affirmari possit, durasse & quieuisse, atque adeo prædictos sensus adimpletos fuisse, etsi post desitionem dici nequeant adimpleri, sicut nec Terram durare, & quiescere. Atque his positis, videndum superest duntaxat, qui ex prædictis sensibus principaliter sit intentus, vt instituto præsentì respondeamus.

Dico verò, per se loquendo omnes prædictos sensus æqualiter esse intentos; per accidens tamen hunc principalius intelligi, qui est Terram non moueri vilo modo. Primum patet. Quia cum omnis sensus literalis debeat esse verus, literæ conformis, traditioni non repugnans, nulli alteri loco Scripturæ contradicens, immò per Scripturam explicatus; huic autem propositioni *Terra in æternum stat*, quatenus præ-

prædictos sensus exhibet, omnes dictæ conditiones, vt vidimus conueniant, necessario consequitur omnes esse & quæ principatiter intentos, tanquam vnâ integrâ veritatem conflantes, Adde eisdem, congruere contextui præcedentium & consequentium, non recedere à proprietate sermonis per quem efferuntur, denique reipsa adimpleri; quæ omnia æqualem arguunt dicentis intentionem.

Secundum patet multis argumentis. *Primò*, Quia pluribus S. Scripturæ locis explicatur Terram nullo modo moueri, quàm durare. *Secundò*, Quia quoad nostrum intelligendi modum significatio verbi *Standi*, magis accedit ad eam proprietatem vocis, quæ Terram omni motu priuat, quàm quæ secundum durationem permanere innuit. *Tertiò*, Quia nullus vnquam Sanctorum Patrum dixit Terram moueri, aut dubitauit Terram quiescere, licet ex occasione non paucis de ea disputarint, variaq; dubia, cū faterentur non ad rem suam pertinere, proposuerint & subinde soluerint, nihil interea de Terræ motu differentes; quibus tamen non erant ignotæ Pythagoræ, & sectatorum opiniones, non secus quàm Platonis, Aristotelis, aliorumq; quos in Philolophia sectati sunt, sententiæ; quod signum est eos huiusmodi somnia planè insuper habuisse, & contempnissè. *Quartò*, Quia contrarium non asseritur à Sanctis Patribus, sed ab ijs, qui in Theologicis nullius sunt authoritatis, & tantum suas ostendendi causa sequuntur inuentiones, & imaginationes. Quæ omnia per accidens, & respectu nostri, vel si mauis à posteriori ostendunt, hunc sensum in Scriptura magis videri intentum, qui est, vt dicebamus, Terram nullo modo moueri, sed in suo naturæ loco motus omnis expertem quiescere, atque adeo Stationem fixam perpetuò tenere. Quibus addo vnum, quod videri possit per se & absolutè probare, nimirum ex contrario huius sensus, quatenus Terra moueri dicitur à suis, plura sequi, reuelatas partim explicitè, partim implicitè in Scriptura veritates destruentia. Quod iam ostendemus.

PRIMO igitur, de Fide est Deum fecisse *Firmamentum* in medio aquarum, ad diuidendas *aquas ab aquis*: hoc Firmamentum vocatum fuisse *Cælum*; denique in eodem firmamento posita esse duo Luminaria magna, *Luminare maius* (id est Solem) *vt præesset diei*; Et *Luminare minus* (id est Lunam) *vt præesset nocti*; Vt lucerent in firmamento Cæli, & lucendo super Terram illuminarent eam. *Gen. I.* Sed si Terra motui destinata collocetur in Orbe magno supra Solem, Mercurium, & Venerem, (hic enim est vnus sensus quo sui authores moueri Terram volunt) sequitur primò Terram esse in Firmamento sydereo, Solem verò in infimo loco pro Centro constitutum, esse

extra

extra Cælum & firmamentum sydereum, quemadmodum nunc Terra propriè loquendo, est extra Cælum, & Firmamentum, & Centri locum in imo habens. Sequitur secundò, Firmamentum non diuissse, *Aquas ab Aquis*, sed tam aquam elementarum, quam partes eas aquæ crassiores, ac denique totum Mare Terram cingens, mansisse in ipso Firmamento, penè medio loco inclusas; nam aquæ istæ omnes, aut voluuntur cum Terra in Orbe magno, & habetur intentum; aut manserunt in infimo loco, Solem ambientes & refrigerantes, & tum confirmatur prima sequela, Solem videlicet cum Aquis ambientibus esse extra Firmamentum, & extra Cælum sydereum, quod est manifestè contra Scripturam.

SECVNDO, De Fide est Cælum esse sursum, & Terram deorsum. Deuteron. 4. *Scito ergo bodie, quòd Dominus ipse sit in Cælo sursum, & in Terra deorsum, & non sit alius.* Prou. 25. *Cælum sursum, & in Terra deorsum, & Cor Regis inscrutabile.* Psal. 102. *Secundùm altitudinem Cæli à Terra corroborauit misericordiam suam.* Qui modus loquendi eam inter Cælum, & Terram notat distantiam, ut Cælum sit in summo loco, Terra in imo: Quod ipsum significatur Ierem. 31. *Si mensurari poterunt Cæli sursum, & inuestigari fundamenta Terra deorsum.* Et Isaia 55. *Sicut exaltantur Cæli à Terra, sic exaltata sunt via mea à vijs vestræ.* Mitto quàm plurima alia. Mar. 13. Ioan. 11. Ad Coloss. 3. Ad Galat. 4. Deuter. 28. & 30. Baruch. 3. &c. Plurimòrùm denique Patrum in re indubitata sententiæ. Sed si Terra in Orbe magno voluitur supra Venerem, Mercurium & Solem, nunquā rectè dicetur esse deorsum respectu Cæli totius, ut argumentari liceat ab altitudine Cæli, ad humilitatē Terræ, quemadmodum sit in locis allegatis, longè enim inferiores erunt Venus, & Mercurius, & adhuc longius distabit corpus Solis, à quo proinde sumi debebat comparatio illa relatiua per particulas *sursum, & deorsum*. Nec dici potest, fieri comparisonem habita ratione inter Cælum supremum & Terram, tametsi non infimo loco sitam. Eodem enim modo poterat sumi comparatio à Cælo stellato respectu Emphyrei, aut respectu cuiusvis Planetæ longè sub Cælo stellato positi, quod tamen nullibi est factum in Scriptura, sed semper adhibita simplex relatio inter Cælum & Terram, tanquam summè inter se distantia iuxta supremum & infimum.

Ex his obiter infero, quàm contrarium sit S. Scripturæ Systema illud Vniuersi, quo Terram in Cælo supra Venerem, Solem verò in imo, Centri instar, sui authores locant. Ex eo enim necessariò consequitur, non verificari secundum propriam locutionem, quæ de

Christo in Symbolo dicuntur, primum scilicet descendisse ad inferos, deinde ascendisse ad Caelos; qui enim alioqui hic potest esse figuratus sensus, & verbis expressis, & secundum communem & Catholicum usum acceptis contrarius? Quod enim defensores eius Systematis, hæc quoque sicut pleraque alia, secundum apparentiam dicta velint, tam propè est ad veritatem, quàm hoc dicendi modo facillè totum Symbolum euertunt, ut iam aditum aperiant reuocandæ Hæresi Valentinianæ, plura ibi narrari, quæ secundum apparentiam & phantasticè, non verè sint facta. An verò in Articulis Fidei condendis, & ad salutem cognitu pernecessarijs, eiusmodi figuris est utendum, ut nesciamus quæ credamus, & longè aliter, immò reipsa contrario modo se habeant illa, ac credendo nobis persuadeamus, eòque pacto ab æterna Veritate ludificemur? Ceterum si hæc, & huiusmodi secundum apparentiam ad sensum sunt dicta, licebit ratione recta utentibus, veritatem, ut se habet apprehendere, & secundum eam veras propositiones formare, immò interpretis munere S. Scripturam ad verum, & proprium sensum reducere.

Itaque cum dicitur *Ioan. 11. Iesus eleuatis sursum oculis: dicam. Iesus depressis, vel demissis deorsum oculis. Et Act. 2. Dabo prodigia in Cælo deorsum, & signa in Terra sursum. Et Ad Coloss. 3. Quæ deorsum sunt quarite, ubi Christus est in dextera Patris, quæ deorsum sunt sapite, non quæ super Terram, id est, quæ sunt sursum.* Denique illud Christi ad Scribas, & Phariseos *Ioan. 8. Vos de deorsum estis, ego de supernis sum, Vos de mundo hoc estis, ego non sum de hoc mundo:* licebit ita reducere ad veritatem. *Vos de sursum estis, ego de infernis sum; Vos de mundo hoc estis,* (intellige de Mundo iuxta Systema Ptolemæi) *Ego non sum de hoc mundo, sed de Mundo iuxta Systema Pythagoricum.* Apage has pugas & hæreses, Et tamen hæc sequuntur ex contraria sententia, cuius defensores, cum Pythagoram à Moyse, suam doctrinam accepisse tradant, mirum cur Scribas & Phariseos toties Moysen Christo obiectantes, non etiam Patronos sibi adfiscant, nisi iam velint ex prædicto loco, Moyse, Pythagoræ, Christo, & Scribis & Phariseis, de suo Systemate benè conuenisse. Sed mittamus hæc absurda.

TERTIO, De Fide est Deum appendisse Terram super nihilum *Iob 26. Quod quemadmodum factum, sit Patres, Ambrosius, Isidorus, Damascenus, & alij, sciri ab homine posse negant. Idque de Fide est, Iob 38. Quis posuit mensuras eius, si noliti? Et Ierem. 31. Si mensurari possunt Cæli sursum, & inuestigari Terra fundamenta deorsum.* At si Terra collocata sit in magno Orbe, atque adeò in

Cælo

Cælo sydereo, non erit fundata super nihilum, sicut neque cetera sydera & astra in Cælo posita, fundata sunt super nihilum, vt considerati patet; & quicquid tandem in Cælo est corporei, nequaquam dici potest appensum esse super nihilum, nec difficile erit inuestigare fundamenta, & mensuras omnium, quæ visui patent, siue de cetero Cælū dicatur esse corpus solidū, & impenetrabile, siue liquidum, (quod mihi certius) æreū, aut aqueū, ex varijs opinionibus, quæ circa hoc argumētū agitur.

QVARTO, De Fide est, Christo patiente Solem miraculoso deliquo laborasse, & per tres horas, hoc est à Sexta vsquē ad Nonam (Matth. 27.) tenebras super vniuersam Terram durasse. At posito motu Terræ, qualem fingunt authores sui, nequaquam id potest ea, ratione verificari. Cū enim interea vertigine diurna Terra mota sit ad Orientem, per gradus 45. necessariò subduxit Hierosolymorum, Urbem, ne dicam totam Iudæam illis tenebris, hærente interea Luna sub Sole quiescente, & tantū partibus occidentalibus successiue lucem adimente; vt proindē non simul fuerint tenebræ illæ super Terram, sed locorum successu per tres horas, quod est Iudificare S. Scripturæ sensum, & omnium Interpretum sententiam. Quod si dicatur Lunam continuò retrocessisse cum Terra, per eosdem 45. gradus ad Orientem, vnde contra naturam mota fuerat; illicò sequitur aut nouo quodam miraculo, cuius nec Scriptura nec Authores meminere, Solis radios fuisse impeditos ne lucem ederent; aut Occidentalioribus non paruissē Eclipsin, Lunæ interpositu duratam per tres horas, citiusq; detectū fuisse Solem, Luna Orientem versus subtrahā, quodque hinc necessariò se profert, non fuisse Tenebras super vniuersum Terrarum Orbem, iuxta communem omnium contra Origenem, & quosdam alios paucissimos, demonstratamq; ex oraculo Sibyllæ, Phlegontis dictis, Græcorum commentarijs, Echnicorum longē dissitorum testimonijs, denique Mathematicorum placitis, sententiam: præsertim quia nisi multiplicentur miracula, Luna redux ad Orientem, in motu suo situque obliquo, non nisi per obliquos, dissimiles item ac varios angulos in quibus se bases visionis interfecant, Solem potuerit occultare, atque adeò minorem eius abscindere partem, quā, necesse foret ad Tenebras Orbi Terrarum affundendas, vtpote cū Luna Soli supposita, & totam Eclipsans Solarem discum, vltra 350. milliaria Italica, vmbre suæ diametrum non extendat, in præfati euentu longē minori spatio Tenebras concluderet, necesse est. Quæ omnia ex doctrina planorum triangulorum hoc loco supponimus; addito etiam hoc alio, quod cū ex principijs Optices Sol, de Terræ superficie plus hemisphærio illustret, positis motu Terræ, Lunæ regressu,

gressu, & Solis Statione, Tenebrarum durationem per tres horas sine nouo, vt dicebam miraculo, possibilem haud fuisse, Id, quia consideranti patet, alia demonstratione hoc loco non eget, ne tractatio prorsus Mathematica euadat. Ceterum hoc argumentum valere maxime putamus, si Lunæ interpositione tenebras eas extitisse verosimilius credamus, ne frustra Lunam loco suo motam dicamus; secus verò si quis cum nonnullis putet, subtractione concursus diuini cum Sole factum, ne luce Mundum radiaret.

QVINTO, De Fide est Solem moueri, & quidem circulariter, quod Capite Nono ostendemus. Cum verò moueatur circa Terram, quemadmodum præter experientias Physicas & Mathematicas, ex locis S. Scripturæ adducendis constabit, necessariò consequitur eam in medio constitutam, omnis esse motus expetent, alioqui si moueatur & ipsa, nec ad aliquid immotum perueniatur, quis eiusmodi motus sit finis in præsentis ordine Vniuersi, cum motu Solis constituto assignari minimè potest. Quare Terram stare non solum per se est de Fide, sed etiam quatenus immediatè deducitur ex alia propositione de Fide, quæ est, Solem moueri circulariter, in qua propriè virtualiter continetur. Id fortasse eò sit certius, si etiam de Fide sit Terram esse Centrum Vniuersi, quod an dici queat, infra in loco videbimus.

Atque hac dicta sint de sensu literali principalis intento circa

Terræ Stationem, iuxta nostrum intelligendi modum supra explicatum, quatenus etiam, quæ Terræ motui opponuntur facilius deducuntur ex Scripturis, & plerumque obuia sunt, & penè ad sensum clara.

Ex quibus vltèrius deducitur, si Solem moueri de Fide est, ruere Systema

affirmantium, eum in medio quiescere,

omni etiam motu conuersionis in seipsum priuatum, quem sui autores

Terræ attribuant.



*Solem moueri omnium Sanctorum Patrum
& Interpretum, est unanimes sententia.*

C A P V T O C T A V V M.

PRO motu Solis absolutè, referri possunt omnes illi Patres, & Interpretes antiqui, vt nihil de recentioribus dicamus; qui loca Scripturæ 4. Reg. 20. *Isai.* 38. *Ecclesiast.* 48. 2. *Paralip.* 32. de miraculo in Horologio Achaz factò loquētia, de vero Solis cursu, & vera retrocessione intelligunt. Origen. *Hom.* 3. in *Matth.* Gregorius Nazianzenus *Orat.* 19. Augustinus *Lib.* 1. de *Ciuit.* cap. 8. Author mirab. Script. *Lib.* 1. c. 28. Hieron. 2. *Paralip.* 32. Et in c. 7. & 38. *Isai.* Cyril. Alex. In cap. 39. Theodor. In *Psal.* 20. Procopius In cap. 38. *Isai.* Glycas part. 2. *Annal.* pag. 271. ex Hippolyto, & Eustathio Antiochēno. Angelomus In *Stromat.* lib. 4. Reg. Dionysius Carthusianus In *Isai.* cap. 39. art. 67. Beda, Lyrānus, Hugo, Abulensis In cap. 21. lib. 4. Reg. Thoringus, author replic. Ad *Glos. ord.* qui & bene refellit Burgensem. Longum esset singulorum verba referre.

Huc pertinent & illi, qui extra hunc locum Scripturæ, locuti sunt de motu Solis. Dionysius Arcopagita In *Epist.* ad Polycarpum. Iulianus In *consut.* *Arist.* lib. 2. de *Celo*; & idem supponit In *resp.* ad *Quaest.* 59. Chrysostomus In *Psal.* 134. vbi, Sol (inquit) per totum diem Calum percurrit, fulgur autem minimo momento temporis vniuersum Orbem Terræ. Rabi Hacados. In cap. 1. *Genes.* Isidorus Pelusiotes *Epist.* 100. ad Paulum Solis cursum supponit, licet eius rei sicut & aliarum Astronomicarum inquisitionem, parum ad virtutem, allaturam dicat, Basilii In *Hexam.* *Hom.* 2. 6. 9. Et in cap. 13. *Isai.* Ambrosius *Lib.* 4. *Hexam.* cap. 5. & 6. Augustinus In *Hom.* de *S. Vincentio Mart.* Et *Lib.* 1. de *Gen.* ad *lit.* cap. 19. Procopius In cap. 1. *Gen.* supponit Solem moueri, nec in primo Cælo constitutum. Et super illa verba, *Vocauit Deus lucem diem*, Lux (inquit) eum cursum absoluebat, quem nunc Sol peragit. Bonauentura In *Ecclesi.* cap. 1. docet Solem moueri peculiari modo, Terram stare; Dionysius Carthusianus *Opusc.* de *Consid. Theol.* art. 37. Et In cap. 1. *Ecclesi.* Et In *Isai.* cap. 39. art. 12. Theodoretus *Serm.* 3. de *Angelis.* Solem ab ortu se attollere diemq; efficere, Et *Serm.* 5. de *Mat.* & *Mund.* contra infideles Græcos idipsum supponit, cum dicit. Neque Sol firmissi-

num illud Calum, per quod assidue currit eliquare potest, neque dissoluere, sed neque ipsum firmamentum, tamen si humida sit natura, flagrantem Solem extinguit. Sed notandum, à Dionysio Arcopagita Lib. 1. de Diuin. Nom. cap. 4. Et In Epist. ad Polycarp. Solis cursum supponi ex principijs naturæ eatenus, ut non nisi vi superiore sistatur: quod ipsum ex eodem asserit Dionysius Carthusianus Opusc. de Confid. Theol. art. 57. Et longè ante hunc Isidorus Hispalen. Lib. 3. Orig. cap. 49. Solem per se ipsum moueri, ait, non cum mundo verti, nam si fixus Cælo maneret, omnes dies & noctes aquales existerent, sed cum alio loco cras occisurum, alio occidere besterno videmus, apparet eum per se ipsum moueri, non cum mundo verti. Hæc Isidorus.

Quòd verò. Chrysostomus In Psal. 90. dicat. *In Centro stans Sol medius dies dicitur*, loquitur de Sole in culmine, seu in vertice existente, in quo, quia præter summam altitudinem minus est ad sensum perceptibilis motus, stare quodammodo videtur. Vocatur autem, hæc altitudo, Astronomis, inter alia Centrum respectu Hemisphærij, in quo cum Sol existit, medius dies efficitur. Sic dicitur Iosue 10. Sol stetit in medio Cæli, id est sub Meridiem, medioq; cacumine Cæli, ut explicat Sedulius. Et Author mirabilium S. S. apud S. Augustinum, ait, *Iosue Principem Sole posito in medio die præcepisse ne se moueret.* An de hoc medio Cæli intelligatur Tertull. ad Scapulam, cum dicit Solem fuisse positi in suo Hypsomate, ideò nō potuisse portentosam illam defectionem luminis, ex ordinario deliquio pati; tunc dabitur in Demonstrationibus Chronologicis; Itaque Chrysostomus non intelligit propriè stare Solem, cum vera priuatione motus, alioqui contradiceret ijs, quæ paulò ante ex eodem In Psal. 134. attulimus. Eodem modo dixit Augustinus In Hom. de S. Vincentio Mart. videri absolute stantem, & tamen moueri velocissimè. *Intueris* (inquit) *Solem, & tibi videtur quasi non moueatur, & tamen mouetur. Fortè dices mouetur, sed tardius. Vis ratione colligere, quod non sentis aspectu?* pergit deinde explicare celeritatem eius motus. Ita etiam Nazianz. Orat. 34. dixit, ratione stabilem, motus expertem, & præterea infatigabilem. *Quid* (inquit) *eli perpetuo motu agitatur, aut circūducitur, et interim ratione stabilis sit & motus expert, infatigabilis verè, vita dator, animantium pater, &c.* Qui modus loquendi supponit motum, sed non variātem. Quamuis etiā intelligi queat de motu regulari, qui semper vniformiter se habet, etsi nobis irregularis interdū appareat; & iccirco dici possit motus expert, quòd sit cōstās, & inuariabilis in perpetuo motu, in illa enim mouēdi inæqualitate (scilicet apparēt) mirabile seruat aqualitatē (inquit) Nazianz. in quo, & diuinitatē refert, qua

cū sper in aſtione ſit, in aterna beatitudinis trāquilla quiete cōſiſtit.

Atque hæc de Patribus, qui de motu Solis abſolutè loquuntur. De motu circulari agentes, quàm plurimi etiam afferri poſſunt, cum hac tamen differentia, quòd aliqui inter illos locum illum *Eccleſ. 1. Orietur Sol & occidit, & ad locum ſuum reuertitur, ibiq; renaſcens gyrat per Meridiem, & fleſcitur ad Aquilonē,* &c. intelligunt de motu Solis diurno, alij de annua conuerſione, alij denique loquuntur de circuitu abſolutè. De motu diurno intelligunt. Greg. Niſſ. Greg. Neocēſar. Auguſt. Chaldaeus, Chryſoſt. *Hom. 12 ad Popul. vbi ſentit Cēlo immoto Solem cum reliquis ſyderibus quotidie circumiolui.* S. Thomas *ſuper Iob. 37.* De Annuo motu exponunt Hieronym. Olympiod. Theophilus Alexand. *Epist. 3. Paſchali.* Gloſſa. Hugo de S. Caro. Hugo de S. Viſtore, Albinus, Bonauent. & alij poſteriores, ſecuti interpretem, qui vocem Hebræam propriè ſignificantem, *Circuire*, expreſſit per Verbum *Fleſcitur*, indicans videlicet obliquum illum motum, inter Tropicos, non obſtante motu diurno. Denique de circumlatione abſolutè, videntur loqui, Dionyſius Areopagita *In Epist. ad Polycarp.* Iunilius *In Com. in Gen.* Procopius *In cap. 1. Genef.* Rabi Hacados *ibidem*, & quidam alij. Sed inter alios Claudius Mamertus *In lib. 2. de Statu Anima, c. 13.* eleganter hos omnes motus exprimit. *Nunquid inquit, hoc Cælum viſibile non hominibus datum eſt, aut Solaris fulgor & calor, vel Lunaris globi per incrementa & decrementa variatio, vel aſtrorum vagus ratusq; circuitus. vel per magnos Orbes ingreſſus Syderum, & ſtatuta progreſſio, ſue cum dierti noſtitiq; vices variant. ſue quia caloris & frigoris alterno ſotu mundum temperant, ſeu quòd dimenſis limitibus articulos temporum ſignant, eodemq; termino linearum tramitem in idipſum redeuntium, per eaſdem circularum vias reuehant, vel quo diſtinctis numeris, & boris, & muſicis interuallis Aethera pingunt.* Hæc ille.

Quare ex omnium Patrum ſententia certum eſt Solem moueri, quocunq; tandem motu, proindè non poſſe eſſe Centrum quieſcens Vniuerſi, etſi alioqui Planetas aliquos circa ipſū in ſuis peculiaribus circulis moueri ponamus. Quod argumentum, vel ſi nihil haberemus ex S. Scriptura, efficax eſſet ad ſtabiliendam in hac materia veritatem. Mitto hic illos, qui verè quidem ſuppoſuerunt Cælum circulariter moueri, errarunt tamen, quòd dicerent per reditum corporum Cæleſtium ad eadem puncta, in triginta ſex millibus annorum, eoſdem redituros rerum effectus, qui modò exiſtunt: quem errorè meritò condemnarunt Pariſienſes. Vide Anathem. Stephan. Pariſ. *Episc. contra varios in Fide errores. Cap. 5. num. 2.*

*Solem moueri. Et Circulari motu ferri,
est de Fide.*

CAPVT NONVM.

SOLEM. absolutè moueri, habetur *Iosue 10. Sol contra Gabaon ne mouearis. Et. Steterunt Sol & Luna in medio Cali, & non fuit antea nec postea tam longa dies, obediēte Deo voci hominis.* Quæ dicta supponunt Solem moueri, idq; à prima institutione creationis, qua datum est, vt tanquam Luminare maius præfset diei: iccirco dicitur non fuisse antea nec postea tam longum diem. Supponunt deindè, nonnisi miraculosè suum stitisse cursum, obediēte scilicet Deo voci hominis. *Ecclef. 43. Sol in aspectu annuntians in exitu, vas admirabile opus excelsi, In meridiano exurit Terram, & in conspectu ardoris eius, quis poterit sustinere? Quo loco & exortus Solis, & progressus ad medium Cali manifestè significatur. Et paulò infra. Magnus Dominus, qui fecit illum, & in sermonibus eius festinauit iter: Vbi velocitas cursus, qua in creatione præditus est, exprimitur. Isaia 38. Et reuersus est Sol decem lineis: quod ipsum narratur 4. Reg. 20. Inuocauit itaque Isaia Propheeta Dominum, & reduxit umbram per lineas quibus iam descenderat per decem gradus.*

Scio quosdam velle, miraculum accidisse tantum in umbra, & non in corpore Solis, quòd 4. Reg. 20. non fiat mentio Solis, sicut neque in textu Hebræo: Immo neque *Isai. 38.* vbi eadem per epitomen repetuntur. *Ecce ego reueri faciam umbram linearum, per quas descenderat in Horologio Achaz in Sole, retrorsum decem lineis.* Sed isti conuincuntur, ex lib. *Ecclesiast. c. 48. In diebus ipsius* (id est *Ezechia*) *retrò rediit Sol & addidit Regi vitam.* Dindè ex 2. Paralip. cap. 34. *Legati missi sunt Babylone, vt interrogarent de portento, quod acciderat super Terram.* Id sanè non aduertissent *Babylonij*, si tantum in umbra Horologii *Achaz* miraculum contigisset. Denique *Isai. 38.* immediatè post allata verba, vt occurreret opinor huic dubitationi, subdidit illa quæ initio attulimus. *Et reuersus est Sol decem lineis per gradus quos descenderat.* Quod autem 4. Reg. 20. non fiat mentio Solis, nihil refert; satis enim fuit per effectum causam insinuare, præsertim cum *Ezechias* hoc signum petiisset prolongatz sibi vitæ, non vt umbra

umbra cresceret decem lineis, sed ut reuenteretur retrorsum decem gradibus, ut proinde hic effectus proueniret, non tamen sine applicatione causæ, quæ fuit retrocessio Solis. Vnde cum *Isai. 38.* eadem repetantur, quò significetur Isaiam, voto & petitioni Ezechix, ad litteram ut sic dicam respondere, dicitur; *Ecce ego reuertii faciam umbram linearum*, per quas descenderat in Horologio Achaz, &c. immediate tamen subditur, *Et reuersus est Sol decem lineis per gradus quos descenderat*, ut insinuetur applicatio causæ in qua factum est miraculum.

Hunc eundem locum, de Solis cursu & retrocessione intelligi plerumque à S. Patribus, ut ceteros taceam, longè certius est, quàm quò probatione indigeat. Eam ob causam Caspar Sanctius, ab altera sententia, quam non parum probabilem iudicarat, deterritus fuit, secutus alioqui, nisi omnium penè Patrum, & Interpretum autoritas, quemadmodum ingenuè fatetur, sibi aduersa fuisset.

Solem porrò circulari motu ferri, habetur ex *Ecclesiaste Cap. 1.* *Oritur Sol, & occidit, & ad locum suum reuertitur, ibiq; renascens gyrat per Meridiem, & flectitur ad Aquilonem, lustrans uniuersa in circuitu pergit Spiritus, & in circulos suos reuertitur.* Quo loco quater insinuat Solem in Orbem ferri, siue demum de motu diurno, siue de annuo, iuxta varias interpretationes, & partium Scripturæ applicationes intelligatur. Epitasis verò illa, quæ habetur in Hebræo, Græca, & antiqua Hieronymi lectione. *Et oritur Sol, & occidit Sol*, continuationem quandam motus absque interceptione significat, ut totus in eundo, & redeundo esse indicetur, eòque magis, si cum Hebræo per futurum legatur. *Et oriatur Sol, & occidet Sol*, tum ad indefessam motus continuationem significandam, tum etiam ad exprimendum, hunc motum Soli, & non Terræ conuenire; hanc enim emphasim habere videtur vocabulum Solis, eo modo repetitum. Quod autem vltimo loco Spiritus appellatione Sol exprimitur, fit vel propter igneam Solis naturam; Vel propter Intelligentiam assistentem; Vel propter motus velocitatem, quem sensum literalem esse dicit Olympiodorus; Vel denique etiam ab effectu, & vita velut rebus inspirata, quòd nimirum annuos cursus explendo, vegetet, & velut spirare, & vigere faciat inferiora, non autem quòd animam habeat informantem aut viuificantem, quemadmodum sensere Gentiles apud Olympiodorum, & Origenes de corporibus celestibus *Lib. 2. Periarch. cap. 7.* De ignea Solis natura. Vide Eustathium Antiochenum, quem nuper Leo Allatus non minus eleganter primus à Græco Latinum reddidit, quàm doctis & eruditis Notis illustrauit. Eam ob

ob causam tribuerunt antiqui pro mansione Soli signum Leonis, fortitudinem eius ex agendi virtute significantes, quæ dubio procul ex calida qualitate, & ignea quemadmodum diximus natura proficiscitur, quam Eustathius ex lumine, & igne coaluisse insinuat, quasi lumen illud quod ante Solis formationem Cælo insplenduit, in Solis deinde corpus collectum ignescere, & lucere perrexerit. Idem ferè habet ex Zenone, Alex. Lycopolyta Philosophus eximius, mox etiam Latinæ luci à Leone Allatio donandus, *In lib. aduersus Manicheos*. A qua sententia nec fortè abhorreant, qui Stellas ex elementis, nempe ex igne, aëre, & aqua cõstare velint. Vide Isaac Syrum *In lib. de Caus. Causar.* quem, ex Chaldæo Latinè loquentem nondum, quod sciam, vidi. Is verò *Orat. 3. cap. 7.* ubi hanc de Stellis sententiam asserit, tùm verò ab eiusmodi cõpositione Terræ elementum reijcit, quasi Deus (inquit) *Stellas utpote stabilia, & tenuia corpora Terra exemerit.* Verùm hæc omnia quo loco sint habèda, non est huius loci examinare. Placeat interim & hos Patres eius fuisse sententiæ, vt nihil cõmune Terræ cum syderibus aut Planetis esse voluerint, quam natura in medio Vniuersi, atque adeò in infimo loco constitutam esse voluit.

Secundò idem probari potest, *Ex 3. Esdra cap. 4. Magna est Terra, & excelsum est Calum, & volox cursus Solis, conuertit in gyro Calum in locum suum vnica die.* Qui Liber vnà cum quarto eiusdem Esdræ, etsi extra seriem librorum Canonicorum, quos Concilium Tridentinum suscipiendos decreuit, seponatur: omninò tamen magnam auctoritatem habet vterque, supra Scriptores non Canonicos, nec semel à Sanctis Patribus citantur: Immò in quibusdam Biblijs Latinis, tam manuscriptis, quàm impressis immediatè post reliquos Esdræ libros reperiuntur. Quamquam hodiè in plerisque sepositi, ad finem librorum Canonicorum eodem volumine continentur. In

re tamen nostra eò maiorem habere debet hic locus

auctoritatem, quòd vt Olympiodorus insinuat,

hæc sententia desumpta sit *ex Cap. 1. Eccle.*

sistis paulò ante allegato, secundum

quam aliorum etiam argumentis

Solem circulari motu ferri

affirmat.

Quid verò aliqui ad hunc locum respon-

deant, infra *Cap. 13.* vnà cum

ceteris argumentis affere-

mus, & soluemus.

*An sit de Fide Terram esse Centrum
Vniuersi.*

CAPVT DECIMVM.

SI de Fide est Cælum vniuersa continens, esse figuræ Circularis & Sphæricæ, fortasse facile quis inferat, de Fide etiam esse Terrā esse Centrum Vniuersi, ex ijs præsertim Scripturæ locis, quibus *Cap. 7.* ostendimus Fide teneri, Terram esse deorsum in summa à Cæli altitudine distantia. Tum enim oportebit Cælestis circuli Centrum aliquod esse, cum Centrum sit de definitione Circuli, hoc verò Centrum posita illa distantia, Terram esse, atque adeò in medio constitutam, quò æqualiter distet ab omnibus Cæli partibus, respectu quarum ipsa dicitur esse deorsum, Cælum verò sursum.

Esti verò Mathematicis rationibus, vt *Cap. 2.* diximus, sat certum habeatur Cælum esse Sphæricæ figuræ; non desuere tamen inter Patres, qui ex varijs Scripturæ locis aliter sunt opinati, plures verò hanc disputationem tanquam pro tempore impertinentem, non sunt ingressi; alij verò non Cælum vniuersum, sed Planetas duntaxat, puta Solem & Lunam, circa Terram moueri videntur adstruxisse; denique alij quibus fauent Chrysost. *Hom. 12. ad Popul.* & August. *Lib. 2. de Gen. ad lit. cap. 10.* Cælo etiam stante & non moto, Solem & sydera conversiones suas aut reipta peragere, aut peragere posse saluis omnibus phænomenis existimarunt. Ob quam causam non videtur adeò certum Terram esse Centrum Vniuersi, vt de Fide asseri queat.

Quin immò licet de Fide sit Solem circulo moueri, quia tamen iuxta Systema vulgatum, suum habet Orbem eccentricum: respectu huius non potest tota Terra dici propriè Centrum, ita vt sit fixum; immò verò ne secundum partem quidem, quando eccentricitas illa si Albategnio credendum, 38. semidiametros Terræ, vel iuxta Ptolemæum 48. cum quadrante proximè contineat.

His non obstantibus existimo probabilius, de Fide esse Cælum esse figuræ Sphæricæ. Primò ad firmiter elicitur ex motu Circulari Solis, quem Fide haberi, iam ostendimus; omnino enim par est, & motum Solis ad figuram Cæli perfectam quadam symmetria concinere. Nec obstat huic rationi, quò dicebatur Orbem Solis esse eccentricum, quando Terra in ratione Centri, non consideratur respectu Orbis

partialis, sed respectu totalis, qui toti mundo concentricus est, ita ut verus motus Solis semper referatur ad Centrum Vniuersi, ex quo etiam nobis consideratur, etsi Medius & apparens motus, principaliter spectet ad punctum eccentrici, cui insidet angulus eiusdem motus, ut angulus Veri motus super Centro mundi.

Elicitor secundò ex *Ecclesiast. cap. 24. Gyrum Cali circuiui sola, & profundum abyssi penetraui.* Quæ verba nihil obstat, quo minus respectu Cali simpliciter & propriè, & absque figurata locutione accipiatur. Et *cap. 43. Vide arcum, & benedic eum, qui fecit illum, valde speciosus est in splendore suo, Gyrauit Cælum in circuitu gloriae suæ, manus Excelsi aperuerunt illum.* Quæ verba eodem modo propriè sumenda sunt, de arcu imitante Cælum in gyro, & circuitu suo, ut proinde rectè iaserri queat ex illis, Cælum esse Sphæricum, & rotundum.

Accedit S. Hieronymus *Ad Ephes. 3.* super illud, *Qua sit latitudo, & longitudo, &c.* Vbi ait, ex Ecclesiastæ à plerisque colligi Cælum esse rotundum, & in Sphæræ modum volui. Locum ipse non indicat, sed videtur hic esse *Cap. 1. Oritur Sol & occidit Sol, & ad locum suum reuertitur:* Est enim motus circularis proprium, ad eundem locum recurrere unde capit: rursum verò, motus circularis ita proprius est corporis Sphærici, nihil ut alteri magis. Quemadmodum autem Hieronymus ex motu circulari Solis, colligit Cælum esse rotundum, immò à plerisque colligi dicit, ita & nos ex eodem motu tanquam harmonia quadam ad totius figuram temperata, deduximus totum Cælum esse Sphæricum atque rotundum. Cur autem nonnulli Patres diuersum videantur sensisse, diximus supra *Cap. 2.* Certè S. Augustinus, qui pro contraria opinione agmen ducere poterat, veriori sententiæ postmodum animum suum attemperauit, ut patet ex ijs quæ ibidem diximus, & manifestè colligitur, ex *Lit. 1. de Gen. ad lit. cap. 10.*

Accedunt omnes illi Patres, qui Cælum Vniuersum moueri putant. Inter quos Dionysij Areopagitæ summa post Canonicos Scriptores est autoritas. Hic verò *In Epist. ad Polyc.* expressè supponit Cælum Vniuersum moueri, cum ejus prodigij, quod Sol iussu Iosue steterit in medio Cæli, duplicem ponit modum; Vel ut vnà cum Solis, & Lunæ Orbibus, vniuersa Cælestium globorum machina constiterit; Vel ut Luna duntaxat ac Sole subsistente, reliqui Orbes tam superiores, quam inferiores, ordinarium cursum peregerint. Hic secundus modus admirabilior videtur Dionysio, prior tamen, qui dispositionem Cælestium Orbium nihil inter se mutat, alijs videtur verissimior. Pro nostro instituto, vterque perinde est, vterque à Dionysio affir-

affirmatus . Accedit alter Dionysius, qui de *Considerat. Theo. art. 57.* motum Cæli circularem dicit esse naturalem, loquitur autem de toto Cælo , idque probat ex priori Dionysio *Lib. 4. de Diuin. Nom.*

Accedunt alij tam Sancti Patres, quam Scholastici, qui Cælum rotundum esse, & circulariter moueri, præter Empyreum, de cuius motu non constat, aut supponunt, aut rationibus adstruunt . Nec discedit S. Augult. *Lib. 2. de Gen. ad lit. cap. 10.* licet enim admittere videatur, Cælo etiam non moto, sydera moueri posse, & officio suo fungi; ad dubium tamen illorum, qui quærebant, quomodo Cælum moueri possit cum dicatur firmamentum; respondet, *non cogere, nomen firmamenti, ut stare Calum putemus, Firmamentum enim non propter stationem, sed propter firmitatem, aut propter intransgressibilem terminum superiorum & inferiorum aquarum, vocatum, intelligere licet.* Huc etiam faciunt Philosophi & Mathematici, qui id varijs demonstrationibus pro explorato habent .

Accedunt denique omnes illi Patres, qui Terram in medio Vniuersi constitutam esse volunt, de quibus diximus supra *Cap. 4.* In his Basil. *Homil. 1. in Hexam. Vniuersi* (inquit) *medium inferum esse locum, nostra demonstrauit oratio;* Loquitur autem expressè de Terra, ut legenti patet. Simile quid habet *Hom. 9.* Ambrosius verò *In Psal. 118. in Oñon. 12.* idem ex S. Scriptura *videri significatum* insinuat; quasi dicat non solum id sua sententia, sed etiam Consilium Philosophorum opinione cognitū haberi, immò quod maius est, S. Scripturæ conforme esse . Accedit Anastasius Synaita, qui *Lib. 1. Anagogic. Contempl. in Hexam.* multis supponit atque etiam asserit, Terram esse Centrum Vniuersi: quamquam doctè refellat dicentes, *Terram esse principium Vniuersitatis, ut qua sit Centrum Orbis Cælestis, atque adeò Orbe, seu Circulo antiquus:* hos dicit Logicè magis quàm naturaliter, considerare, quasi humana arte & naturæ consequentia non supernaliter Deus operatus fuisset; nec simul Cælum & Terram creasset: & alioqui non fuisset dicendum, *Fecit Deus Calum & Terram,* vel ut ipse loquitur *Sphærā deinde Terram Centrū,* oporteres enim reuera cōtra dicere *Fecit Deus Terram & Calum, seu Centrum & tum Sphæram.* Accedit & Clāudius Mamertus *Lib. 2. de Statu Anima. cap. 4.* vbi Imū certè, ait, *elementorū omnium Terra est, In rotundo scilicet illud imum constat esse, quod medium est, quia in rotundo imum non est.* Denique S. Thomas ut vidimus *Cap. 4.* ita loquitur *In Opusc. 10. art. 16.* ut dicere videatur, attento ordine Vniuersi, ad quem pertinet quòd Terra sit in medio collocata, absque fidei periculo tolerari non posse, si dicatur ab Angelo moueri posse totā molem Terræ extra suum locum .

His positis . Cùm de Fide sit Solem Circulari motu ferri , & hinc inferatur probabilius esse etiam de Fide , Totum Cælum moueri eodem motu , atque adeò Sphæricam habere figuram ; cùm præterea de Fide sit Terram esse in infimo loco , certòq; colligatur ex Scriptura , Cælum circa Terram moueri: motus autem circularis requirat aliquod immobile circa quod feratur , & hoc immobile , de fide sit Terram esse ; quam sicut de fide est , esse in infimo loco , ita iunctis Patrum sententijs , de fide probabilius est , esse in medio Vniuersi constitutam , atque adeò puncti fixi vicem habere : His inquam positis , probabilius etiam est de fide esse , quòd Terra sit Centrum Vniuersi : quod hoc loco pro instituto satis erit . Dico probabilius esse , nam si quis ex modo dictis Syllogismum conficiat , quemadmodum potest , cuius vtraq; præmissa sit certa de fide , etiam conclusio dubio procul de fide certa erit . Porro cùm dico totum Cælum in circulum ferri , non derogo fluiditati , vtrumq; enim simul stare potest , quemadmodum si Terra cum mari fluido circumferretur . Vt enim Mare suis terminis , ita Cælum suis conclusum est , non vt minime voluatur , sed ne defluendo transgrediatur . In quo deinde si plures Orbes iuxta Patrum loquendi modum norantur , non tam Orbium solidorum inter se diuisio , quàm periodica stellarum , & planetarum in liquido , ipsiusq; Cæli syderei itinera designantur .



Quo pacto sint de Fide propositiones hætenus affirmatæ .

CAPVT VNDECIMVM.

PRIMA PROPOSITIO. *Terra in æternum stat*, vt opponitur motui locali secundum totum, est de Fide, non directè vel primariò; sed indirectè & secundariò, immediatè tamen. *Primum patet*. Quia Terram in æternum stare modo dicto, nec principaliter proponitur ad credendum tanquam fundamentum Fidei Christianæ, nec de se est necessarium ad beatitudinem obtinendam tanquam articulus fidei. *Secundum patet*. Quia ex opposito eius, sequitur aliquid contrarium Fidei, falsa nimirum esse loca Scripturæ, ex quibus id manifestè deducitur, & plura alia quæ his sunt connexa. *Tertium patet*. Quia est aperta testificatio diuina, simplex, & eiusdem rationis in omnibus propositionibus: etsi fortasse quoad nos non sit sufficienter applicata, quod est per accidens. Est præterea immediata, quia non continetur in alia propositione reuelata, neque tanquam pars in toto, neque tanquam effectus in causa, nec denique formaliter tanquam in re omninò eadem, aut quouis alio modo.

SECUNDA PROPOSITIO. *Terra in æternum stat*, quatenus opponitur motui Circulari, eo modo, quo à suis authoribus asseritur; non est de Fide directè & primariò, sed indirectè & secundariò. Veriusque dicti, est ratio eadem quæ superioris propositionis, & ex opposito huius, sequitur Solem quiescere, Terram non esse stabiliter appensam in nihilo, quæ sunt contra Fidem. Est verò de Fide partim immediatè, quatenus continetur in ijs S. Scripturæ locis, quæ ex sua stabilitate, negant Terræ motum localem secundum totum, quem tamen authores sui attribuunt eidem Terræ, circumlatæ per omnes Cardines in Orbe magno.

TERTIA PROPOSITIO. *Terra in æternum stat*, quatenus significat durationem. Est de Fide indirectè, & secundariò ipsidem de causis; Ex opposita enim sequitur, falsam esse comparationem à Scriptura adhibitam, cum Generatione prætereunte & adueniente. Iccirco dici potest esse etiam de Fide partim immediatè, quatenus ex intentione dicentis clarè significatur; partim verò mediatè, quatenus in hac propositione, *Generatio præterit, & Generatio aduenit*, vel

con-

continetur virtualiter, vel secundum nostrum concipiendi modum, ad positionem eius necessario inferitur ex connexione relativa.

QUARTA PROPOSITIO. *Cælum esse sursum, & Terram deorsum.* Est de Fide directè & primariò, & partim mediata. *Primitè patet.* Quia continetur in ijs propositionibus, quibus Christus significatur descendisse in Terram, ad salutem hominum procurandam, & ea peracta rursus ad Cælum ascendisse, qui est articulus Fidei, necessario sub his terminis credendus ad beatitudinem obtinendam; Et eo semel negato, non solum plura destruentur, in Scriptura quocunque modo contenta, sed quæ tanquam articuli Fidei, atque idè necessaria ad salutem, siue explicitè, siue implicitè credenda, proponuntur. *Secundum patet.* Quia Cælum esse sursum & Terram deorsum, passim disertè & clarè, immò & cum sufficienti applicatione proponitur: quod est esse in se & immediatè reuelatum; deindè continetur in ijs propositionibus quæ sunt articuli Fidei, vel tanquam in re omninò eadè, vel tanquam pars in toto potentiali: verè enim si Christus ascendit ad Cælum, ascendit etiam sursum, iuxta illud *Ad Coloss. 3. Quæ sursum sunt querite, ubi Christus est in dextera Patris, &c.* quod est esse mediata reuelatum.

QUINTA PROPOSITIO. *Solem moueri*, siue absolute siue circumlacione. Est de Fide indirectè & secundariò, sed immediatè. *Primum patet.* Quia non est articulus Fidei, sed ex opposita sequitur aliquid contra Fidem, non solum ex eò, quòd cum expressè dicatur in multis locis Solem moueri, id negare, esset arguere Scripturam falsitatis; verum etiam, quia in plerisq; de providentia Dei non rectè sentiendi crearetur periculum, nec absolute dici posset *Ad Rom. 1. Inuisibilia Dei à creatura mundi, per ea quæ facta sunt intellecta conspici, sempiternam quoque eius virtutem ac diuinitatem.* Quæ si ex vlla creatura verificantur, maximè ex consideratione Solis, idq; manifestò patet, nedum ex varijs dictis S. Scripturæ *Genes. 1. Ecclesiastici 43.* sed etiam ex Sanctis Patribus, & varijs antiquorum Philosophorum, lumine naturæ iudicis opinionibus. *Secundum patet.* Primò ex multis & apertis S. Scripturæ locutionibus, ut nulla explicatione egeant: deinde ex ipsa materia & fine propter quem Sol creatus est, & per se primò cum talibus qualitatibus institutus; denique quia Solem moueri, secundum se est reuelatum, & non quatenus virtualiter vel formaliter, vel quocunque alio modo continetur in alia propositione, immediatè & primariò reuelata, ut ea ratione mediata reuelata dici queat.

SEXTA PROPOSITIO. *Terram esse Centrum mundi, si quem-*

quemadmodum diximus probabilius est, esse de Fide: erit de Fide indirectè & mediâtè. *Primum patet*, quia ex opposito sequitur Terram non esse appensam in nihilo, nec esse remotissimam à Cælo, (contra pleraque loca Scripturæ) quemadmodum esse solet Centrum à partibus sphæræ extremis, vel circuli peripheria. Præterea aliquod aliud corpus immobile constituendum erit in medio Vniuersi, quod iuxta præsentem ordinem, absque præiudicio Fidei fieri vix potest, præsertim si corpus Solis constituatur loco Centri, vel quodcunque aliud corpus, quod supra, vel circum, & iuxta Terram mouetur, aut quouis modo agitur. *Secundum patet*. Quia Terram esse Centrum Vniuersi, continetur in ijs propositionibus Scripturæ, *Ecclesiastici* 1.4. & 43. ex quibus elicitur Cælum Sphæricæ esse figuræ, qualis competeat corpori perfectissimo, & ad motum instituto; iuxta ea quæ Capite superiori adstruximus.

Ceterum quod hic monemus, est, nos in hoc discursu eatenus uti huiuscemodi terminis syncategorematicis, *mediâtè, im-*
mediâtè, directè, indirectè, & id genus, quæ iuxta
 Theologicam acceptionem, ad nostram
 sententiam explicandam adhiberi po-
 tuerunt, ne si fortè cuiquam iuxta
 varias habilitates aliter su-
 mi posse videantur, in
 alienam à nostro
 intento di-
 scedat
 interpretationem, rei
 minus accommo-
 datam.



*Posito quòd Terræ quies sit de Fide, an liceat
in contrarium disputare.*

CAPVT DVODECIMVM.

DICO primò, posito quòd sit de Fide, & sufficienter propositum, Terram stare, nullo modo licere contra disputare. Patet Quia si dubitare non licet, multò minus ob periculum proutè disputare. Et ne alioqui ex pruritu, & calore curiosæ contentionis, facilius sit lapsus in manifestos, atque etiam in pertinaces errores; neque solum ut quis priuato cum periculo male sentiat, verum etiam publico malo alios in sententiam pertrahat. Difficile quippe est conceptam opinionem tenere, cui quoquo modo adhareas, & coronam male feriatorem nactus sis, ubi effundas. Quod quidem periculum arcessere ex præsentì argumento magis procliue est, quàm ex quibusdam alijs quæ subinde in Philosophia & Theologia, ut mox dicemus, disputantur; de quorum veritate ita religiosè constat apud omnes doctos, nemo ut Christianus vnquam dubitarit.

Dico secundò, licere ex hypothesi assumpto motu Terræ, vel adputationes Mathematicas consiciendas. Patet tum ex consensu Ecclesiæ, quæ Copernicanæ putationis vsum permittit, etsi principia ex quibus illa deducitur absolutè damnet, iuxta ea quæ infra dicturi sumus in responsione ad Septimùm Argumentum, ex sententia S. Congregationis Indicis: tum quia saltem ex hoc capite non omninò pernitendus hinc existere potest fructus, si Matheseos iuuandæ gratia, exerceantur ingenia, magisque ac magis explorata systematis falsitate, contrario perficiendo opera detur. In quo tamen operoso negotio semper meminisse iuuabit eorum, quæ supra Cap. 4. ex Sanctis Patribus attulimus, & præsertim Ecclesiasticis dicentis. *Cap. 3. Cuncta fecit bona in tempore suo, & mundum tradidit disputationi eorum, ut non inueniat homo opus, quòd operatus est Deus ab initio usq; ad finem.*

Porrò in vso calculi Copernici duplex esse potest progreßus. Alter ex hypothesi purè Mathematica, quæ tamen à principijs veris & physicis etiam putatis, minimè censeatur pendere. Alter ex hypothesi, quæ existimetur principijs naturalibus & veris, vel quæ talia habentur niti, & ex eisdem conclusiones certas ac demonstratas; vel quæ tales reputantur, deducere.

I V X T A primum, licet eatendus operari, vt posito illo systemate pleraq; phænomena explicentur, periodiq; omnes motuum, & quicquid huc spectare potest, arithmetice & velut ex arte subducantur; non aliter quàm si ex positionibus Ptolemæi, aut quibuscumq; alijs præter Copernicanas censerentur. Ceterum sicut Mathematicus si posset lineam dari infinitam, aut quavis quantitate continua maiorem vel minorem, rectè concludet superstrui posse triangulum infinitum, neque tamen verum erit in rerum natura dari lineam infinitam; rectè præterea deducit lineam esse longitudinem sine latitudine, & profunditate, si punctum fluere, & lineam esse fluxum puncti supponat, quod tamen ipsa falsum est, & physicè impossibile: denique aptè concludet posse absolute, & simpliciter esse maiorem Orbium & Planetarum magnitudinem, itemq; distantiam à Sole posito in Centro, neque tamen ætate præsentis ordine Vniuersi, verum, erit, æque immensam esse eam magnitudinem, aut eam syderum distantiam, vt quavis stella Solis sit maior, & libero oculo diametri mensurabilis; Ita prorsus dato Systemate Copernicano, etsi falso & à ratione alieno deduci possunt putationes veræ, eademq; principia vaga (vt hinc etiam falsitas arguatur & incertitudo) applicari possunt ad alia, quæ in physicis genuinas habent causas. Sic quippè dato motu Terræ non nemo periodicos Solarium macularum cursus, in variam Terræ circumuolutionem reduxit, etsi ab alijs alia demonstrata sint causæ. Sic fluxum & refluxum Maris tot prædem rationibus physicis explicatum, in eundem motum referre quidam conati sunt, minus felici ausu, sed vt rectè audere viderentur, qualibet Terræ magneticam indiderunt, eadem opera quavis alia imaginaria excogitaturi, vel si Terram animal magneticum esse affirmant, In quibus tamen fortasse liberius, & ridiculè disputatur. At in Systemate Copernicano, progredi licet eatendus, vt examinari tantum queat, an ex falsis illis positionibus, rectè & cum sydereis motibus coherentes eliciantur supputationes.

I V X T A alterum sensum, in vsu calculi Copernici eatendus est progrediendum; vt nedum de principijs, nisi ostendendo eorum falsitatem, sed neque de ipsa putatione tanquam ex vera hypothese pendente, liceat disputare; Idq; tum ob rationes initio Capitis adductas; tum quia puri Mathematici, si in plerisq; alijs, in præsentis argumento ad physicas, atque etiam Theologicas rationes reducto, non discernunt, quid ex quo sequatur, necessitate vel consequentiæ, vel consequentijs; iccirco non solum puralogizant, sed etiam inepta & falsa Scripturarum interpretatione errant, alijsq; periculum errandi creat.

Ob quam, inter alia causam, recte caue Si Congregatio Indicis, ne quid præter usum calculi Copernicani, circa hypotheseas stabiliendo affirmaretur.

Non est eadem ratio multorum aliorum, quæ quamuis de fide esse non nesciantur, citrà periculum & prohibitionem in utramque partem disputantur; Velut an Mundus sit, vel potuerit esse ab æterno, & hoc posito, quid status rerum futurus fuisset, quomodo item generatio possibilis, pluraq; alia quæ vel in Philosophicis, vel in Theologicis agitantur, De Prima causa, De creatione, Infinito, Rerum animatione, De animarum immortalitate, & id genus hæud paucæ. In his enim non facile tanquam ex sensibilibus paralogizatur, & vera sine ambiguitate discernuntur a falsis, quæ interdum verosimilia videntur, denique contraria de fide Veritas firmissimum assensum, & usum apud omnes, vel mediocriter doctos obtinet. Quamquam in ijs, quæ non sunt de fide, liberius discipulatur absolute & absque ulla hypothese, dummodo discernatur, quæ sunt contra principia naturalia, & per se nota.

Contra, in præfenti de Terræ motu, & Statione Solis, argumento, puri Mathematici, quia putationes suas expositionibus Copernici, ad numerum cadere subinde expugnantur, non facile accipiunt se ex falsis principiis, vi consequentia operari, sed eæ tanquam vera sumunt, immò in Postulata & Axiomata digunt, & in Mathematicis paralogizant assueti, siquæ ad rem suam ex Theologicis suppetas se habere possint, non vni modo errant.

PRIMO enim, quod attinet ad pura Mathematica, frequenter contingit in illis paralogizare, ob sensibiles, vt putatur interdum, sed non ex veris causis ductas demonstrationes, quemadmodum multis accidit, in quadrando circulo in duplato tubo, perpetuando motu, & sexcentis alijs præsertim cum non a priori deducuntur necessarios effectus, sed quemadmodum sit in re præfenti, a posteriori veniantur effectuum causas imaginarias. Ac vt in Theologicis omnes ferè Hæreses ex similibus nata sunt paralogismis, ita in Mathematicis inducuntur errores quàm plurimi. Proinde quod docet Gerson *Propos. De sensu Liter. Sensu Logicalem verti in assertionem Theologicam, non excludere assertentem, quia talium assertentem debent recondere, si falsa sit in sensu Theologicæ literali*, simili quadam ratione dici potest in Mathematicis, non excusari a falsitate demonstrationes quasdam apparentes, quæ reductæ ad veræ principia, falsitatem illis præbent. Sanè cum problema Mathematicum ferè eiusmodi sit, vt utraq; pars firma ratione probari queat, facile eo delabuntur incerti, vt se Theore-

maticè demonstrasse, arbiarentur, nec contrarium illo modo statui
potesse. *namque* in hoc genere inveniuntur non pauca, quæ contra Eccentricos, &

Epicyclos à diuersis obijciuntur. Inter alia, *Quod si Luna moueretur in Epicyclo, in perigæo aliam apparituram Luna medietatem, quàm in apogæo, proinde non semper eundem Lune vultum visui obijciendum, quod est contra omnem experientiam.* Quo argumento qui vtuntur, non attendunt, Lunam in Epicyclo moueri circa proprium Centrum, motu Epicycli lationi conformi, verùm in contrariam partem, vnde consequitur eandem semper Lunæ maculatam faciem nobis apparere; neque in hoc motu mirabilius aliquid evenit, quàm in motu Terræ; contrario motui eiusdem diurno, quem fingunt aucthores sui, ita qui argumentantur ab Epicyclo Veneris, *quasi is tante sit magnitudinis, ut per Centram Terræ educatur*; non discernunt inter gradus & partes, quarum sexaginta continguntur in semidiametro Eccentrici, nec quoties semidiametor Eccentrici & Epicycli contineat semidiametros Terræ; quem numerum si subducant à distantia Terræ à perigæo Epicycli, tantam inuenient distantiam Epicycli à Terræ, ut ea Mercurij, & Lunæ Orbes commodè recipiat, nedum Epicyclus Terram attingat, multoq; minus per Centrum Terræ educatur. Quamquam cum Eccentrici & Epicycli, imaginarii sint distantia, dum per eos de reliquo, phenomenon ratio appositè reddatur, qualiscumque in ijs magnitudinis excessus fingatur, minus rei incommode, quàm si Terra physicè moueri affirmetur, vnde præter multa Veræ philosophiæ contraria, illa etiàm in rebus incommoda consequuntur, quæ Ptolemæus contra dictum motum argumentando adducit, ad quæ non nisi ridendam offert responsonem Copernicus; vt inter alios Iul. Cæsar La Gallæ *In libello de Phenomenis in Orbibus Lunæ Cap. 7.* aduertit, *quod si Luna moueretur de, iniquitate, totumque* et similia plura accidunt in Systemate, quod Terram motam in magno Orbe. Solem vero in Centro locat; cuius contrarietatem habetenus, seculis etiam S. Scriptura; constanter verificatum sit, redditus ad amissum omnium Phenomenorum causis; multo nihilominus ad alteram partem inclinantes, & quibusdam rationibus apparet, ijs eam stabiliens, constantius se rem totam demonstratam putarunt, quàm vt contrarium dici posset. *nam celebratè modo in hoc Cœli puncto Synodo, digressisq; luminaribus, antequàm Luna 360. sui Orbis graduum circumscriberetur, Sol interea proprio motu cœlesti 19.*

et amplius; itaq; à Luna nequaquam attingetur, quando hac nonnisi ad punctum prioris Plenilunij, unde recessit, hactenus potius pertinere; proinde nisi motu Terra, gradus à Sole peracti compleantur, quo pacto sequens in diuerso puncto Nouilunium contingat, nequit intelligi. Ita sceleratissimi. Sed nimirum paralogizant, ponentes Solis & Lunæ Orbes concentricos, & eatenus componentes motum Lunæ in Zodiaco, cum motu in proprio Orbe; & Solis in Ecliptica, nec rectè adhibentes Medios motus vulgò usurpatos. Positis quippè Eccentricis & Lunæ Epicyclo, ita partes periodici motus, quæ inæquales apparent, æquantur ex præscripto, nulla ut inæqualitas intercedat. Nam lineis Veri & Medij motus, regulariter super suo Centro incidentibus, et si rationes Orbium ac Centrorum, alia fortasse puncta Cæli respiciant, ita omnia Lunæ Phenomena, nostro aspectui, qui est loco Centri Mundi se referunt, ut æquales anguli, semper contineantur aut æquales angulos, si circuli sunt æquales, aut similes & proportionales, si circuli sunt inæquales, & præterea quando differunt linea Veri & Medij motus, semper cum Augis linea constituent angulos æquales. Ex quo necessario consequitur, ut his angulis respondeant similes arcus Eccentrici & Zodiaci, semperq; loco & tempore debito eueniant Nouilunia, ceteraq; Lunæ schemata, attentis tam in coniunctione, quam in oppositione media, & extra hos situs, varijs centrorum Epicycli & Eccentrici, nec non lineæ Medij motus Solis positionibus. An verò tot seculis adhibita huiusmodi æquatione quippiam peccatum est, quo minus proportionēs motuum Solis & Lunæ rectè dispensarentur, etiam absque ficticio Terræ motu? minime verò.

Adde positis etiam Orbibus Concentricis, non rectè istos argumentari; Quæ enim circa idem punctum in Orbem voluntur, similes peripherias æquali tempore transeunt, atque aliæ æquales angulos Opticos intercipiunt, ac proinde sicut spatia, quæ paribus angulis subtenduntur. (per 33. Sexi.) sunt æqualia, nec non motus per illa peracti æquales; ita consequens est puncta Neomeniarum, quicquam ab altero Luminarium aut præuerti, aut non attingi, sed suis temporibus & locis debitis contingere, et si aliqui Sol, quia remotior est, tardius moveri, videatur quidem, re ipsa tamen velocior sit motus, ideoq; longè maiorem Eclipticæ ambitum, quam Luna percurrat. Ceterum quo vitio laborat hoc argumentum, eodem, aut simili affecta, sunt cetera, quibus authores sui apodicticè voluit ostendi Terræ motum, & varias inde consecutiones circa Planetarum latitudines deducere.

SECUNDO, quod attinet ad ea, in quibus Mathematica

S. Scri-

S. Scriptura vel metuunt, vel suffragium petunt, multis etiam modis contra ipsam Scripturam, contra Sanctorum Patrum interpretationem, & communem Theologorum sententiam paralogizant & errant. Ajunt in primis, *Sacras literas de rebus vulgaribus, in quibus illarum institutum non est homines instruere, loqui humano more. ut percipiantur, ijsq; uti quæ sunt apud homines in confesso, ad insinuanda sublimiora & diuina.* In qua doctrina peccatè primo, cum supponit ex Solis motu & Terræ Statione, & similibus non esse institutū S. Scripturæ homines instruere; id enim est aperte cōtra ea, quæ traduntur *Ecc. 1. Et Ecclesiastici 24. & 43.* Et alioqui frustra scripsisset Moyses historiam creationis, nisi ad instructionem fidei, morum, & scientiæ ad homines dirigere voluisset, neque enim instructio historica alium habet finem, quàm morum quæ in ipsa fundatur præceptionem. Deinde peccant, quia non discernunt aliud esse, loqui cum hominibus humano more, aliud ex falsis ducere illos in cognitionem veri. Nam ut certum sit ex ijs quæ apud homines sunt in confesso, insinuari sublimiora & diuina, siue parabolicè & similitudinariè, siue alio quocunque modo; nunquam tamen ex ijs quæ re ipsa falsa sunt, & contra sensum aut opinionem humanam, consuevit S. Scriptura autem similitudines sumere, aut quouis alio modo docere. Quare errant boni isti Mathematici, cum ex prædicta doctrina sua, subsumunt, *Non esse mirum si S. Scriptura sensibus loquatur humanis, siue sciētibus hominibus, siue ignaris, tunc, cum rerum veritas à sensibus discrepat.* Quo pacto autem Moyses, ex apparentibus locutus sit ad populum rudem, infra Capite ultimo patebit.

Rursum, cum suam doctrinam ex eo confirmant, quod nemo nesciat *Poeticam esse allusionem*, *Psal. 18. ubi sub Imagine Solis; cursus Euangelij, & Christi in mundo exultantis peregrinatio decantatur*; non distinguunt inter sensus mysticos, & literales, in quibus illi fundantur: Et nisi literales veri sint, mystici non rectè significantur. Cum verò subsumunt *priorem apud Hebræos fuisse Poësim*, ad paterga dilabuntur, nec iccirco cōficiunt improprie locutos esse in literæ veritate, aut Moysen, aut Dauidem, aut Salomonē, aut quemvis alium Scriptorem Caponicum, quemadmodum locuti sunt Musæus, Linus, Orpheus, Hesiodus, Homerus, ceterique profani, quos ipsi ut Diuinos colunt. Denique cum addunt, hunc Scripturæ locum expressum imitatione Virgiliana, *Ti bone croceum linquens aurora cubile, more suo Theologizant.*

TERTIO. Cum ponunt, *non egredi Solem ex Horizonte tantquam à Tabernaculo, nisi sic oculis appareat, idq; sciuisse Psaltem,* qui

qui tamen moueri Solem existimabat, propterea, quia oculis ita apparet: non intelligunt se imponere Psalti & Scripturæ, quasi ea, literæ sensum in falso & apparenti fundare velit: neque enim ex oculorum deceptione, aut imaginaria comprehensione, sumi potuit aut debuit idonea seceriori Spiritus sancti instituto Veritas, vt quod reuera falsum esset, & tantum in specie apprensus, nec in literæ veritate contra morem Scripturæ fundatum, inde Euangelij, adeoq; filij Dei cur, sus in terris abumbraretur. Quod porro addat, *Dauidem suo intento potitum, magnificientia nimirum Dei patuisse, qua effecit, ut id in oculis representaretur*: iterum paralogizant, non intelligentes Dauidem non suo, sed Spiritus sancti intento seruasse; cum ipse fortasse nesciret, quid mysterij in litera à se prolata contineretur; neque enim necesse est, vt quæ in linguâ & motione diuinâ proferunt, dâ Prophetæ aut in se videant, aut in symbolis suis reipsa cogoscant. Eodem recidit, quod de Iosua iubente Solem stare in Medio Cæli imaginantur, non animaduertentes, Deum auctorem falsi imprudentet argui, cum veritatem Fidei, in re apparente, & mysticum sensum per visibilia fide & falso apparentia, ipsum fundasse velint.

Q V A R T O. Cum hanc interpretationem, quam aliqui ex Copernicana Hypothesi, tanquam absurdam adstruunt, *Sol fletis*, id est, *Terra fletit*, dicunt esse eorum qui non perpendunt, solam esse veritatem contrarietatem intra limites Opticæ & Astronomiæ, nec extrinsecum in usum hominum se efferre: ipsi non perpendunt, quod sibi & veræ Philosophiæ contradicant. Si enim Terram stare, & Solem ferri iuxta sensum hominum, & secundum apparentiam tantum, volunt; cerè iam hæc contrarietas extrorsum se efferre, & in usu hominum, versari debet, præsertim si præter Philosophiam communem, contingat, vt deceptio sensus particularis circa sensu comune qualè est motus, nec à proprio sensu (non variate puta obiecto) nec denique à ratione possit corrigi, nisi multa absurda concipiat intellectus, quorum formæ nunquam in sensu præcesserunt: quemadmodum contingit in præsentì euensu. Ne enim quis Solem stare, ratione deducat; Terram moueri concipiat necesse est; omniaq; ea monstra intellectui formare, quæ auctores huiusmodi motus, nepeccati fingenda, & tanquam vera accipienda putant. Cælum nimirum stare, sidera fixa, mamenti, à reliquis Astris penè immenso spatio remota esse; Græcos non tendere ad Centrum Vniuersi, nec sursum proiecta descendere ad perpendicularum, sed cum aëre raptato circumferri, & sexcenta id genus alia.

Deinde si Sol moueri videtur, quia Terra verè mouetur, vt hæc

vnica sit causa in radice, motus Solis apparentis; nulla est contrarietas intra limites Opticæ, nisi etiam sit intra fines Naturæ, & verè dicetur *Sol stetit*, id est, *Terra stetit*, vel si illatiuè & simpliciter reciprocando id efferatur, quemadmodum liquet ex Hypotheticis causalibus, *Sol est, dies est*, & id genus, eodem modo siue interpretatiuè, siue causaliter & inferendo, atque etiam per simplicem conuersionem prolatis; & aliqui nulla vnquam erit conuenientia Physicæ cum Opticæ, quod nemo rectè dixerit.

Ceterùm si motus Solis apparens, in motum Terræ verum referatur, consequens est, vt tum Terra stante, Sol quoque minimè moueri sit visus, sed verè stare deprehensus, & vicissim ex Statione Solis, velut à signo, Terræ quoque Statio explorata, idq; vel ratione, vel sensu, vel verisque. Si ratione, non nisi propter eandem vbiq; parallaxim respectu Solis fixi, quæ; quia Terra etiam antea mota, & Sole ex Hypothesi verè stante semper similis, vel eadem fuit, tunc quoque cum Terra stetit, moueri à ratione iudicari debuit, quod implicat in terminis. Vel si similitudo parallaxis refunditur in apparentem antea Solis motum, in hoc etiam euentu, cum eadem omninò sit, Solis quoque motus apparens, ad sensum inuariatus manebit, prout cum Terra etiam stante, Sol moueri apparenter videatur, huius motus apparentis physicam causam aliam esse oportet, quam Terræ motum, atque adeò ruit tota Philosophia & Astronomia Copernicana. Et alioqui si Terræ statio, vnica est causa motus Solis ad sensum, ea stante, cum nihilominus eadem sint parallaxes, sequitur in dicto euentu & stetit Terram, & vnà motam fuisse, vt his positis Sol etiam moueri videretur & nihilominus verè staret.

Iam si sensu deprehensa est Terra stare, nulla est ratio, cur prius quoque minimè deprehensa sit eodem modo sensu moueri, quod tamen ex aduersa sententia subsistere non potest, hoc ipso, quòd vt aucthores sui volunt, Terra apparenter & ad sensum stare iudicetur. Quid enim cauti sit, cur ex apparenti Statione cum Vero motu Terræ coniuncto, deprehendatur motus Solis apparens, non tamen contra ex apparenti motu & vera Statione Solis vt ipsi dicunt, deprehendatur motus Terræ apparens, assignari non potest. Nam quod prætendunt, *Solem apparenter moueri non Terram*, quia tùm Sol parvus appareret, Terra verò magna; neque Solis motus comprehenderetur visu ob tarditatem apparentem, sed solum ratiocinatione, ob mutuatam post tempus aliquam propinquitatem ad nos; prædicta etiam non exhaure. Etsi enim nunc nulli dubit, adhuc motus Solis deprehenderetur post interualla magis & magis producta à pñtis fixis,

huc

sive veris sive imaginarijs, non utique ob motum Terræ, idem enim eveniret quamvis Terra in Medio posita non esset, & Centri vicem, vel punctum imaginarium, vel oculus dictum motum observans obtineret. Proinde simile quid afferendum esset de motu Terræ, respectu alicuius fixi deprehenso, quod cum fieri nequeat absque imaginaria, & falsa Solis Statione, tota hæc Philosophia falsa & imaginaria sit, adeoque nec Opticæ nec Physicæ conveniens, necesse est.

Denique si Terræ Statio in dicto eventu tam ratione, quam sensu servata est; non id utique ex eo, quod Solem stare utroque modo sit deprehensum, alioqui & antea ex motu Solis apparente, motus Terræ verus fuisset animadversus, aut certe ex Statione Solis vera, Statio Terræ apparens. Sicut enim se habet Statio Solis apparens ad motum eiusdem apparentem, respectu sensus & rationis; ita se habet Statio Terræ vera ad motum eiusdem verum; Vnde à commutata, proportionè, ex Statione Solis apparente, motus Terræ verus, & ex motu Solis apparente, Statio Terræ vera deprehendi deberet. Vell si eatenus servanda est homologa proportio; ut ex Statione Solis vera, inferatur Statio Terræ apparens, quæ cum vero motu iungi potest, in eo eventu verè Terra non stetit nisi apparenter, physicè autem mota fuit; contra verò Sol reipsa stetit, à vero scilicet motu cessare iussus, quæ omnia cum nimium perturbent, immò evertant Copernicanam Philosophiam, satius est dicere, Terram in eo eventu, quemadmodum semper antea fixam stetisse, nullo habito respectu ad motum seu Stationem Solis, totumque illud miraculi in Sole tam reipsa, quam apparenter contigisse.

Sed hoc argumentum infra etiam recurrit. Quod de cetero huc spectat. In vñ putationis Copernicanæ, quæ modo supra dicto permittitur, si minimè obnoxij esse velimus, ita operabimur, ut semper veritas opposita illis principijs, ex quibus ipsa putatio deducitur, mente firmiter retineatur; ut de iisdem nihil demonstratum haberetur, censetur, neque enim vlla est demonstratio contra Verum, præsertim Fide contentum; sed rationes duntaxat calculares hypotheticæ tantum ducantur veræ ex vi consequentiæ, non consequentis respectu positionum. Vbi tamen diligenter cavendum ne ex vno genere fiat transitus in aliud, ex deductione videlicet calculi, argumentum ad principia seu positiones tanquam veras. Ob quam etiam causam minus rectè Reipublicæ consulunt, qui præcepta huc spectantia, & indoctis Scholis vsurpanda, lingua vulgari edunt, & passim ad omnium malè feriatorum notitiâ dimanare volunt, ut hinc occasionem ex vno in aliud præcipitandi, offendant. Sanè eiusmodi versiones, & genus

tradendæ cognitionis si omnibus disciplinis gratioribus nota sunt; tum maximè illis, quæ circa Fidei doctrinam magis reconditam versantur.

Denique ita erit faciendum, vt quod attinet ad principia physica dictæ putationis, semper veritas contraria vbi opus est, signatè, aut supponatur, aut stabiliatur, illudq; Augustini de libro Genesis dictum, *Lib. 2. de Genes. Ad Lit. cap. 5.* semper in mente versetur, *Maiores est Scripturæ huius; dicam ego pro re præsentis, maior est Fidei, auctoritas, quàm omnis humani ingenij capacitas.*

Sed etiam in Concil. Later. sub Leone X. Sess. 8. In simili districtè præcipitur, vt Magistri Philosophiæ, principia aut conclusiones Philosophorū à recta fide deviantes, teneantur manifesta religionis Christianæ Veritate castigare, & Argumenta Philosophorum dissolvere. Verba Decreti sunt. *Omnibus & singulis Philosophis in Vniuersitatibus studiorum Generalium, & alibi publicè legentibus, districtè præcipiendo mandamus; vt cum Philosophiæ principia aut conclusiones, in quibus à recta fide deviare noscuntur, auditoribus suis legerint aut explanauerint, quale hoc est de animæ mortalitate aut unitate, aut Mundi eternitate, aut alia huiusmodi, teneantur eisdem Veritatem religionis Christianæ omni conatu manifestam facere, & persuadendo pro posse docere, ac omni studio huiusmodi Philosophorum argumenta, cum omnia solubilia existant, pro viribus excludere atque resolvere.* Hæc ibi.

In quibus aduereo, post exempla allata quæ in specie damnantur tanquam assertiones Veritati illuminate fidei contraria, & omnino falsa: cum generalis fiat extensio Ad alia huiusmodi, huc reuocari posse hanc de Terræ motu, & Statione Solis assertionem, siue quatenus cum Mundi, & motus eternitate inuoluitur, siue quatenus simpliciter ex principijs Fidei illuminatæ Veritati contrarijs (quod nos hætenus ostendere conati sumus) deducitur; vt hoc præter, eadè cum ceteris propositionibus sententia perstringi, ac damnari videatur. In materia enim extensionis satis est quod militet eadem ratio decisionis, licet etiam aliquo respectu minor sit ratio in casu ad quem sic extensio, vt colligitur ex *Cap. Translato; extra de Constit.* Et declarat Panor. ibid. Proinde omnes huiusmodi erroris assertionibus inhaerentes, tanquam Christianam fidem labefactantes, vt cetera quæ in dicto Decreto adduntur prætereamus, vitandi & puniendi decernuntur.

Addo etiam, permitti in eo Decreto similium principiorum explanationem, addita nempe Veritatis religionis Christianæ manifesta-

tione, solutisq; Argumentis contrarijs; quia nunquam Philosophia præcepta commodè traduntur, nisi quàm gentilis superstîtio docuit; collata cum Fidei Veritate falsitas destruat. Eò maximè, quòd cùm Aristotelis Philosophia in Scholas introducta sit, vix quæ bene ipse dixit, rectius explicantur, quàm refutando eas in quibus male sentit. Quæ ratio cùm in præsentî Argumento de Terræ motu, & Solis Statione non militet; neque enim vnquam aut in Scholis recepta fuisse Pythagorica huiuscemodi somnia; aut aliquid momenti attulere ad rem Religionis: iccirco in putatione Copernicana Philosophia Pythagorica nixa, non vtiq; docenda sunt, aut in Scholis explananda, eius physica principia, vt inde disputandi occasio arripiatur; sed vbi res tulerit, contraria veritate firmiter stabilita, aut simpliciter reicienda sunt, aut ostensa eorum falsitate, siue ex principijs Physicis, siue etiam Theologicis, penitus proscribenda.

Atque hac ratione, si videlicet vt dicebamus; physicis principijs putationis Copernicanæ reiectis & disiectis, Veritas contraria signatè aut supponatur aut stabiliatur, omnis occasio errandi præcluditur, & ne alioqui tales euadamus in Mathematicis, quales Pyrrhonij in Philosophicis, de omnibus dubitantes, nihil vnquam decernentes; aut certè systematibus contra principia Fidei astruendis, in simili, Protagoræ Abderiti faueamus, vt de Mundo neque quòmodo sit, neque quòmodo non sit dicere habeamus; aut denique cum Diagora, & Theodoro Atheis, circa Vniuersi constitutionem, Dei conditoris sapientiam accusemus, & quodammodo Deum è medio tollamus.

Quare quod Christiani Philosophi, & Sanctiores Theologi in re sua præstiterunt, id Mathematicis quoque pijs, in Argumento suo, exemplo esse debet. Sanè S. Thomas cùm quæsiuisset 1. part. quæst. 2. art. 3. An Deus sit, nonnullisq; rationibus in specîe probare conatus fuisset Deum non esse, eadem seclusa etiam Fide, pluribus ostendit Deum esse, Et Art. 2. id ipsum demonstrari posse per effectus docuit: eundemque tenuit modum vbiq; de Quæstionibus ad fidem, & morum doctrinam spectantibus disputationem instituit, exemplo videlicet à principio Ecclesiæ usitato à Sanctis Patribus, quoties contra Gentiles aut Hæreticos disputatio incidisset. Nec alius hodie seruatur modus in Sapientum Scholis & Academijs, contra quem dubio procul in re sua faciunt, qui motum Terræ & Solisq; in Centro Stationem, contraria veritate neglecta, immò impugnata, absolute affirmantes paralogizant, nec ad veritatem penitus inquirendam & stabiliendam, animum aduertunt.

Soluntur Argumenta pro Terræ motu militania.

CAPVT DECIMVM TERTIVM

A GIMVS tantum de Argumentis quatenus ad S. Scripturam spectant, quæ quidem pauci attingunt, ne sine religione sua placita videantur asserere; quamquam ad mentem suam Sacris locis quæ pro se laudant, perpèram ferè abutantur, Alij plerunque loca Scripturæ dissimulant; siue opposita sibi veritate pressi; siue insuper habentes, quod ad rem suam facere non arbitrantur; siue denique suis paralogismis, quàm Scripturæ plus adhærescentes, Cæterum primj hæc ferè obijciunt.

PRIMVM ARGVMENTVM.

PRIMO. Principia loca Scripturæ quæ referuntur pro quiete, stabilitate, aut firmitate Terræ, siue Orbis Terrarum, rectè intelliguntur de situ & ordine, quem Terra servat in motu firmum & perpetuum, ad definitum Tempus; Et sicut Cælum dicitur Firmamentum, quia quamvis moveatur servat eandem firmitatem, & constantiam in motu; ita Terra licet circumferatur, eundem retinet situm respectu sui, & eundem ordinem respectu motus. Illud Ecclesiastis 1. Terra in æternum stat, intelligitur de statu contra iteritum, quatenus principaliter opponitur homini, hui lob. 14. nunquam in eodem statu permanet. Quod verò ibidem dicitur de Ortus & Occasu Solis, intelligendum est, quoad sensum & apparentiam, quo pacto S. Thomas 1. part. quest. 76. art. 1. ad 3. dicit Moysen loqui de his secundum quod sensibiliter apparent; denique non una est huius loci explicatio, diuersa ab intento sequacium Ptolemai & Aristotelis, de Terræ quiete, & vero Solis motu. Adde non unam esse apud Authores, huius Ortus & Occasus explanationem. Et inter alios S. Augustinus interpretatur de ortu, & occubitu Solis, quatenus post mōtes Aquilonares se occultat & iterum emergit, absque vlla subitus hemispharum Terræ circumvolutione. Ergo, &c.

RESPONDEO. Negando antecedens de situ & ordine Terræ respectu motus: concedo de ordine, & situ absolute, in quo sensu iam inuoluitur positio inuariabilis virtute naturali, in medio Vniuersi, vt alibi diximus ad mentem S. Thomæ. *Opusc. 10. art. 16.* atque adeo inuoluitur stabilitas, & firmitas absque motu, quæ innuitur passim in Scriptura. *Ad probationem.* Dico, non esse eandem rationem firmitatis Celi & Terræ, Cælum enim etsi moueatur, non variat ordinem Vniuersi, sicut variaret Terræ præsertim existens inter Planetas, Sole in medio constituto: quamquam si moueretur circulariter in loco suo, non sequeretur talis variatio, sed aliundè fieret motus contra naturam, quatenus id accepit in Creatione, vt naturaliter quiescendo in medio, finem suum assequeretur.

Ad 1. Eccl. **RESPONDEO.** Illum locum non eo tantum sensu accipi in Scriptura, quemadmodum fuscè stendimus supra Cap. 5.6. & 7.

Ad alterum locum de Ortus & Occasu Solis. **RESPONDEO PRIMO.** Potius dicendum fore Solem & Stellas stare secundum apparentiam, iuxta ea quæ diximus Cap. 9. ex S. August. & Gregor. Nazianzeno; cum quia nonnisi per spacia temporum percipiuntur puncta recessus & accessus ad Cardines, quæ cum tardius aduertantur in Stellis, planè fixæ videntur in Firmamento, quod ideo nomen Aplanes à Græcis sortitum est. Idem accidit in Terra constitutis, obiecta enim, longe à visu distita, quamuis moveantur, ob eandem causam, & ob angulorum restrictionem stare videbuntur, donec in debita distantia constituantur.

RESPONDEO SECUNDO. Si Sol mouetur quoad sensum, Terra verò non mouetur quoad sensum, hoc ipsum satis Argumenti est ad probandam Terræ Stationem fixam: sensus enim non iudicat Solem moueri, nisi quia percipit puncta recessus ab vno, & accessus ad aliud; quæ quia respectu Terræ non percipit, semper enim eadem seruatur longitudo & latitudo, immò eadem inuariatio quoad polos, rectè iudicat Terram stare, & Solem moueri.

RESPONDEO TERTIO. Negando Ortum, & Occasum Solis excusari posse quoad sensum & apparentiam, quasi non ita se habeat in reueritate. Et alioqui in dubium vocabuntur plurima in S. Scriptura, vt iam miracula à Moyse coram Pharaone patrata, præstigia, & ludificationes dici queant, non miracula; idemq; dici possit in plerisque alijs, tum in deserto tum alibi actis, quæ nefas est dicere secundum apparentiam tantum contigisse. Et profectò mirum sit Vniuersos penè Sanctos Patres, Solis motum cognouisse, neque tamen vlli venisse in mentē de apparentia quoad sensum, vt authores sui somniāt.

QVOD ex S. Thoma obijcitur , Moysen loqui de his secundum, quod sensibiliter apparent , retorquetur . Quærit enim S. Thom. *eo art.* Vtrum Luminaria debuerint produci quarta die, & ad Argumentum Tertium quo urgebatur produci debuisse secunda die, cum Firmamento cui infixæ erant ; respondet . *Secundum Ptolemaum Luminaria non esse fixa in Sphæris , sed habere motum seorsum à motu sphaerarum ; secundum Aristotelem verò esse fixa in Orbibus , & non moueri nisi motu Orbium ; secundum rei veritatem tamen, motus Luminarium sensu percipitur , non autem motus sphaerarum , Moyses autem rudi populo condescendens secutus est , quæ sensibiliter apparent.* Hæc S. Thomas quasi dicat, Moysen non narrasse productionem Luminarium secunda die, cum Firmamento, in quo sunt fixa, sicut narrauit productionem plantarum cum formatione Terræ, cui sunt infixæ, quia rudis populus non percepisset distinctionem naturæ secunda die factam, sicut sensus percipit distinctionem ornatus quarta die factam, in qua Sol manifestè percipiebatur sensu moueri, quamuis non discerneretur moueri Firmamentum . Ex his verò manifestè sequitur, & verum motum Luminarium percipi sensu, & hoc secutum esse Moysen quod maximè sensu percipiebatur, tacuisse verò motum Firmamenti quem rudis populus, seorsim non discernebant, siue deum sydera, essent infixæ, siue seipsi. Aliam ibidem affert responsionem S. Thomas, sed hæc sufficit in re nostra .

Aduerto verò , quod plerumque à Sanctis Patribus Moyses secundum sensum, & capacitatem rudis populi locutus esse dicatur in Genesi ; id non ita esse accipiendum, quasi quæ diceret de sensilibus, apparentiam tantum haberent, & non veritatem, sed quia multa retinuit vera, quæ à populi sensu remota erant, & quibus auditis nec intellectus, faciliè in errorem induci potuissent, vt proinde non liceat inferre, ipsum locutum esse de ijs, non vt veris respectu intellectus & naturæ, sed vt apparentibus ad sensum .

Itaque iuxta S. Chrysostomum *Homil. 2. in Genes.* omisit expressè tractare de Creaturis Spiritualibus, ne rudis populus qui nihil nisi corporalia poterat capere, ad cultum velut Deorum abduceretur : Implicite tamen secundum Augustinum *Lib. 11. de Ciuit. cap. 9. & 33.* illis verbis, *In principio Deus creauit Calum & Terram*, vocabulo *Calis* eas insinauit . Cum item dixisset, *Diuisit aquas ab aquis*, & quæ & Terræ expressè meminit, Aëra non nominauit, non quia reuera non esset Aër, sed ne rudibus aliquid ignotum, præter illa, quæ manifestè sensui apparent, proponeret ; nihilominus cum dixit *Tenebrae erant super faciem abyssi*, Aërem ipsum quasi aquæ annexum intelli-

gentibus significauit, esse nimirum aliquod corpus diaphanum super faciem aquæ, quod esset subiectum lucis & tenebrarum. Præterea, (vt vidimus) præmisit profectionem plantarum Luminaribus ad excludendam, vt inquit *Basil. Homil. 5. Hexam. Idololatriam*; Qui enim credunt Luminaria esse Deos, dicunt primordiale Originem plantas habere à Luminaribus.

Denique loquens de Cælis, & Syderibus, non expressit motum eorum, ne seipsis moueri, atque adeò anima prædicta putarentur; sed nec alium finem eorum exposuit, nisi qui utilitatem populi spectaret, Ne fortè, quod prohibetur *Deut. 4. Elenatis oculis ad Cælum, videntes Solem & Lunam, & omnia astra, & errore decepti adorarent ea & colerent, quæ creauit Dominus Deus eorum in ministerium cunctis gentibus, quæ sub Cælo sunt*, quemadmodum post Gentiles, de quibus sermo est *Sapient. 19.* etiam in Christianis seculis nonnullas sectas is error occupauit, Manichæos nimirum & Marcionitas, apud Constantin. Hermanopulum *In lib. de Opinionib. Hæret.* vt Lunam, & sydera cæli Deos adorari iuberent. Ministerium porro in quod Deus ea creauit, Moyses explicauit per tria, *Vt luceant in Firmamento, & illuminent Terram; Vt sint in Tempora & dies & annos; Vt denique sint in signa*: Quæ tamen quomodo fierent, tum ipse non aperit explicauit, sed alijs explicanda reliquit; ea verò explicauit *Ecclesiastes Cap. 1.* per varios Luminarium motus, accessus & recessus, omnia fieri significans; eademq; diuersis alijs S. Scripturæ locis subindè sunt declarata, ex quibus deindè pleriq; Christiani Philosophi desumpserunt.

Atque ex his patet Moysen, nunquam ita ad sensum populi locutum esse, vt sensus non fundaretur in vero, etsi non omnia perciperet: nec præterea ita reticuisse vera, sed subtiliora, vt non aliqua ratione pro capacioribus insinueret, vel alio loco, & tempore explicanda relinqueret. Vide de his S. Thom. 1. part. *Quæst. 67. Art. 4. Et Quæst. 68. Art. 3. Et Quæst. 69. Art. 2. ad 3. Et Quæst. 70. Art. 1. ad 4.*

QVOD denique vltimò addebatur, non vnâ esse dicti *Ecclesi. 1. de Ortus & Occasu Solis* diuersam explicationem: facile admittimus, præsertim si admittatur etiam Epicuri apud *Gleom. Lib. 2. sententia, Solem nimirum mori & rursus renasci*; vt hic etiam, ad sensum populi rudis dictum putes ridiculè Oriri Solem & Occidere. Vel si cum Poëtisingas, Solem caput immergere in Mare Oceanum, apud S. August. *Lib. 1. de Gen. ad Lit. cap. 10.* Et Strabon. *Lib. 1.* Nos tamen non fabulis intendimus, sed qui sit sacer, & verus sensus Literalis ostendimus *Cap. 8. & 9.* Quod S. Augustinus alicubi non velit gyrare Solem

Solem sub Terra, sed à latere Terræ Aquilonaris obiectu montium abscondi: locus non occurrit, nec ad rem facit; Scio tamen ex ijs quæ habet. *Lib. de Gen. ad Lit. imperf. cap. 12. & 13. Et Lib. 2. de Gen. ad Lit. cap. 13. & 14.* longè aliter deduci, quàm vt nolit sub Terra circumuolui. Immo verò *Lib. 1. de Gen. ad Lit. cap. 10.* planè contrarium haberi constat, quamquam fortasse ex eo loco, inconsiderantia quadam, alij secus sint opinati. Nec obstat interpretatio S. Thomæ *Opus. 10. art. 10. Et Opus. 11. art. 6.* de Spiritu Angelico mouente Solem: nequè enim ideo non mouebitur in Circulum, vt dici possit Oriri & Occidere; & reuerti in locum suum, & vno verbo, moueri, quod hic pro instituto satis est.

SECUNDVM ARGVMENTVM.

CÆLVM sydereum dicitur Firmamentum, nonnisi quia stat & est immotum, ergò verè Terra mouetur. Antecedens patet. Ex *Epist. Ad Hebr. 8.* ubi nomine Tabernaculi quod fixit Deus, intelligitur Cælum. Et *Cap. 12.* dicitur regnum immobile. Idem sentit *Cbrysostr. tum alibi, tum Hom. 6. & 13.* Ad Pop. Et S. Augustinus in 2. de Gen. Ad Lit. cap. 10. id affirmat à Mathematicis fuit Temporis demonstratum. Consequentia probatur. Quia aliqui nullo modo possent saluari phenomena, quæ continuò experimur, vt de se manifestum est. Ex quo ulterius consequitur, in miraculosis illis euentibus, *Iosue 10.* cum dicitur Sol stetit in Medio Cæli. Et *Isaïæ 38.* Sol reuersus esse in signum sanitatis Ezechie, verè Terram stetit, & retrocessisse, in eaque contigisse miracula non in Sole, quamuis Scriptura ea exprimat in Sole propter sensum nostrum. Sed neque cum dicitur *Esdæ lib. 3. cap. 4.* Magna est Terra, & excelsum est Cælum, & velox cursus Solis, conuertit in gyro Cælum in locum suum vna die: intelligendum est de vero motu Solis per Cardines Cæli; sed vel de motu apparenti, vel quòd lumine suo cõuertat Planetas absque motu spherarum, cum istæ sint fixæ, aut potius aëra & vaporem, qui circa Planetas circulum vaporosum efficiunt; vel denique de motu circumgyrationis in seipsum in loco suo, vt hoc modo etiam reipsa verificetur velox cursus Solis. Ergò, &c.

RESPONDEO. Negando antecedens. Nam vt docet S. Aug. Lib. 2. de Gen. ad Lit. cap. 10. Nomen Firmamenti, non cogit vt flare. Calum putemus, dictum enim est Calum Firmamentum, non propter stationem, sed propter firmitatem, aut propter intransgressibilem Terminum superiorum, & inferiorum aquarum; qualescunque tandem sint huiusmodi aquæ, iuxta varias Sanctorum Patrum sententias.

Ad probationem antecedentis. Respondeo S. Paulum priori loco nomen Tabernaculi sumere figuratè, sicut & S. Augustinus Cælum non semel nomine Càmæ expressit, Verbum *fixit*, indicat tantum firmitatem termini inter aquas interiecti, aut etiam inuariabilem ordinem respectu finis, tam ratione totius Cæli, quàm partium in eo contentarum, siue demum Cælum sit Solidum siue liquidum, quod huic parum facit. In posteriori loco vocat Paulus Cælum, *regnum immobile*, hoc est permanens, & nunquam mutabile ratione status beatitudinis, comparatiuè cum mundo & statu Viatorum, in quo non habemus permanentem Ciuitatem, sed futuram inquirimus.

S. Chrysostomus eius quidem fuit opinionis, vt Cælum secundam se immotum putaret, stellas tamen cum reliquis syderibus quotidie circumuolui asseruit; quod quidem satis est, ne in eius sententiâ Terra moueri dicatur; licebit enim ita retorquere Argumentum. Stellæ & sydera quodidie circumuoluuntur, ergò Terra non mouetur, sed quiescit, oportet enim aliquid esse immotum, circa quod ipsa moueantur, nec præter Terram potest aliquid assignari.

S. Augustinus loco citato, non affirmat Stationem Firmamenti à Mathematicis sui Temporis fuisse demonstratam, sed loquitur ex hypothese: si postquàm dixisset Firmamentum nō propter Stationē, sed propter firmitatem, &c. dici: subdit, nec si veritas Cælū flare persuaserit, impediri nos circuitu syderum ne hoc intelligere possimus, & ab ipsis quippè, qui hoc curiosissimè quaesierunt, inuentum est, etiam Cælo non moto si sola sydera verterentur, fieri potuisse omnia, quæ in ipsis syderum conuersionibus animaduersa atque comprehensa sunt. Hæc Augustinus, quæ longè diuersa sunt ab intento argumenti. Ceterum curiosissimi isti non quaesierunt, vtrum & Cælo stellato, & syderibus omnibus immotis, sola duntaxat Terra circumlata, euentura essent ea omnia, quæ de facto euenire experimur, vel fortassè cum Pythagoræis quaesierunt, & non deprehenderunt.

Hinc verò vterius ex mente S. Augustini satis liquet, cōcessō etiam Antecedente falsam esse consequentiam, Non posse, videlicet, saluari Phænomena, nisi Firmamento immoto Terra moueatur. Quippè Cælo non moto, si sola sydera periodis suis perfungantur, perinde est

est ad rationem Phenomenum, iuxta putationes id temporis Mathematicorum: quamquam utrisque etiam motis, eadem planè lege omnia euenire hodièq; sit exploratum. Quinimò contra, si Cælo & Syderibus immotis Terra sola circumuoluatur, plurima quæ modò ratis, ac statis momentis visuntur, necesse est minimè videri; Vel si Cælum in directum extensum, iuxta quorundam antiquorum opinionem, & non conuexum existimemus, vt Phenomena ex aduerso quis tueatur, siue rectos angulos communis radius, siue obliquos cum connectente centra visuum efficiat. Nam si Cælum sphæricum, (sicut est) ponamus, nisi Terram multiugo motu trepidationis, versus omnes Cardines ferri, aut extra Eclipticam latè inter Tropicos quosdam hinc inde vagari, & in suum circulum, aut spiram redire fingamus; Phenomena quàm plurima quæ hodie cernuntur, occultentur necesse est. Quæ omnia vel minimum consideranti aperta sunt, si tamen considerando, tot diuersorum motuum species non exhorreat, etsi aliqui monstruosum Terræ motum admittat.

Quod dicitur in prodigiosis illis euentis, temporibus Iosue & Ezechie, in Terræ Statione, & regressu miraculum contigisse, veritate caret. Nam secus in priori euentu, quod attinet ad miraculum Iosue, non rectè diceretur in Scriptura. *Et Luna contra vallem Aialon*, puta ne mouearis; Cùm enim Luna in paruo Orbe, simili motu feratur, ac Terra in Magno iuxta authores suos, ab Occasu in Ortum secundum successionem, Terra stante non magis dici poterat, ne mouearis contra Aialon, quæ erat Occidentalis respectu Gabaon, quàm ne mouearis contra Gabaon, cùm interea ordine & motu proprio, dicto modo volueretur, & ne accessu suo ad Solem, vel diem pugne adimeret si in nodo foret, vel extra nodum, Heliacè præter ordinem occumberet, præuertendum erat; alioqui vana erat iussio, vt cursum sifteret; idq; multò magis, si cum alijs dicamus Lunam fuisse Orientaliorem, atque adeò vel plenam, vel proximam plenitudini circa initia Tertij Mensis; in quo statu, quia non tam aduersum venit Soli, quàm ab eo suo motu sensim recelsit, nulla ratio erat cur sistere, nec moueri contra Aialon, si hæc etiam Orientalior fuit, iuberetur.

Quòd si Lunam quoq; fixam natura velint, & tantum Terræ motum inhibicum pro tempore, præter quàm quòd situs omnis respectiuis & ordo syderum tollitur, admirabilis inducitur confusio in modo loquendi Scripturæ, nullis regulis aut sensu figurato explicabilis, sed contraria planè ratione, vt cùm dicit Solem moueri vel Lunam, hæc verè stare credamus, Terram verò moueri contra sensum nobis persuadeamus; Et rursum cùm iubeat Solem vel Lunam non moueri,

Terram duntaxat, ipsis natura immotis, cursum continere intelligamus. Quibus adde, non fuisse futurum minus miraculum si Terra stetit, immò ea ex parte maius, quòd moles adedò grandis, & sensibilis, voce hominis ligata rignisset; Verùm hoc ipsum miraculum, constare debuisset ijs, propter quos factum erat, ad Deum magis glorificandum; qui autem id fieri poterat, apud quos nulla de Terræ motu sensibilis suadebat experientia; quin potius contrarium cèu exploratum habebant, ut rectèdò risui potius, proficeret tale miraculum, quàm Dei glorificationi; iussisse videlicet Terram stare, natura quiescentem, nec sensu magis quàm ratione immotam, & miraculum edidisse populis non aduertentibus, quod necessariò percipere debuissent: nisi iam dicamus vniuersis propositum fuisse & explicatum systema Pythagoricum, idq; breui post Moysen intervallo, cui Iosue successit, qui nihilominus exemplo Moysis, pròdò populò miraculatum, in Sole & Luna factum, ad sensum prædicaret, forè quid fieri non poterat, ut in Terra sentirent. Nugæ.

Veruntamen id Authores sui confirmant ex illo Virgilij, *Prouebimur portu Terræq; Urbesq; necedunt. Sic tamen indiligantes motum naus minime percipiunt, sed littora, Terras, & Urbes, esse aliqui fixas moueri arbitrantur; ita Terram moueri; res quàm citatissime feratur non sentiunt, rectèdò Solem, Lunam & Sydera, alioqui immota, circumuoluù existimant.* Sic isti: sed est argumentum perfrui volumus, & quod còmodius excludo vertiginis petator (vulgò ad Æneam multam dicunt) in quo circumactis in eodem sito, nec locò motis pueris, vniuersa iuxta motionem spirituum susque deque ferri videntur. In re præsentì experientia constat, nauigantes nisi obtutum in nauim qua vehuntur immotum defigant, re ipsa sentire progressum suum ad motum naus, & obiecta corpora post se sensui, & longo tractu relinquare, tanquam si & ipsa vero motu moueantur; id quòd ex visui organi motione contingit videri; ob quàm præteruehentiòne oculi ad res post se relictas conuegnantur, quæ tamen vere stare cognoscuntur. Nihil horum experimur in Terra, quantumvis multiplici motu, & quidem velocissimè feratur, cum intèrea Planetas & reliqua sydera tamen remotissima, moueri aut mota esse per se aduertimus, idq; varijs rationibus comprobamus, immò vel ex mutatione loci, vel quiescente etiam oculo, ex distictis temporum intervallis ad sensum deprehendimus, nulla interim prorsus ex Terra habita sensili experientia, quæ tamen esse debet quæmadmodum in motu nauis.

Addi potest ad motum naus, vel currus, non velocius videri ferri

corpora obiecta quam ipsam nauim, aut currum, quæ alioqui si mouerentur, ex ratione Opticæ duplo velocius ferri puerentur: cum tamen interea velocissimè videamus ferri Luminaria, nulla habita experientia veri motus Terræ, nam imaginarius motus variatur ad lationem nauis, quæ si ad Occidentem pergat, ipsa videbitur pergere ad Ortum, si contra ad Orientem tendat nauis, Terra existimabitur ferri ad Occidentem, & sic de cæteris differentiis, quæ re ipsa Terræ, etiam opinione authorum suorum conuenire nequeunt. Dixi velocissimè videri ferri Luminaria; nam propter magnitudinem nec adeo immensam distantiam, quemadmodum ceteris paribus ex axe optico attinguntur, ita oculis motum eorum spontè prosequentibus, moueriprehenduntur, ad eum ferè modum, quo præterlabentes amnes, si attentius inspiciantur, fluctus quoque aspectu, & aciem intentam rapietes, decurrere percipiuntur. Cæterum si de Astris præsertim Firmamenti sit sermo, essi velocissimo cæantur motu, ob longissimum tamen interuallum, & eq; diminutos angulos visuos, quiescere potius quam moueri videbuntur, nec nisi iuxta dicta, post tempus locum mutasseprehenduntur, idque verum est etiam in obiectis medio aspectu, & communi radio ad Horizontem librato spectatis, neque solum si fæda linea abscedant ab oculo, verum etiam quando illorum cursus directum radium transuersum secat.

IN posteriori euentu, quod spectat ad miraculum Ezechie factum, si sitas argumenti patet ex dictis supra Cap. 8. Quibus addo Regem Ezechiam non fuisse adeo rudem, vt de motu Terræ nihil scisset, ac proinde tam implicatis verbis miraculum ab Isaia flagitaret. Poterat quippè Isaia optionem danti, vno verbo proponere, Volo vt Terra retrocedat; poteratq; Isaia eodè sensu & facilitate dicere, *Et reuersa est Terra*; non verò, *Et reuersus est Sol*. Neque enim in palatio Regis, aut potius in toto Regno obscurum esse poterat Terram moueri, si ita fuisset, tot præsertim elapsis à Moyse seculis quibus non amplius ea ruditas populis inesset, vt duntaxat sensu apparentia, non etiam ratione probata perciperent, Quis enim dubitet legisse Ezechiam, & omnes eius ætatis viros sensatos, quæ pridem Ecclesiastes de Terræ Statione, & Solis motu scripta reliquisset, eademq; ipsa experientia quotidiana, doctisq; rationibus, quemadmodum apparet ex propositione Isaie, facta comprobasse; proinde secundum veritatem de regressu Solis, non de retrocessione Terræ sermonem formauit, quo tamen nihil fuisset, facilius, si re ipsa constisset.

Huc accedit, quòd cum Scripturæ, quæ sub Metaphoris & Tropis

tradit, pleraq; alijs in locis expresse & propriè significet, mirum admodum esse, nullibi in ea clarè significari Terræ motum, & Solis quietem, vnde maiora naturæ miracula ad Creatorem cognoscendum & glorificandum, suppetere queant, iuxta ea quæ multis dicuntur *Sapient.* 13. sed contrarium non vno loco aut indicari, aut manifestè contineri: neque enim semper rudes populi perseverarunt, quibus nihil nisi pro capto sensuum proponeretur, præsertim cum id ad Deum in suis admirabilibus prædicandum referatur. Quis enim in Terra positus non dicat, maius esse miraculum Terram cum aqua circumferri, nec obrui cum omnibus super eam viuentibus, quam nunc Solem moueri, siue in liquido, siue in solido spatio, eòq; firmato, vt nequeat decedere? Quin verò hoc vno Argumento, periculum omne Idololatriæ procul fuisset à principio, si Solem & sydera motu carentia, adeòq; spiritu destituta, quamquam moueri viderentur populi cognouissent, explicata præsertim eius apparentiæ causa ex motu Terræ orta, ne tamdiu cum vario periculo ludificarentur. Nisi iam fortè dicamus, Scripturam vbique in contrario sensu accipiendam, vt cum dicit Terram stare, Solem moueri, hunc quiescere, illam ferri intelligamus.

Ceterum omnia Elementa suum custodire sonum, vt dicitur *Sapient.* Cap. 19. hoc est sui situs, ordinis, officij, seruare harmoniam, iuxta ea quæ ex Clemente Alexandr. supra Cap. 4. diximus, sicut in omnibus verum est seruata proportione, ita in Terra, etiam ratione suæ Stationis; vt huc etiam, & quidem præcipuè referri possit, quod eodem Cap. 19. subiungitur, *Vnde æstimari ex ipso visu certè potest*, hoc est sine alio discursu, vel à rudibus populis percipi, Terram stare, & nullo modo moueri: quod à contrario transferri potest ad Concentum Cæli, de quo Iob Cap. 38. *Concentum Cæli quis dormire faciet*, vt nempe Solem qui præcipuè huius concentus pars, & velut Chorda Cælestis Organi habetur, continuò moueri, & nullo modo stare, æstimari ex ipso visu certò possit.

QVOD denique additur in Argumento ad explicationem loci Eldra, ridiculum est. PRIMO enim si Sol quiescit æquè in omnes partes lumen & radios diffundens, nulla est ratio cur in vnā potius quam in alteram partem Planetas conuertat, atque in suis motibus dirigat, ipse interim priuatus omni motu. DEINDE eadem ratione, qua motus Planetarum in ipsam refunditur, refundi etiam debet motus Terræ, atque adeò motus Orbis Magni in quo Terra fertur, quod quàm coherentè dicatur, viderint patroni. TERTIO, quod dicitur de aëre, & vapore circa Planetas, non subsistit: Aër enim

enim

enim , & vapor , vel mouentur ad motum Planetarum à Sole , & redie prima difficultas ; vel à principio extrinseco distincto à Sole , & cùm idem dici queat de Planetis siue ad motum Sphærarum , siue motu proprio seorsim , nihil motus recipiunt à Sole . Quod verò iterum , repetitur de motu apparenti , iam sæpè profligatum est .

Illud de motu circumgyrationis in se , intento non fauet . Is enim cùm vniformis sit in vnam partem , in eandem rapere secum debet Planetas , vt vna die in gyro suo ad eundem locum conuertantur : at quomodo motus Planetarum cieantur in aduersum , Sole in diuersum nitente , explicari vix potest , idq; præsertim in Luna in paruo Orbe circa Terram mota , (eademq; ratio videtur esse de satellitibus Iouis , in suis Orbibus circa Iouem .) Nam si in eo Orbe Luna circumuoluitur singulis diebus motu seorsim à Terra , singulis diebus contingent nouilunia & plenilunia ; vel si motu suo regulari pergit in præcedentia , remouendo se à Sole , nihil habet ab illa circumgyratione Solis quotidiana , nisi vt moueatur ad motum Magni Orbis vnà cum Terra , quod illi quidem non admittent , qui Sphæras moueri negant : Alij verò admittere non audebunt , nisi prius de regulari , vel irregulari motu circumgyrationis determinent , quod an fecerint , ambigo .

Eadem verò difficultas est de motu Terræ proprio , quem habet annum circa Centrum proprium , motui diurno cōtrarium ; qui enim is fiat à circumgyratione Solis contraria , intelligi non potest . Dubitabit deindè quispiam , an cessante dicta circumgyratione , Planetæ quoque cum Terra ferientur à motu ; ita enim videtur asserendum , habita ratione causæ , à cuius actuali influxu dependent ij effectus : Proindè cum Iosue stare iussit Solem , de hac , à gyratione in seipsum , cessatione , intelligi potest in sensu literali , eritq; sensus Scripturæ , *Sol ne mouearis contra Gabaon* , id est , vt Septuaginta vertunt , *ad Occidentem* , sensus inquam erit *Sol ne mouearis ad Orientem* , qualis est motus circumgyrationis : Vel si Planetæ ad Stationem Solis , à motu duntaxat diurno cessarunt , pergentes interim motu suo annuo , falsò dicetur Terra quieuisse , & in ea , non in Sole factum miraculum , quando Terra non quieuit nisi appareret .

QVARE sensus Verborum Esdræ , non est quem fingunt dicti Authores , quasi Sol actiue conuertat Cælum , seu quod idem est Cælum aut Planetæ passiue conuertantur ad motum eius , aut etiam , actione virtutis eius : sed sensus est intransitiuus , vt idem significet , *conuertit* , atque *perambulat* . & *peragit in gyro suo totum Cæli spatium* , redeundo in locum suum *una die* : loquitur verò de motu diurno ad exaggerandam velocitatem cursus , & de loco ratione situs Orientalis ,

ralis, quicquid sit de loco secundum idem punctum, si non tam sphaeram, quam spiram describat, quod parum refert ad præsens institutum. Hunc esse genuinum sensum eius dicti, patet inter alios ex Olympiodoro *In 1. Ecclesiasticis*, qui id ab Esdra ex Ecclesiastice desumptum insinuat, eo dubio procul sensu, quem iuxta dicta supra *Cap. 8.* ipse intendit.

TERTIVM ARGVMENTVM.

SCRIPTVRA non tantum loquitur Metaphoricè, & iuxta communem vulgi modum in plerisque locis, sed hoc præsertim facit in Mathematicis, dissimulando demonstratas & Theorematicas Veritates; ergò licet Terram stare, & Solem moveri dicat iuxta vulgi sensum, non inde sequitur, Physicè & Mathematicè ita se habere. Antecedens patet. Quia Genes. 1. Sol & Luna dicuntur Luminaria magna, scilicet quoad sensum, cum tamen longè minora sint stellis Firmamenti. Et Iosue 10. Dicitur Sol stetisse in Medio Cali, cum tamen staret versus Occasum. Et 3. Reg. 7. Maris anei diameter à labio usque ad labium, dicitur fuisse decem cubitorum, & rotunditas triginta cubitorum, cum tamen diameter non se habeat, ut 10. ad 30. sed potius, ut 10. ad 31. Et 7. ad 22. Et sic de alijs. Ergò, &c.

RESPONDEO. Negando consequentiam. Terram enim stare, & Solem moveri, nullum habet Metaphoricum sensum, quis enim sit iste sensus? nec verò id dici iuxta vulgi morem, patet inter alia ex solutione superioris Argumenti. Addo deinde, quando Scriptura loquitur Metaphoricè, sensum Literalem non esse illum, quem propriè Metaphora significat, sed quem figuratè; neque enim cum Dei nominat oculos, aut brachium, significat in Deo esse huiusmodi membra, sed ostendit potentiam & virtutem operativam. Vide S. Thom. 1. *part. quest. 1. art. 10.* Hinc aliqui dicunt, sensum literalem non esse accipiendum secundum literam latè, vel quod significatur in cortice literæ, aut etiam secundum vim Logicæ siue Dialecticæ, sed potius iuxta locutiones in Rhetoricis sermonibus vsitatas, & iuxta tropos & figuratas locutiones, quæ communis vsus committit cum consideratione circumstantiarum literæ, & præcedentibus & posterioribus apposis. Tostat. *In Cap. 13. Matth. quest. 28.* Gerson. *Tract. de sensu lit. propos. 2.* Ceterum, quod ad Metaphoras attinet, ita in vno loco

loco traduntur in Scriptura, vt in alijs expressius exponantur. S. Thom.
1. part. quæst. 1. art. 9.

Quamquam & in mysticis interpretationibus id ferè seruant Pa-
tres, vt de Terræ immobilitate Physicam rationem aut supponerent,
aut iuxta eam interpretationis suæ sensum explicarent. Quod inter
alios præclare præstat Olympiodorus, vbi hoc dictum Ecclesiasticis
Terra in æternum stat, mysticè de immobili Veritate S. Scripturæ ex-
ponit. Sacra (inquiens) Scriptura, Terra nuncupatur, instar enim
Terræ immobilis est, fructus gignit, omnibus patet, ac omnes acci-
pit, Veteriq; ac nouo Testamento subnixæ manet in seculum, immo-
biles habens & iustorum promissiones, & quæ peccatoribus decla-
rantur supplicia. Mitto alios.

Q V O D Sol & Luna vocentur Luminaria Magna, Chryf. Hom. 6.
in Gen. explicat de magnitudine secundum efficaciam, & virtutem,
in inferioribus. S. Thom. 1. part. quæst. 70. art. 3. ad 4. etiam de ma-
gnitudine quoad sensum, & loquitur præsertim de Luna, quia nimi-
rum maior apparet. Non fit autem comparatio Luminarum cum
Stellis, quia & minores sunt respectu Solis, & ob nimiam distantiam
diameter earum visualis, non ita facile potest comprehendi, quicquid
aliqui in ijs dimetiendis secluso tubo optico sint nugati; Sed Luna
dicitur magna, vel absolute ob conspuitatem, absque comparatio-
ne cum Sole, qui licet maior sit, & maior etiam in Horizonte præ-
sertim, vel citra vapores interceptos appareat, interdum tamen ob
distantiam in altitudine sua minor videtur, ob quam etiam causam
superficie plana constare iudicatur, sensu non facile deprehendente
inequalitatem, aut globositatem. Vitell. Lib. 4. propof. 65. cum in-
terea Luna plena ob vicinitatem, tumidum quid atque eminens in
medio corporis exhibet, est ceteroqui aspectus noster, minus semper
intuetur hemisphærio corporis Lunaræ, quod oculorum interstitium
minus est dimittente corporis Lunaræ, & eadem est ratio respectu
Solis. Nulla porro est in hoc casu deceptio sensus, verè enim magna
sunt Luminaria quoad sensum, est etiam maiora quoad rationem.
Eset verò deceptio si Solem stare, & Terram moueri iudicaret contra
rationem.

Ceterum quod assumitur Solem & Lunam minora esse Stellis Fir-
mament, deducitur ex immensa illa intercapedine, quam inter Fir-
mamentum & dicta Luminaria, Systematis Copernicani defensores
sibi imaginantur, vt eum ab infinita propemodum distantia Sydera
cernuntur, magnitudinem habeant vix vlla proportionè explicabilem.
Alioqui iuxta veritatem, Sol quavis Stella etiam primæ magnitudi-
nis

nis est maior, sicut Luna minor omnibus syderibus etiam sextæ dignitatis, utpote quæ Terræ quoque magnitudine cedit. Ut huc etiam accommodari queat, Solem esse *Luminare maius*, & Lunam *Luminare minus*, habita ratione syderum Firmamenti, quamuis id propriè de Sole & Luna mutuò comparatis intelligatur.

I A M verò, Iosue pugnante Solem non stetisse in Medio Cæli, sed versus occasum, falsò dicitur, nec vlla sufficienti ratione, quasi Iosue timuerit, ne beneficio noctis hostes euaderent, & iccirco frenarè Solem ne præcipitaret, vel ut Hebræus legit, *ut expectaret*. Potuit enim Iosue maturè prævidere, defecturum victoriæ diem, & anticipando petiisse Luminarium Stationem. Standum itaque Literæ, Solem scilicet in Medio Cæli vel iuxta stetisse, præsertim cum Septuaginta legant, *Et Sol in Medio Cæli non procedebat ad Occidentem*, idque manifesta ratione ostenditur; dictum enim est, *Sol contra Gabaon ne mouearis*, & *Luna contra vallem Aialon*, ex quo sequitur utrumq; Luminare fuisse supra Horizontem, sed Lunam versus Occidentem contra Aialon, qui locus Occidentalis est respectu Gabaonis, contra quam Sol iussus est stare, proinde non sequebatur sed præcedebat Solem, ea distantia, quam quatuor horarum cursus adeòq; 60. gradus interciperent, essentq; residui 30. gradus ad Occasum, Luna quoque paulatim cum vigesima secunda, vel circiter, ætatis die, senescente.

Q V O D attinet ad Maris ænei diametrum. Dico id factum non quia Scriptura præcisam dimetientis ad circumferentiam proportionem, offerre non potuerit, sed quia pro instituto satis fuit dicere, quod res Mechanica in opus deducenda poscebat, ut tamen iuxta præscriptum, absque defectu rotundum euaderet Mare, habès cubitos decem diametri physicè proportionatos, & circumferentiam ita æqualiter curuatam, ut nihilominus Mathematicè infinita (ut ita dicam) pro natura rotunditatis, æqualia latera, & infinitos quodammodò angulos comprehenderet, ideòq; capacissimum esset; nulla interim habita ratione mystica, cur tantæ, & non maioris, aut minoris magnitudinis esse oporteret. Quamquam si penitiùs inspiciamus implicitum Scripturæ sensum, faciliè etiam ad Matheſim eam proportionem liceat commodè elicere.

Nam quod 3. Reg. 7. legitur in Hebræo, Chaldæo, & Latino, *Et ressicula triginta cubitorum cingebat illud in circuitu*; Septuaginta vertunt, *Tres & triginta in cubito*; quo pacto habent emendatioreſ Codices: nempe utrumque crassities Maris absuñebat palmum, proinde duo palmi (spithamas intellige, seu maiores palmos), vñum cubitum efficientes, & dimetienti additi, reddebant cubitos vñdecim,

qui

qui ter in se ducti, edunt tres & triginta cubitos: Hi si rursum in se ducantur per senarium palmorum cubiti minorum, numerus qui exit, dabit palmos minores circumferentiæ dicti Maris, cuius diametro per auream regulam inuestigata, quartus numerus, trium ac sexagenorum prodibit, quot nempe palmos habuit Mare iuxta Septuaginta; qui demum per senarium distributi, reddent denos & tres palmos, à quibus si subducantur cubiti deni diametri Maris, & bini palmi crassitiem vtrinque constituentes, remanebit palmus hinc inde labium extendens. Atque hinc colligitur quæ ratio fuerit Septuaginta, ut calculum magis Mathematicè ducerent. Vide Theod. in 3. Reg. 7.

QUARTVM ARGVMENTVM.

FIRMAMENTVM stare & sydera in eo, non est contra Scripturam, Ergò per consequentiam necessariam, Terram moueri non est contra Scripturam; Vel si Terram moueri est contra Scripturam, etiam Firmamentum moueri, quod plerique volunt, erit contra Scripturam; neque enim plura loca asserunt Terræ, quam Firmamenti stabilitatem. Adde vocabulum originàle Hebraum, quod Terram dicit, deriuari à radice quæ idem ac currere significat, ad denotandum videlicet, velocem eius motum, et si sensu inperceptibilem. Ergò, &c.

RESPONDEO. Negando antecedens; si nomine syderum, intelligantur etiam Planetæ indefinitè; in hoc enim sensu copulatiua illa propositio est falsa, immò contra Fidem, quia Solem non moueri est contra Fidem, ut constat ex dictis Cap. 9. Si nomine syderum non inuoluantur Planetæ, quicquid sit de antecedente, nego consequentiam; Non enim si Terram moueri est contra Scripturam, contra eandem erit etiam Firmamentum moueri, quando Terram stare plura loca apertè ostendunt, non item apertè Firmamentum stare aut moueri.

Vnde ad replicationem, dico, falsum esse non plura loca asserere Terræ quam Firmamenti stabilitatem. Contrarium enim constat, tum ex dictis Cap. 3. & 6. tum ex eo, quod Terra est Centrum Vniuersi, quod etiam de fide esse probabilius dictum est, Cap. 10. proindè competit illi Statio firma saltem respectu Planetarum, aut etià aliorum syderum, si Firmamentum non moueatur. Illa porro loca quæ stabilitatem Terræ, & Firmamenti videntur insinuare, non sunt eiuf-

dem rationis. Nam de firmitate Terræ vix aliquid legitur sine addito, quo explicetur eiusmodi firmitas. Velut cum dicitur, *Firmauit Orbem Terræ, qui non commovebitur. Fundavit super stabilitatem suam, non inclinabitur in seculum seculi*, & plurima id genus per nomen Fundamenti expressa; cum interea de firmitate Cæli simpliciter, & sine addito vlllo sæpè fiat mentio, ut simplex tantum eius creatio indicetur; vel si quid amplius, ordo, sit us, ornatus, significetur; quo pacto plerumq; verbum *Firmaſti* apud Latinos interpretes, effertur nomine extensionis, vel expansionis & similibus; interdu ad ornatum exprimendum alijs vocabulis, iuxta illud *Iob. 37. Tu forſitan cum eo fabricatus es Calos, qui solidissimi quasi ære fuſi ſunt*. Vbi alij legunt, *Fortes quasi specula solidissima*, neque enim firmitatem, id est statum oppositum motui, sed vel soliditatem quandam in summa perspicuitate in transgressibilem significat, ut quamvis moveatur, nullo modo deteratur; vel quod certius & commune, si liquidum sit, nullo modo defluat, nec sydera, & Planetæ in eo, regularem suum cursum varient à terminis præfixis. Qua in re pleriq; mirantur & collaudant sapientiam & potentiam Creatoris, qui corpus quamvis tenuissimum, & liquidissimum ita formarit, ut vna & speciosum redderet, & contra defluxum stabilitate quadam armaret, quasi ære fuſum; cuius natura fuſilis speculorum splendorem, lzuorem, & tersitudinem exprimit, cuiusmodi creditur esse Cæleste corpus, quod iccirco aliqui ex aqua, alij ex subtilissimo igne factum existimarunt, alij denique quintam quandam essentiam, & à natura elementorum secretam affirmarunt.

Dixi, Quicquid sit de Antecedente si nomine Syderum inuoluantur Planetæ, &c. Etsi enim de motu Firmamenti præcisè, nihil adeo expressè videatur haberi in Scriptura; tota tamen hæc propositio *Firmamentum moveri & sydera in eo*, ex natura sua copulatim accepta implicite continetur, quatenus & stellas posuit Deus in Firmamento, ut quemadmodum Luminaria, suo peculiari officio fungerentur, motu videlicet suo, sicut & Luminaria motu peragunt institutum suum, ut præſint diei ac nocti, iuxta dicta supra *In ſolut. Prim. Arg.* Mitto Firmamentum etiam præcisè sumptum, moveri, sensum habere Catholicum, non solum ex communi sententia, sed præterea ex ijs quæ deduximus supra *Cap. 10.* ex variorum Patrum, præſertim Dionysij Areopagitz sententia.

Ceterum quod huc spectat, nec S. Chrysostomus concessit totum hoc coniunctim acceptum, *Firmamentum flare & stellas in eo*, non esse contra Scripturam, licet velit Calum immotum permanſiſſe.

Nam

Nam *Homil. 6. in Gen. Posuit* (inquit) *illas* (hoc est *stellas*) *in Firmamento Celi*, *Quid est posuit, nunquid quasi diceret aliquis, fixit?* *absit. Videmus enim ipsas unico temporis momento magnum transire spatium, & nunquam in uno loco stare, sed suum quem illis Dominus praecepit cursum perficere.* Hæc Chrysostomus: Quæ etiam cogunt fateri aduersarij cum dicunt, *Stellas in Firmamento, seruare quidem semper eundem ordinem & situm inter se, sed variare secundum latitudinem quoad Aequatorem*, nisi velint id euenire propter motum Firmamenti, ut proinde hæc duo coniunctim non possint verificari *Firmamentum stare & Stellas in eo*, etiam in contraria sententia; sed alterutrum, vel ut Cælum moueatur syderibus stantibus, vel contra Cælo stante, sydera moueantur; aut utrumq; simul, quod nonnulli putant.

Nec verò sufficit de Planetis explicare, quod Sancti Patres dicunt *Stellas moueri*, de vtriusque enim seorsim, & expressè loquitur Chrysostomus, ut alios taceam de *Stellis Homil. 6. in Cap. 1. Gen. de Solè* (& eadem est ratio reliquorum Planetarum) *Homil. 12. Ad Pop. Antioch.* Elicitur verò motus Stellarum, quod paulò ante inlinuimus, itum ex illo Scriptura, *Genes. 1. Et posuit eas in Firmamento Celi, ut lucerent super Terram*, & ex vnde etiam elicit S. Chrysostomus, cum clarissime ex illo *Sapient. 13. Aut ignem, aut spiritum aut citatum aërem, aut gyrum stellarum, aut mixtam aquam, aut Solem & Lunam, vel totum Orbem terrarum Deos putauerunt.* Sic motus Planetarum, nisi aliunde etiam constaret ex utroque loco, sed maxime elici posset ex Verbis antecedentibus prioris. *Fiant Lumina in Firmamento Celi, & diuidant diem & noctem, &c.*

Ex his infero: Si Cæli nomine, Firmamentum, Planeta & reliqua Sydera intelligantur, hæc duo iuxta præsentem ordinem contradictio nem inuoluere, nempe *Calum esse, & non moueri*: Secus si Cælum absolute sumatur, vel quatenus includit Empyreum, vel in quorundam opinione motum eiusmodi inuoluat, sine quo in natura desinat esse, ut itaque perpetuò moueri id oporteat. In quo sensu damnatae sunt olim hæc propositiones in Articulis Parisiens. *Dicere Calum esse & non moueri, est dicere contradictoria. Calum, esse suum esse, virtutem habens à motore suo. Et hoc conseruat Calum per motum suum, Vnde si cessaret à motu, cessaret ab esse.* Si Calum staret, ignis in stupam non ageret, quia nec Deus esset. Ex quibus vltèrius inferebatur Generationem inferiorum, quæ est finis motus Cæli, nunquà cessaturam, nec rectè supponi quieturum motum deficiente rerum generatione. Vnde & hæc propositiones tanquam falsæ perstringuntur eodem loco.

Theologi dicentes Cælum quandoq; quiescet, arguunt ex falsa suppositione: Cælum nunquā quiescet, quia generatio inferior: qui est finis motus Cæli, cessare non debet. Et Ratio Philosophi demonstrans motum Cæli æternum, non est sophistica. Quamuis hæc vltima propositio referatur non tam ad negationem finis, quā inceptionis motus. Vide de singulis Anathem. Stephan. Parisien. Cap. 5. num. 13. 17. 18. 25.

TERRAM porro non moueri, & hoc ita esse secundum Scripturam, vt oppositum sit expressè contra Scripturam; ostendimus Cap. 3. 6. & 10. Proinde rectè negari potuit consequentia, dato quamuis antecedente. In quo enim sensu non est contra Scripturam Firmamentum stare, quia nimirum non apertè, immediatè & sine deductione elicitur ex Scriptura; in eodem sensu ex opposito, est contra Scripturam Terram moueri, quia partim apertè habetur contrarium in Scriptura, partim facillimè ex diuersis elicitur, iuncta Patrum interpretatione; quorum licet alij alios seclatim philosophos, de Cælo & Terra variè senserint, & quidam etiam Terram in aquis ferri existimatiōis, nemo tamen affirmauit Terram moueri in circulum, cum interea omnes, si non de toto Cælo, saltem de Planetis & Stellis, & minimum de Sole idem sint arbitrati, vt patet ex dictis Cap. 9. Ceterum nonnulla quæ Sancti Patres subindè dixerunt, secundum diuersam Philosophiam minùs certa, non tradiderunt quasi asserentes, sed quasi videntes ijs, quæ in Philosophia didicerunt, in quibus proinde non sunt maioris authoritatis, quā dicta Philosophorum: quos sequuntur, nisi in hoc, quod sunt ab omni infidelitatis suspitione separati, quemadmodum hæc omnia egregiè, ex verbis notat S. Thomas In 2. sent. dist. 14. articulo 2. habet & c.

Quod verò S. Thom. Lib. 2. de Cælo, lect. 26. examinans sententiam de motu Terræ, non dixerit eam esse contra Scripturam; vt in alijs facere consuevit, sed ad summum esse contra Aristotelem; Ratio inter alias est, quod non eam examinaret, iuxta principia Fidei, sed tantum iuxta principia naturalia, vt inter alia patet in simili; ex ijs quæ dicit In Opus. 10. art. 16. de virtute naturalis Angeli, respectu molis Terræ mouendæ vsque ad globum Lunæ: Quamquam & hoc in more positum habuit S. Thomas, ne vel affirmaret vel negaret quasi pertinentia ad Sacram doctrinam, quæ Philosophi communes falsò alioqui senserunt, quando scilicet nulla ratio pro re; & tempore ad id faciendum vrgeret, ne alioqui faciliè sapientibus huius mundi, commendandæ fidei occasio praberetur, quando non recurrendum etiam ad principia fidei, faciliè ex naturalibus, absurda conuelli poterant, quemadmodum idem S. Thom. egregiè, plerunq; præstitit in libris

con-

contra Gentes . Vide quæ præmittit . *Opus. 10.*

Ceterum, Argumentum hoc loco propositum, faciliè etiam his vel alijs modis retorqueri potest, Terram stare non est contra Scripturam, immò maximè conforme Scripturæ, ergò Firmamentum stare & sydera in eo, copulativè vel disjunctivè, est contra Scripturam: Vel, Terram moveri est contra Scripturam ergò, Firmamentum & sydera, in eo (iuxta dictum sensum) non moveri est contra Scripturam, si huiusmodi propositiones, mutuam quandam & necessariam habeant inter se connexionem, ita ut posita affirmatione vel negatione vnius, sequatur affirmatio vel negatio, & viceversa, alterius .

Quod additur de radice Hebrææ vocis . Dico eam non vnam esse: nullam tamen propositò favere . Quod huc spectat, Terra figuratè dicitur à currendo, quòd Cælestis sphaera ipsam ambiens immoram, circumcurrat; Sic apud Latinos lucum dicimus, quod minimè luceat; bellum quòd minimè sit bellum, & sexcenta id genus alia . Immo vero eadem radix non currere solùm, sed etiam terère significat, ex quo stabilitas quædam fixa plerisq; arguitur, ut quamvis omnium ambulantium pedibus Terra teratur (vnde ferè apud Latinos vocabulum, sortita est) ac velut trudatur, nihilominus in eodem loco immora consistat, quicquid falsò præsumpserit Archimedes, aut quicumque is fuerit, qui si pedem extra Mundum figere potuisset, totum Orbem se loco moturum, sibi imaginatus est . Quin verò Græcis à sensu contrario tota sydereæ plaga Æther appellatur, à velocissimo nimirum cursu, quæ opinio, Græcis ab antiquissima veritate sensu etiam, percepta hæsit, ut iccirco quantum inde ex Hebræa radice ambiguenè peti potest, tantum hinc autoritate certa in sensili experientia, & rationis demonstratione accedere queat .

QVINTVM ARGVMENTVM.

INFERNVS est in Centro Terræ, in eoq; est ignis crucians damnatos, ergò Terra omninò necessariò movetur . Antecedens patet . Ex 4. *Ad Epheſios* . Descendit ad inferiores partes Terræ Et *Act. 2.* Non derelinquas animam meam in Inferno . De igne verò damnatorum, patet . *Matth. 25.* Discedite à me maledicti in ignem æternum, qui paratus est diabolo & Angelis eius . Consequentia probatur . Quia ignis est causa motus, Vnde & Pythagoras, qui teste Aristotele ponit in Centro locum pœnarum, sentit Terram esse animatam, & motu præditam .

RESPONDEO. Posito etiam quod Infernus sit in Centro Terræ, & ignis in eo, nego consequentiam. *Ad probationem*, dico, si quippiam valet, probat etiam fornaces calcarias, furnos pistrinos, & focularia hypocaustorum esse animata & per se mobilia. Deinde dico Ignem, non esse causam motus naturalis, nisi sursum rectâ ferêdo per se, cuiusmodi motum nec Pythagoras, nec alij sectatores recentiores Terræ concedunt, etsi nonnulli motum corporum circularem e medio conentur tollere. Quòd si sermo sit de igne in corpore animantis, is verò non est causa motus nisi instrumentaliter; & in virtute animæ informantis, siue formaliter inexistat siue restructus, loquendo de igne elementari, aut quouis alio modo. Cuiusmodi animam si Pythagoras Terræ tribuit propter ignem in ea contentum, ignoranter fecit, & contra sua propria principia, alioqui & sydera dicenda sunt ignea & animata, immò & Sol ex ignea natura animatus, ideòq; motu præditus; quomodo ergò quiescit in Centro, vt Terra circa ipsum, moueatur? Vel si Solem dicant moueri motu conuersionis in seipsum, redibunt difficultates obiectæ supra in solutione Secundi Argumenti.

Terram porro non esse animatam, pluribus ostendit S. Thom. *Lib. 3. de Celo, Lc. 18.* contra rationes Alexandri sequentis errores Gentilium, iccirco Terræ cultum Deitatis tribuentium. Et profectò cùm omnis motus sit à motore aliquo, præter formam naturalem; in motu autem corporum Simplicium qualis est Terra, non sit alius motor essentialis præter generantem; clarum est ipsam non esse animatam, neque enim generans potest esse anima Terræ coniuncta; quemadmodum vellet Pythagoras, sed potius motor separatus, qui tamen Terræ non sufficit in sententia Pythagoræorum, & aliorum antiquorum, sed requiritur præterea anima Terræ coniuncta, tanquam mouens proximum, cuiusmodi, si Pythagoræi velint esse ignem, fateantur etiam hunc ignem esse productum à forma separata; & rursum ab igne productam Terram iuxta eandem Philosophiam; quæ omnia quàm sine ridicula & absurda nemo non videt.

Ita nimirum in plerisque contra propria principia impingunt Pythagoræi, maximèq; in eo, quòd cùm Pythagoras velit Terram compleri angulis octo & quadraginta, contineri autem sex triangulis æqualium laterum, & Cubo similem esse, atque adeò iuxta dicta supra *Cap. 3.* ad motum prorsus inhabilem; eam nihilominus animam prædicam, ac latione velocissima ceteri affirmet, suosq; sequaces in nugaces errores mittat, non immerito ab Hermia Philosopho *In Lib. de Gentil. Philosoph. irrisio*; ob hanc præsertim rationem Cubi, Terræ adscriptam, risu exceptus.

Quòd

Quod verò aliqui dicunt, *Ignem violenter contineri in Centro. & ideo cum secundum naturam suam petat esse supra Terram, in sphaera & loco suo, ea ratione mouere Terram*: hoc inquam nihil facit ad rem. Primò enim huiusmodi motus est per accidens, & non determinatus à natura, qualis deberet esse motus regulatus in Terra, deinde multa comperunt igni Inferorum, quæ non competunt igni Elementari, & inter alia ex ordine diuinæ iustitiæ habet, vt contineatur in illo loco in æternum, vbi etiam ad conseruationem & adiuuitatem intendendam, plurimum iuuat frigus Terræ vndiq; circumstant. Vide S. Thom. In 4. dist. 44. art. 2. quest. 3. ad 2.

Dixi posito etiam quod Infernus sit in Centro Terræ. Nam Gregorius Lib. 4. Dial. cap. 42. De hac re (inquit) temerè definire non audeo, Probabiliorè tamen putat opinionem eorum, qui dicunt esse sub Terra *Quia si idè (inquit) dicimus Infernum quod inferius iacet, quod Terra à Cælo est, hoc Infernus debet esse ad Terram*; deinde, quod dicitur Apocal. 5. *Nemo poterat aperire librum, &c. neque subsumunt Terram*, Hoc (inquit) refertur ad animas existentes in Inferno. S. Thom. In Opus. 10. art. 31. Vbi (inquit) sit Infernus, an circa Centrum Terræ, vel circa superficiem, nihil arbitror ad doctrinam fidei pertinere, & superfluum est de talibus sollicitari asserendo, vel improbando. Et Opus. 11. art. 24. dicit de hac re nihil sibi videri temerè asserendum, præsertim cum Augustinus neminè arbitretur scire vbi sit, Non tamen (inquit) æstimo quod sit in Centro Terræ: cuius dicti cum nonnullas causas reddidisset, subdit demùm. *Non autè dicitur Christus descendisse ad infimas partes Terræ, sed ad inferiores, ad cuius veritatem sufficit qualitercunque nobis inferiores videantur*. Et Art. 25. supposito quod Infernus sit in Cêtro, vel circa Cêtrũ, putat sciri posse distantia à superficie Terræ vsque ad Centrũ, non tamè vsque ad Infernum; *Quia (inquit) non credo ab homine sciri posse vbi sit Infernus*.

Ex his tamen nollem à quibusdam inferri, Infernum esse in Terra, sed ignorari vbi sit, proinde ignotum etiam esse Terræ situm, & consequenter non posse constitui in Centro Vniuersi, Alioqui retorqueretur argumentum; si enim ignotus est Terræ situs, non poterit dici esse in Orbe magno, vt circum Solem moueatur. Deinde dico, Terram de factò sciri vbi sit, idq; ostendunt tum omnes differentia loci, à Cardinibus fixis desumptæ, tum obseruationes & mensuræ Geometricæ, etsi nesciantur omnia quæ in ea continentur, & quem locum singula particularem & proprium habeant, nam si Infernus in Centro vel circa Centrum Terræ sit, etiam eius locus communis cognitus erit, sicut Terra ipsa cognita est.

Nihilominus S. August. *Lib. 2. de Gen. ad Lit. cap. 34.* Constituit Infernum sub Terris, quem locum citans ipse *Lib. 2. Retract. cap. 24. In duodecimo* (inquit) *libro, de Inferis magis mihi videor dicere debuisse, quod sub Terris sint, quam rationem reddere cur sub Terris esse credantur, siue dicantur quasi ita non sit.* S. Thom. *In 2. Sent. dist. 6. art. 3. ad 4.* cum ex Pythagoræ sententia dixisset locum Ignis esse carcerem, quem Ignem ipse in medio Vniuersi ponebat, *Hunc nos* (inquit) *dicimus esse locum Inferni.* Et *In 4. dist. 44. art. 3. ad 2. in Arg. Sed contra.* Ex illo *Isaiæ 14. Infernus subitus conturbatus est in occursum tui:* iofert, *Ergo ignis Inferni sub nobis est.* Et *dist. 48. quest. 7. art. 3. ad quest. 4. Post resurrectionem* (inquit) *quando lux Luna augmentabitur secundum rei veritatem, non erit alicubi nox super Terram, sed solum in Centro Terræ, ubi erit Infernus.* Et *dist. 50. quest. 2. art. 3. ad quest. 4. In Terræ* (inquit) *medio ubi Infernus ponitur, non potest esse nisi Ignis faculentus, & turbidus.*

Ceterum quod idem S. Thom. *Opus. 10. art. 31.* non arbitratus est ad doctrinam fidei pertinere ubi sit Infernus; intelligendus est de loco particulari præcisè; nam alioqui ad doctrinam Fidei pertinet, Christum descendisse ad Inferos, vel inferiores Terræ partes: sicut etiam ad doctrinam fidei pertinet, Terram in qua est Infernus, in infimo atq; adedò medio Vniuersi loco esse constitutam, iuxta ea quæ supra passim diximus, sed præsertim *Cap. 7. & 10.* Terram scilicet esse Centrum mundi probabilius videri esse de Fide: Neque hinc sequitur Deum, non posse creare plures mundos & plures Terras, vt putant nonnulli, quia omnia systemata deberent inclinare ad Centrum huius Vniuersi: In eo enim euentu, quodlibet Systema seorsim subsisteret iuxta omnes partes, nec vnum inclinaret ad Centrum alterius, etsi partibus eiusdem speciei constarent; tum quia non esset maior ratio vnus quam alterius, tum quia sicut Deus legem posuit aquis, ne transirent terminos suos: Et iuxta Eustath. *In Hexam. Aetheri Igneo & incenso præcepit, ne totum Terrarum Orbem consumeret;* ita, & multò magis si plures mundi essent, singulis legem poneret. S. Thom. *1. part. q. 7. art. 3. ad 3.* cum dixit, *non esse possibile aliam esse Terram quam istam;* locutus est non de potentia Logica, & secundum potentiam Dei actiuam; vt notat Caetanus, sed secundum potentiam inditam rebus creatis, iuxta præsentem ordinem; secundum quem ita ordinauerat, diuinà sapientia, vt hic mundus constaret ex tota materia, nec esset alius velut casu-existens, quemadmodum dicebat Democritus, *hunc mundum esse concursu atomorum factum, & infinitos alios.* Hanc esse sententiam S. Thomæ, liquet ex *Corpore Articuli.* Et ad 3.

vbi cum hanc assignet causam impossibilitatis, quod *hic mundus constet ex tota materia*, clarum est, eum tantummodo loqui de potentia iuxta explicationem Cactani. Et cum addit, *Quia omnis Terra ferretur naturaliter ad hoc medium ubicunque esset*, patet locutum contra sententiam Democriti, si nimirum casu, & non à sapientia ordinante constitueretur aliud Vniuersum. Neque huiusmodi opinio potest à quoquam improbari. Et alibi satis constat de mente S. Thomæ in simili, qui alias species Angelorum non negat creari posse (quicquid sit de indiuiduis) nec quamuis creaturam perfectiorem & perfectiorem in infinitum.

SEXTVM ARGVMENTVM.

IN Cælo super Firmamentum, & infra, sunt Aquæ. Genes. i. Ergo & Terræ, cum Aquæ nonnisi in Terræ soliditate contineantur, & consequenter locus Terræ naturalis, non est Centrum, poteritq; extra illud ferri motu circulari in Orbe Magno.

RESPONDEO. Negari in primis posse consequentiam. Satis enim est Firmamentum, vt in eius soliditate Aquæ contineantur, neque defluant, cum Firmamentum iccirco dictum sit, quod intransgressibilem terminum aquis ponat, atque adeò firmet; multoq; magis si ex aquæ concretæ sint; & velut in glaciem vel crystallum coactæ, vt sentiunt ij qui Cælum stellatum, Cælum glaciale sed Crystallinum, ponunt, siue ex aquis concretum, siue speciem aquæ referens, vnde & aqueum vocant. Quamquam satius sit fortasse, id Firmamento duntaxat tribuere, quod iccirco Eustathius *In Hexæm.* diuersum putat esse à primo Cælo, & *solidiore naturâ* præditum, vt immensam Aquarum vim supra & infra abundantem seiungeret: loquitur verò de diuersitate ex accidente, ne ijs quæ paulò ante affirmauit contradicere videatur. *Tenuem*, videlicet, & *non solidam, neque crassam esse naturam Cæli*, idq; his verbis Isaïæ significari, quemadmodum ipse legit. *Qui stare fecisti Cælum velut forniciem.* Vel alibi, his alijs. *Quod firmasti Cælum quasi fumum*, velut siccam quandam fluiditatem ab humida discernens.

Dixi negari posse consequentiam, quia si ibidem admittamus esse Terram, sicut non paucis admittitur Ignis & Aër, non est necesse eas omnes illi tribuere qualitates, quas habet Terra in Centro posita: Erat enim Terra quædam Cælestis, à feculentis concretionibus immunda, nec supposita generationibus rerum, & duntaxat in eum, (si

non alium) finem instituta, vt Cæli Systema perficiat: Quæ sententia locum habere potest apud negantes Cælum esse quintam essentiam, quamuis & ab ijs tolerari in parte possit, qui materiam diuersi generis Cælis attribuunt, quæ proinde non expleatur eisdem formis specie cum formis inferiorum, sed ad summum quæ genere conueniant. Sicut autem illi, qui posuerunt Firmamentum esse de natura quatuor Elementorum, non quasi ex Elementis compositum, sed quasi Elementum simplex, videntur multis non malè sensisse, ita possunt loqui de Aquis super Calos, & eodem modo de Terra super Calos aut Firmamentum existente.

Huc potest applicari doctrina S. Thomæ 1. part. quæst. 78. art. 2. *Si Firmamentum ponatur esse de natura quatuor Elementorū, etiam aqua poterunt credi eiusdem naturæ cum aquis Elementaribus; si autem non ponantur de natura quatuor Elementorum, neque aqua erunt de naturæ elementarium aquarum, sed dicentur aqua solum propter diaphaneitatem.* Quæ similiter de Terra ibidem existente dici possunt, vt vel eiusdem sit naturæ cum elementari & nostrate; vel diuersa, & tantum dicatur Terra, propter densitatem & soliditatem, quatenus sustinet aquas. Nec obstat grauitas quo minus ibi sistat, sed descendat, tum quia Firmamentum est intransgressibilis terminus, tum quia sicut Aqua, etsi naturaliter sint graues, virtute tamen diuina super Calos continentur, vt dicit S. Thom. loco cit. ad 2. ita de Terra dici potest; Vel, ne quæramus, quid Deus miraculosè potius faciat, quàm quid naturæ rerum secundum institutionem suam postulent, quod monent S. August. 2. de Gen. ad Lit. Cap. 1. Et S. Thom. Opus. 11. art. 24. quemadmodum iuxta S. Thomam dicendum est Aquas circa Cælum esse tenues, & non spissas sicut circa Terram; ita simile quid ponendum est de Terra; quomodo iuxta eorum Patrum sententiam quos supra Cap. 9 adduximus, probabilius sit nullam ibi esse Terram, cum nullus eius finis in particulari assignari queat, cui Firmamentum ipsum non sufficienter respondeat, nec sunt multiplicanda Systemata, quæ plures Terras exigant, quando certum est præsentis Vniuersi ordinem ita esse institutum, vt vnum sit ex multis partibus consistens, cuius infimum locum Terra velut Centrum in medio positum occupet.

Ijs porro quæ ex S. Thoma hic attulimus, consona sunt illa, quæ tradit à Deo dicta & illuminata Virgo & Hildegardis; neque enim verëbor pro authoris laudare eam, si moniam, cuius scripserat Eugenius III. S. Bernardo alijsq; comensantibus laudauit: ab approbavit, sed etiam ceteri Summi Pontifices Anastasius IV. Hadrianus IV. Alexander III.

ut patet ex eorum literis ad eam datis, ob sanctitatem & diuinorum secretorum cognitionem, in magna exultatione habuerunt: præterea Imperatores Conradus, & Fridericus, necnon innumeri alij, præsertim Ecclesiastici Principes, denique totus Orbis Christianus ea de causa suspexit, sed sua Germania præcipuè venerata est. Ea verò *In Lib. 38. Questionum*, quas VVibertus Monachus Gemblacensis scripto proposuerat, sic respondet ad *Quest. 2.* qua quærebatur. *Quid esset quod scriptum est: Diuisit Deus aquas quæ erant sub Firmamento, ab his quæ erant super Firmamentum: nunquid credendum est materiales aquas super Firmamentum esse?* Sic inquam respondet. *Deus aquas quæ super Firmamentum erant, diuisit, ut sicut inferiores aquæ terrenis constitutionibus adsunt, ita etiam & superiores aquæ superioribus constitutionibus adsint.* In aquis enim superioribus nihil est, quod crescat aut deficiat, sicut in inferioribus aquis, in quibus quicquid uiuit, hoc, quemadmodum homo crescit & deficit. Sed illæ superiores aquæ, in primo statu suo, sicut Deus eas constituit persistunt, & in Circulo suo fluunt, & materiales sunt; non tamen ut aquæ inferiores, quoniam multò subtiliores, & nostris visibus omnino inuisibiles existunt, quarum humiditate & ignis ibi extantis calore, desuper Firmamentum solidatur, velut corpus per animam subsistit ne dissoluatur. Aqua verò inferiores ista de sub Firmamento, grossiores, speculum sunt Cælestium Luminarium, Solis scilicet, Lunæ, & Stellarum, quia inferiora diuersarum specierum animalia continent, quæ in eis nascuntur, & subsistunt, idèq; officia superiorum, & inferiorum aquarum in cunctis dissimilia sunt.

Hæc Hildegardis: in quibus & Circularem motum Cæli, cum Aquis super Firmamentum existentibus, abque defluxu in inferiora, & tenuitatem illarum insinuat, ut hæc inter alias qualitate differant ab Aquis circa Terram manentibus. In eo verò quòd humiditate aquarum illarum, & Ignis ibi extantis calore superum Firmamentum solidari ait, & liquidum esse Cælum iuxta veterum, & recentiorum hodie communem opinionem ostendit, & præterea sensum eius lætionis, quam ex Eustathio paulò supra attulimus. *Qui firmasti Cælum velut fumum*, clariùs explicat, eius scilicet firmitatis fumo comparatæ, ex humiditate & calore ignis, causam reddens. Atque hos autores, nempe Eustathium Antiochenum, Isaac Syrum, Alexandrum Lycopolitam, Hildegardem, pro hac sententia eo libentiùs afferimus, quòd Christophoro Scheinero in sua Rosa Vrsina, partim non occurrerunt, partim non sunt visi, ex quo nihilominus plurimà, quæ hic desiderantur abundè peti possunt.

CETERVM, simile quoddam adduxit argumentum Auerroes contra Eccentricos & Epicyclos, *Si dentur Eccentrici, omnes mouebuntur circa proprium Centrum, sed in omni Centro circa quod fit motus Cæli, est Terra quiescens, cum omne id quod mouetur indigeat quiescente; quare quot erunt Eccentrici & Epicycli, tot erunt Terra quiescentes.* Sed parum Philosophicè; Vt enim mittam Eccentricos ratione totius Orbis habere idem Centrum, & Epicyclis seorsim sumptis sufficere punctum medium, sicut etiam Soli, & fortasse etiam alijs Planetis, si in seipsas conuertantur, quæ tamen omnia ratione totius mouentur circa Terram; Vt inquam hæc mittam, falsum est necessariam esse Terram quiescentem in quolibet Centro, vt circa eam Cælestes Orbes moueantur; licet enim Terra de medio tolleretur, adhuc Cæli mouerentur circa medium Mundi, sicut & Eccentrici, & Epicycli motu suo peculiari, circa medium sibi correspondens, quod curque tandem illud esset futurum, siue corpus aliud, aqua nimirum vel aër, rarefacta, siue punctum in vacuo imaginarium.

Quod itaque dicitur, *Omne quod mouetur indiget suo quiescente,* præcipuè intelligitur in corporibus, quoties aliquid aut actu mouet efficienter, aut ita requiritur ad motum, vt sine illo fieri nequeat. In hoc sensu dixit Claudius Mamert. *Lib. 1. de Statu Anima, Cap. 18.* nihil moueri posse nisi ab immoto, nec enim digitus mouetur nisi stante manu, nec brachium nisi immoto humero, nec denique gradiendo, pes alter nisi altero fixo promoueri potest. In motu autem circulari non est necesse, vt id quod quiescit, concurrat efficienter, sed duntaxat vt circa illud fiat motus velut innixu quodam, ideòque in medio sistat & non extra illud. Quod medium comparatur quodammodo pedi fixo, & tanquam parti infimæ Vniuersi, cui ceterarum partium motus innitur. Quare si ullus alius motus Circularis requirit medium quiescens, maximè reuolutio Cæli circa Terram.

Simile quoque ferè est Argumentum Copernici *Lib. 1. Reuol. Cap. 10.* Terra non potest esse Centrum, vel in Centro, loquendo respectu Vniuersi; Vniuersum enim si sit infinitum, nullum habebit punctum medium, a quo ad peripheriam lineæ ducantur æquales; si finitum, medium erit punctum indiuisibile & imaginarium, quale non est Terra, utpote corpus ingens & vastum. Si sermo sit habita ratione partium Vniuersi, Planetæ in primis sunt Eccentrici, proinde non habent Terram pro Centro, sed singuli habent proprium Centrum, sicut & ceteræ partes Vniuersi, ad quod solum inclinant, & non ad Centrum Vniuersi.

Sed enim est debile Argumentum, & quatenus arguit ex passionibus

bus Finiti ad Infinitum, est etiam Sophisticum (vt alibi ostendimus) velut si quis ex humano corpore argumentetur ad Anglicam substantiam, aut ex figura sphaerica & circulari concludat Mundum esse infinitum, non habens principium & finem. Quam philosophiam ex paralogismis Geometricis, præclare irridet Zacharias Mithylenen. *In Lib. de Mundi Creat. contra Philosophos.* At concessa veritate, Vniuersum videlicet esse finitum & sphaericum, non necessario sequitur Medium esse imaginarium & indiuisibile, reque enim hic fermo est de medio Mathematico, & corporis abstrahentis à motu & loco, sed de medio reali, physico & locabili, quod in constitutione Vniuersi corporei, est corpus Physicum ac trinè dimensum, etsi respectu Cælestium Orbium sit minimum, eiusmodi tamen, cui motus Vniuersi quodammodò innitatur. Quamquam si vel Mathematicè concipiatur instar puncti, illicò secum trahit immobilitatem, non modò quia Mathesis abstrahit à motu, sed quia indiuisibile moueri nisi per accidens non potest. Et vt semel dicam, ex Mathematicis ducta argumèta ad physicas considerationes, sæpè incautos paralogizare cogunt; & alioqui eodem medio quo Theodossius *Lib. 1. Sphaeric. Propos. 3.* & alij ex ipso, ostendunt à Sphæra quiescente non tangi planum nisi in puncto, demonstrari potest idem etiam euenire in motu, & consequenter indiuisibilia componere quantitatem. Mirum de cetero est Copernicanos non animaduertere, idem ferè Argumentum per omnia fieri posse, si Solem statuamus Centrum Vniuersi.

Quod attinet ad partes Vniuersi, Etsi vnumquodque corpus singulatim consideratum habeat suum Centrum, ad quod reliquæ partes inclinant, velut cùm aquæ guttæ conglobantur, & quodlibet Elementum ad suum locum natura fertur; quatenus tamen est pars Vniuersi, Centrum habet commune cum Vniuerso, quod est Terra, & à suis partibus ea ratione, vt sic dicam integratur, vt ipsum ad integrandum Vniuersum, harmonicè secundum situm & ordinem aliaq; id genus, concurrat. Quare Planetarum motus in Eccentrico aut Epicyclo non facit, quin vt diximus supra *Cap. 10.* ratione totius Orbis, habeat idem commune Centrum, id est Terram. Ad Elementa verò ita se habet Terra, vt cùm omnibus grauitate præponderet, omnibus etiam per se loquendo subsideat, nec id quispiam facile negarit, quando manifestum est, in corporibus sphaericè dispositis, & alterno ambitu se complectentibus, quod grauissimum est, necessario etiam esse Medium ceterorum, ex ea dispositione Vniuersum constituentium. Vt mittam vel ex sententia Pythagoræ eorum recentium, omnium Elementorum aptissimā esse Terram ad quiescendum in medio, tanquam

omni calore, qui causa est motus, carentem, atque adeo Elementum summè frigidum. Nec satis est dicere eam extra suum locum moueri quidem motu recto deorsum, in proprio tamen loco moueri circulariter, & circa suum Centrum, idq; motu naturali, etsi alioqui quiescat quiete opposita motui recto deorsum. Terra enim cum sit Corpus simplex, vnâ exerceat operationem & motum simplicissimum, non plures; neque enim hos motus habet à generante, quia tota non generatur; neque à remouente prohibens; quia id euenit in idetentis extra proprium locum; habebit igitur à seipsa, & ideo distinguenda erunt pars mouens & pars mota; & quidem pars mouens, à qua Terra in hanc potius quam in alteram, immò in plures partes inuicem oppositas moueatur, quemadmodum volunt Copernicani ratione motus diurni & annui; quod quo pacto fieri possit, vel si Tetræ anima rationali prædita esse impie dicatur, intelligi nequaquam potest.

Quòd verò non nemo se tueratur illo dicto *Sapient. Cap. 19 In se Elementa dum conuertuntur, sicut in Organo qualitatis sonus immutatur*: perperam facit; neque enim eo loco sermo est de circumsolutione, sed quemadmodum ex Græco textu liquet, de apta Elementorum inter seipsa, & velut harmonica transpositione, quatenus ita sunt conglutinata inuicem ac disposita, vt nihilominus transmutatione & conuersione, sicut in Organo siue Psalterio, soni, concentus & modulationis nomen permutant, semper tamen harmoniam aliquam obtinere; ita Elementa situm & ordinem seruant; & nihilominus aliqua ratione inter seipsa transmutantur: Vel si de vero sono accipiendum est, quod nonnulli videntur colligere ex textu Græco variè lecto, non iam id intelligendum est de Terra tanquam mota, sed de superiore Æthere, vt præclare dicit illuminata Virgo S. Hildegardis *In Lib. 38. Questionum, Quest. 27.* quanquam eius dicta iuxta ea, quæ supra *Cap. 4.* attulimus etiam de sono metaphorico intelligi queant, hoc est, de concordia Elementorum velut harmonica, ratione ordinis, situs & aliorum, quæ in sua Constitutione acceperunt.

SEPTIMUM ARGUMENTUM.

HÆC opinio de Terra motu, & quiete Solis in Centro est antiquissima, nec à Pythagora primum, sed à Moyse tradita à quo Pythagoras genere Iudæus accepit. Eandem secuti sunt doctissimi non Gentiles solum, sed Christiani, & inter alios Cardinalis Cusanus, alijq; ante Copernicum, post quos Copernicus ipse, eandem

ita restaurauit, ut penè auctor haberi possit. Huius libri à Paulo III. cui dicaratur, approbati, iussi etiam sunt imprimi magno Catholice rei bono, quòd ex calculo Copernicano, qui Systemate Pythagorico nititur, tanquam maximè certo, & Calendarium Gregorianum sit concinnatum, & Ephemerides bodièq; omnium exactissimæ contrahantur; ut non possint non esse veræ suppositiones de Terræ motu & quiete Solis, ex quibus tam euidentibus veritates deducuntur, Verum enim non sequitur nisi ex Verò; ut non immeritò post Copernicum tot Viri præstantissimi in dies abeant, quos omnes aut erroris aut temeritatis arguere difficile est. Ergò, &c.

RESPONDEO. Nec propter antiquitatem probari opiniones, sed propter Veritatem; nec enim uti propter nouitatem, sed propter falsitatem. Antiqua est lapidea Paganis, Angelos esse corporales; Anaxagoras Solem esse lapidem ardentissimū; Horum, qui Solem satcerem esse dicunt cuiusdam animæ peccantis; & inclusa corpori Solis; denique ne in infinitum abeamus, Manichæorum, qui Solem & Lunam naues esse dixerunt, purgandis mundi inquinamentis destinatas; de quibus vide S. August. Epist. 119. ad Ianuar. Et Lib. de Hæresib. ad Quod vult. Deum Lib. 21. de Ciuit. cap. 24. Et Lib. 20. cap. 16. Et tamen hæ omnes opiniones, aliæq; id genus innumeræ, falsæ sunt, & reprobæ.

Quòd hæc opinio primùm tradita sit à Moyse, est ex illo genere, impostura, quo non passi vanas & nugaces adinventiones suas Salomoni quoque ascribunt; & S. Scripturæ verbis, & sententijs persæpè ad nefaria quæque abutuntur. Quamquam alioqui nulla hæresis sit, quæ se non tueatur. S. Scriptura perperam intellecta & deprauata. Interim, tam est certum, Moysen huius doctrinæ esse auctorem, quàm quod falsissimum & contra Scripturam, etiam in ijs, quæ Moyses scripsit in Capite primo Genesis, ut supra passim ostendimus. Pythagoras porro Iudeus genere fuerit an Gentilis, parum refert, num, iccirco illi cum Carpocratis Marcellina thus adolendum? Et notum est, non paucos Philosophos antiquos, Moysen delectasse, nec intellexisse, pleraq; corruptisse; in suas fabulas transulisse.

Fateor verò non paucos esse huius opinionis sequaces, præsertim à Copernico; plures tamen esse conitat, exceptione maiores, qui commune Systema amplectuntur, Copernicanum insuper habent, cum quibus ceteros nec genere nec numero comparaueris. Et hi quidem Astronomiæ perficiendæ causa prudenter & sobriè laborant, quos

etiam illi sanctè imitentur, si Systema suum non astruant tanquam natura certam, sed cum norint non esse S. Scripturæ, & Sanctis Patribus consentaneum, hypotheticè tantum id assumant, & in calculis progrediantur, & hoc solum sibi licere cogitent; quamquam longè melius facturos arbitramur, si retenta veritate, alia via & ratione inita, & suo labori, & Matheseos perfectioni, & Christianæ Reipublice utilitati consulere studeant, quò in sacras literas non offendant. *Tantum* (inquit Author Frisicarum tabularum, pag. 318.) *apud nos esse testamur auctoritatem S. Scripturæ, tantumq; eius reuerentia moueri animum nostrum, ut contra apertam sententiam illius, in sententiam Pythagoræorum descendere non audeamus.*

Fuisse approbatam à Paulo III. Copernici opinionem, temerè dicitur; probatum Viri ingenium à plerisq; & laudatum in putationibus laborem non disiteor, quo ad ea, quibus Mathesi, & Temporum directioni laud parum profuit; magis laudandum, si absque absoluta sui Systematis atque thesismi assertionem, quemadmodum potuit, præstitisset. Et quamuis ob dictam causam accepta Pontifici eisdem opera, imprimi primùm, deinde ab alijs iterum iterumq; recudi iubentur an permitterentur, nunquam tamen creditum affirmatumue, nihil in eis contra Catholicam sententiam contineri. Quin verò ne inde alij in errores mitterentur, animaduersione S. Congregationis Indicis cautum non nuper est. Ea est huiusmodi. *Quamquam Scripta Nicolai Copernici nobilis Astrologi, de Mundi reuolutionibus, prorsus prohibenda esse PP. S. Congregationis Indicis censuerunt, ea ratione, quia principia de situ & motu terrestris globi, S. Scriptura, eiusq; vera & Catholica interpretationi repugnantia (quod in homine Christiano minimè tolerandum est) non per hypothesein tractare, sed ut verissima adstruere non dubitat. Nihilominus quia in ijs multa sunt Reipub. utilissima, unanimi consensu in eam iuerunt sententiam, ut Copernici opera, ad hanc usque diem impressa, permittenda essent, prout permiserunt, ijs tamen correctis iuxta subiectam emendationem locis, in quibus non ex hypothesi, sed asserendo de motu & situ Terræ, disputat. Qui verò deinceps imprimendi erunt, non nisi prædictis locis ut sequitur emendatis, & huiusmodi correctione præfixa Copernici præfationi permittantur. Hæc S. Congregatio.*

In Calendario Gregoriano calculus Copernici non eatenus fuit adhibitum, ut negligerentur putationes antiquiores. Aloysius Lilius primus optimam Calendarij emendandi formam proposuit, sed ex Alphonsi ratione, quantitatem anni definiens, quòd hæc media esset, ideòq; certior, aut minus erroribus exposita; iuxta hanc, ita cogitauit

tauit intercalationes dispensare, vt æquinoctia perpetuò fixas & certas haberent sedes. Quod si eo in humanis desiderato, alij fuerunt Copernici calculos etiam adhibentes, id videntur præstitisse, quod hodie Ephemeridum conditores, qui omnium calculis examinatis, eam rationem vsui suo accomodant, quæ proximè ad rem videtur proficere. Ex his porro non magis licet inferre, Copernici positiones de motu Terræ esse veras, quàm aliorum id negantium hypothesés, ex quibus eadem sequitur ratio, etsi diuersis putata vijs, quemadmodum interdum vna conclusio pluribus Syllogismis deducitur. Certè Clavius, qui ceteris vira functis; postremus Calendarium Gregorianum perfecit & edidit, Systemati Copernicano tantum tribuit, vt id non semel S. Scripturæ aduersari fateretur, interdum verò diuersam illam Terræ conuersionem, qualem authores sui fingunt, à se non percipi liberè professus sit.

Quod spectat ad Ephemerides; placere harum fabris Copernici calculationes, quatenus is, aliorum visis erroribus suas Tabulas correctiores dedit, neque tamen absolutas. Itaque nec ipsæ sufficiunt ad integras Ephemerides condendas, & deficient in multis, quæ postmodum recentiores, sed in primis Tycho Brahe, emendari conati sunt. Immo non contenti calculo, nedum Systemate Copernici, & vltro persistentes in fundamentis Ptolemæi, Terra immota, aut Systema versum correxerunt, aut calculum, proutque putandi modum, cum nouis Theorijs inueniunt. Certè hypothesés Lunæ Tychonianæ, etsi partim è Ptolemæo; partim è Copernico sint depromptæ, nouis tamen accessionibus ita sunt auctæ, vt inuentione sua sint planè insignes, & certiores, futuræ quoque faciliores, si vita hominis longior indulisset. Sed neque Mathematici recentiores, ita vtuntur calculis Copernicanis, vt eis Tychonianas postponant; sanè ex huius Tabulis hoc seculo omnium exactissimè supputantur, Solis & Lunæ motus, rum Syzygiarum & Eclipsium momenta quæque, vt non pauci ex eiusdè fundamentis, Tabulas Lunæ Solares condant faciles, & simplici methodo, Ptolemaicæ persimiles, vnica anomalia contentas, etsi differentia intercedat in tempore prosthapharetico, ad momenta horarum rigidè examinato. Operosiores sunt Tabulæ Copernici ob duplicem anomaliam, apogæi nimirum, seu eccentricatis, & medijs motus, vt nil dicam de multiplicibus Solis prosthapharesibus.

Iam si cætera spectentur, non ita præferendæ videbuntur rationes Copernici, quin aliorum putationes æquè valeant. In subigenda, siquidem vera Syzygia, Ptolemæus, Alphonsus, Copernicus, ferè sunt pares, Tycho superior. Sic in motu Solis, Alphonsus, Copernicus,

& Tycho, non multum differunt, iidem tamen in constituenda Solaris anni quantitate euariant; non secus in Aequinoctiorum interuallo, in eorundem prosthaphæresibus, denique in Medio interdum motu; eluctantur tamen suis rationibus eatenus, ut illi quidem propius ad Cælum quàm Ptolemæus accedant, sed Tychonis labor cum Cælo prorsus congruere existimetur. Quare non rectè quidam opinantur, Mathematicos recentiores, non alijs certioribus uti, quàm Copernici calculis & argumentis. Mitto Maginum, Mitto Keplerum, quorum subductiones, aliquid etiam certius tentasse existimantur.

Quod postremò dicebatur, *Verum, non sequi nisi ex Vero*; si id intelligatur respectu hypotheseum Copernici duntaxat, paralogismus est. Neque enim minus ratæ sunt causæ Phænomenum ex positione Eccentricorum & Epicyclorum, quàm si fingatur Terra moueri, Sol in Centro fixus esse, idq; iam à multis seculis est exploratum; ut hodie non certius venemur Eclipses, & alias phases & apparitiones, quàm olim venabatur Alphonsus, Ptolemæus, & alij superiores; ex quorum positionibus ducti numeri nonnulli, si hoc seculo non ad agnam respondent, non ipsis positionibus, sed nunquam satis cognito cælestium corporum motui, est adscribendum; Quis enim rectè vnquam deduxit præcessionē Aequinoctiorū? quis mortaliū vel vnus Planetæ periodum sine errore determinauit, ut iccirco singulis seculis plures sint eudendæ Tabulæ, quæ Ciuilem duntaxat, sed inter Mathematicos habeant certitudinem, & verum sit illud Eccl. 3. *Et mundum tradidit disputationi eorum*. Nam si Copernici positiones aptari possunt futuris temporibus, multò certius & Ptolemæi, & Alphonsi, & aliorum, qui ex assertis Eccentricis & Epicyclis, per multa secula ita omnia phænomena saluarunt, saluabuntq; in posterum, ut hanc ob causam, alia argumenta non sint excogitari necessaria, quibus Systema Vniuersi perturbetur, quæ præsertim nec Philosophiæ veræ, nec S. Scripturæ sunt conformia.

Si porrò eadem propositio, *Veram non sequitur nisi ex Vero*, ita attribuitur positioni Copernici, tanquam vnica sit causa veræ demonstrationis, similis est paralogismus; Nam & ex ceteris eadem sequitur conclusio vera, facilisq; ductu, nullis ut incommodis laboret, quæ expediri nequeant; cum interea Copernici hypotheses, pluribus & maximis implicentur difficultatibus, quamquam ad Sacram Scripturam à qua deficient, non expendantur: quod ostendere alterius erit loci. Hic interim aduerto, causas phænomenorum physicas, non esse has vel illas positiones, sed hos vel illos motus syderum, & periodos, quæ multis experientijs obseruatæ, eiusmodi positionibus sūt

sub-

subiectæ, vt ex illis ratio motuum constaret . Ita planè, quòd hæc vel illa passio in sit rei subiectæ, non est causa hic vel ille Syllogismus, cum hac vel illa terminorum, & præmissarum dispositione; sed natura huius & illius rei, cui, vt conuenire talis affectio cognoscatur, inseruit eiusmodi dispositio, ex qua conclusio efficiatur, prædicatum subiecto conuenire manifestans. Ex quo fit, vt idem, diuersis Syllogismis concludatur, si tanquam certæ apprehendantur, etsi reipsa falsæ sint suppositiones terminorum; velut si quis certò putet, Omnem lapidem sentire, & omnem hominem lapidem esse: Item omnem plantam sentire, & omnem hominem esse plantam; ex vtraque dispositione, perindè & per æquè veram inferet conclusionem, omnem videlicet hominem sentire; & tamen principia ex quibus eam deducit falsæ sunt. Haud secus in re nostra, æquè ex Systematibus Ptolemæi & Copernici concludas, phænomenum euentus hoc vel illo modo & momento præstandos, & tamen vtrunque Systema est falsum & imaginarium, vt iccirco plures in dies positiones inueniri queant. Nam & Ptolemæus eodem modo reddit causam Phænomenum in Sole per Epicyclum; atque sine Epicyclo; & plures alij quasdam syderum affectiones apparentes, per motum trepidationis, alij alias per retardationem, &c. Sic longitudes & latitudes, si ab alijs terminis sumantur, alizq; positiones à Cosmographis statuuntur, æquè certæ eliciantur conclusiones, atque iuxta ordinem vulgò vñtatum: quod ipsum dico si quis Centrum in polis imaginetur, & circulos maiores alio ordine disponat; si denique punctorum fixorum & Cardinum locumq; differentias, alia atque alia imaginatione dispenset, quæ tamen omnia reipsa falsæ erunt, ac duntaxat ratione supputationis ad huiusmodi positiones accommodatæ verificabuntur. Quemadmodum enim certum est apud Dialecticos, ex Vero ceteris paribus nunquam sequi falsum, sed sèper Verum, intuitu materiæ & consequentis; ita constat, ex Falso, & Falsum & Verum sequi ratione consequentiæ, & dispositionis, vt patet in prædictis Argumentis.

Atque hæc de Argumentis quæ ferè in loco versari solent. Quibus profigatis, eò demum lubricè confugiunt haud pauci aduersæ opinionis Patroni, vt Terram moueri, & Solem stare verum esse affirmant, secundum Philosophiam (vt ipsi aiunt) quicquid sit secundum Theologiam; quam verò Philosophiam Deus bonæ? Scilicet hac ingeniosa distinctione, se rem totam confecisse arbitrantur, non intelligentes nihil esse Verum secundum Philosophiam, nisi etiam sit verum secundum Theologiam, Verum enim non contradicit Vero, quemadmodum dicitur, In Decr. Concil. Lateran. Sess. 8. quando omnis creatura

Veritas est participatio quædam æternæ Veritatis, in qua non est confusio, neque falsitas, *Tenebra non sunt ulla*. Et rectè ibidem dicitur; huiusmodi distinctio esse *temerè philosophantium*; & vno verbo, *peffis*, appellatur, quam ex inscitia natam, meritò quis affirmarit. Vt proinde sicut in eodem Decreto rectè præcipitur ijs, qui in Sacris sunt constituti, aut à Iure ad ea arctantur, ne *Philosophia aut Poësis studijs, sine aliquo studio Theologia aut Iuris Canonici* dent operam, unde *infestæ Philosophia, & Poësis radices purgare, ac sanare valeant*; ita vniuersim omnibus præcipi iure queat, huiuscemodi Mathematicæ aut non esse tractandam, aut non nisi ab ijs, qui veræ Philosophiæ, aut Theologiæ sunt periti, ne ex earum ignorantia paralogizare contingat, & in plurimos errores incidere. Et alioquî tutius est abstinere, quàm falli, aut fallere.

Sed postremò aduertendum est, falsò quosdam conqueri, nisi liceat insistere Systemati Copernicano, præcludi omnem viam speculationis ad Mathematicam perficiendam. Antequam enim Copernicus illuxisset, Pythagoræorum Philosophia pluribus erat perspecta, neque tamen in Scholas inducta, siue quòd naturæ esset aduersa, siue Fidei diuinæ; nec tamen defuerunt omni seculo, qui gloriosis laboribus suis, ipsis syderibus lucem afferent, etsi non in omnes difficultates radiantem: quibus tamen neque Copernicus ita consuluit, vt non interdum in noctem præcipitarit. Licebit proinde nouis Theorijs ingenia exerceri, vt quàm proximè absint à veritate, si pertingere nequeunt ad exactam scientiæ integritatem, neque tamen, transfiliendi termini, vnde ad absurda & pietati Christianæ minimè cõformia præcepta deeretur. Alioqui nunquam magis docta fuerit Philosophia, quàm cum apparatus rationibus errores tueri gloriosè censebitur; vt iam tres in vnoquoque homine animas substantialiter distinctas; vquam in omnibus esse animam rationalem informantem, eandemque in singulis mortalem; Angelos item esse corporeos; alios in Sole & Luna existere Mundos, aliasque creaturas ratione & humanitate præditas, & sexcenta alia monstra iterum excitata, in Scholas inducamus, & obfirmaris, speculationibus defendamus; quãdo multa huiuscemodi, seclusa Fide, philosophicè disputari, & quadam similitudine veri, non vno discursu probati possunt. Ceterùm non desunt insignes in omni disciplinaarum genere difficultates, quæ præclara quævis ingenia publico bono & ad Creatoris gloriam, in certamen vocent, nec erit necessarium, dum à S. Scripturâ, genuinaque eius, & Catholica interpretatione minimè dispedas; in huius aut illius Magistri verba iugare: ne quispiam sit fortasse meticulosus, qui se flagris in sententiam Aristotelis,

& D. Thomæ cogi conqueratur; ipse interim, vt cum Tatiano (*Orat. contr. Gen.*) loquar, aniles Phærecidis fabulas, & Pythagoræorum dogmatum hereditariam successionem, & Platonice illius imitationem secutus, & cum nulli velit esse addictus, ab Aristotele verò etiam longè positus, Pyrrhonius, vagus, & nullus sit Philosophus.

HÆC modò pro instituto Theologico, & breuitate Traſtationis, satis esse remur, dum alij pro systemate vſitato Mathematicè velintur, relicturi nihilominus & nobis Prouinciæ partem, post implendam. In his porrò ob oculos versabatur illud S. Thomæ, *Opusc. 10. in principio*. Tutius videri quæ Philosophi communes senserunt, & nostræ fidei non repugnant, neque sic esse asserenda, vt dogmata fidei, neque sic neganda tanquam contraria, ne sapientibus huius mundi, contemnendi doctrinæ fidei occasio præbeat. In quorum altero sapientum præiudiciũ omnia concedimus, in altero religioni deferendum censuimus; vt quam de Terræ motu & Solis in Centro Statione sententiam, Philosophi quidam communes an Pythagoræi, sed Christiani sunt amplexi, Fidei Scripturarum esse contrariam ostenderemus: cum præsertim non decissent inter istos, quibus ex parte opposui posset grauis illa S. Augustini *Lib. 5. Confess. cap. 50* de Fausto Manichæo censura. Cum de Cælo ac Stellis, & de Solis & Lune motibus, falsa dixisse deprehenderetur, quamuis ad doctrinam religionis ista non pertineant, tamen ausus eius sacrilegos fuisse, satis emineret, cum ea non solum ignorata, sed etiam falsa, vel falsata tam vesana/superbia vanitate diceret, vt ea tanquam diuinæ persone tribuere sibi niteretur: Sic enim verò non nemo ex illis, cum in tuendo Systemate Copernicano, nec paucis, nec vulgi erroribus hallucinatur, ita nihilominus seipsum effert, nihil vt humani sapiens, diuinitus sibi pleraq; reuelata gloriatur.

Quare & nostrarum partium fuit, cum hanc de Terræ Statione & Solis motu traſtationem, hoc tempore ad pietatis & fidei doctrinam pertinere arbitraremur, vt quæ piè & Catholicè sentiremus, apertè affirmare, & scripto tradere auderemus; alioqui religioni obnoxii, si calamo fauissimus. In quibus tamen ita sententiam nostram iudicio Sapientum attemperamus, ac in primis S. Matris Ecclesiæ Romanæ censuræ submittimus, vt nihil dictum assertumue, quod eidem dicendum asserendumue non videatur, velimus, memores consilij S. Augustini *Lib. 2. de Gen. ad Lit. cap. 18*. Ne non tam pro sententia diuinarum Scripturarum, quam pro nostra dimicantes, eam velimus Scripturarum esse quæ nostra est, cum potius eam quæ Scripturarum est, nostram esse velle debeamus.

INDEX RERVM

Iuxta Paginas.

A

Aer in Calo *qualis* pag. 81. 82.
Aenea Musca ludus. 66.
Aequiuocatio sensus Literalis. 24.
Aeternum quomodo accipiat in Scriptura. 1. 27. 28.
Aether cur dicitur Sydere a plaga pag. 77.
Aetheri igneo terminus positus. pag. 80.
Annis 36000. redire eosdem effectus, error. 37.
Aqua cur tributa figura Icosaedron. 10.
Aqua superiores in Circulo fluunt. 83.
Continetur à Firmamento. Ibid.
Inferiores Solis, & Luna speculum. Ibid.
Archimedes Mundum pede moturus. 77.
Argumenta à Mathematicis ad Physica, sapè paralogistica. 85.
Argumentum ex finito ad infinitum, Sophisticum. Ibid.
Auerrois Argumentum contra Eccentricos & Epicyclos. 85.

C

Calendarij emendandi ratione, quis primus proposuit. 88. 89.

Qui postremus perfecit. Ibid.
Cali altitudo non potest inuestigari. 17.
Cali firmitas non opponitur motui. 74.
Calum liquidum. 64. 74. 81.
Quomodo dicatur solidum, & quasi are fufum. 74.
Firmatum sicut fumus. 81.
Calum Empyreum immobile. pag. 16. 43. 64.
Calum qui putarunt non esse Sphericum. 45. 41.
Esse Sphericum olim non fuit demonstratum. 6.
Sphericum esse probabilius est esse de Fide. 41. 42.
Calum an totū moueatur. 42. 64.
Affirmatiua videtur, esse de Fide. 44.
Mouetur Circulariter. 33.
Cum eo moueri etiam Sydera est secundum Scripturam. 74.
Calo immoto Syderibus motis saluantur Phenomena. 43.
Calum esse & non moueri quomodo contradicant. 75.
Calum ex qua materia putarunt quidam constare. 74.
Centrum stabilitatis significat. 9.
An Circulo antiquius. 43.
Centrum Vniuersi datur præter cetera corporū particulari. 85.

Non

INDEX.

Non necessarium est indiuisibile. Ibid.
Harmonicè integrat Vniuersum. Ibid.
Etiam Mathematicè consideratum est immobile. Ibid.
Copernicana putationes quomodo in Scholis tradenda. Ibid. 58.
Cur à multis addibita. Ibid. 89.
Non magis vera, quàm ex aliorum Hypothesibus ducta. Ibid.
Cum alijs comparata quales. pag. 89. 90.
Copernici Argumentum probans Terram non esse Centrum quale. Ibid. 84. 85.
Eius sententia non fuit approbata à Paulo III. Ibid. 88.
Semper fuit habita contraria Scriptura. Ibid.
S. Congregationis Indicis de eadem censura, & quomodo eiusdem libri cautè sint permisi. Ibid.
Corporū Sphæricorū granissimū est medium ceterorum. Ibid. 85.
Corpora longè disita etiam mōta stare videntur. Ibid. 60. 67.

D*eus creando Mundum, prius fecit culmen postea fundamentum.* Ibid. 17. 18.

Disputare contra Terra Stationē an liceat & quomodo. Ibid. 48. 50.
Doctrina de mōtu Terra & Statione Solis implicite prohibita à Leone X. Ibid. 57.

Disputare contra Terra Stationē

cur periculosius, quàm contra quadam alia etiam de Fide certa. Ibid. 50.

E

E*lementa quomodo immutantur sicut in Organo qualitatis sonus.* Ibid. 86.
Esdræ tertius, & quartus liber, cuius auctoritatis. Ibid. 40.
Ezechiam motus Terra laterè non potuisset. Ibid. 77.

F

F*alsum, & Verum quomodo sequatur ex falso.* Ibid. 91.
Fausli Manichæi Matheſim ignorantis præsumptio. Ibid. 92. 93.
Firmamentum cur sic dictum. Ibid. 81.
Non infert Cali Stationem. Ibid. 84.
Est diuersum à primo Calo. Ibid. 81.
Quomodo igni & aqua solidatur. Ibid. 83.
Quomodo aliqui putarunt esse compositum ex Elementis. Ibid. 82.
Firmamentum stare cum Stellis, est cōtra Scripturam. Ibid. 73. 74. 75.

Firmitatis Cali & Terra non eadem ratio. Ibid. 60. 74.
Firmitas Cali non opponitur motui. Ibid.

H*armonia Mundi.* Ibid. 15.

Arguit rationem Centri, & Stationem Terra. Ibid. 15. 16.

S. Hildegardis à Deo docta & illuminata laudes. Ibid. 82. 83.

Ignis

INDEX:

L

- L**ignis in Celo qualis. 81.82.
 Ignis locus, Pythagora est Carcer
 in medio Vniuersi. 80.
 Ignis inferorum an violēter con-
 tineatur in Centro Terræ. 79.
 Infernus ubi. An in Centro
 Terræ. 79.80.
 Iosue pugnante Sol ubi stetit. 72.

L

- L**iteralis sensus eiusdem dicti
 multiplex. 22.23.28.
 Literalis sensus qualis. 23.
 Semper est determinatus. 24.
 Non est accipiendus Logice,
 aut Dialectice. 70.
 Quando dicitur impleri. 24.
 Luminaria cur videntur ferri
 velociter. 67.
 Quomodo moueri deprehēdun-
 tur. Ibid.
 Motu peragunt officium suū.
 Luna quomodo dicitur Luminare
 Magnum. 71.

M

- M**aris aenei diameter. 72.73.
 Maris æstum quidam in motum
 Terræ conantur reducere. 49.
 Mathematica quadam, physice
 impossibilia. 49.
 Mathematica absque Systemate
 Copernici perfici potest. 83.
 Mathematici puri cur faciliē pa-
 ralogizant. 48.50.51.
 S. Scriptura abutantur. 33.54.

- Afferentes Solem flare. Terrā
 moueri, tanquam paralogizan-
 tes conuincuntur. 54.55.56.
 Mathematicus nullus, vel vnus
 Planetæ periodum rectē deter-
 minauit. 90.
 Medium Vniuersi comparatur
 pedi fixo. 84.
 Medius motus Solis spectat plu-
 etum Eccentrici. 42.
 Miraculum Horologij Achaz in
 Sole, non in umbra. 38.39.
 Mobile indiget quiescente. 84.
 Motus circularis indiget Centro
 quiescente. Ibid.
 Moysen sensisse Terram moueri,
 impostura. 88.
 Moyses quomodo locutus est rudi
 populo. 61.
 Alijs etiam subtilia insinuauit.
 pag. 61.62.
 Cur non expressit motus Syde-
 rum. 62.
 Quem finem intendit in Syde-
 ribus explicandis. Ibid.
 Mundum Deus tradidit disputa-
 tioni. 48.
 Mundos plures non esse possibiles
 quomodo intellexit S. Thomas.
 pag. 80.81.
 Mundus est finitus & Sphæricus.
 pag. 85.
 Mysticus sensus non elicitur ex
 litera. 22.
 Interdum, sed rarō fit litera-
 lis. 23.

N

- N**auigantibus Terra cur mo-
 ueri videtur. 66.

Diversi motus Terræ apparent.

pag. 67.

Motus navis ab illis percipitur.

66.

Nauti mota, an velocius videntur ferri corpora quàm ipsa navis.

67.

P

P*atrum nullus expresse dixit Terram moveri.*

41.

Eorum sententia de Terræ Statione.

14.

Supposuerunt potius Terræ Stationem quàm probarunt.

12. 13.

Mathematica non magnopere curarunt.

Ibid.

Secundum variam Philosophiâ, variè sunt locuti.

76.

Paralogismi ex quibus asseritur motus Terræ.

51. 52.

Contra Eccentricos & Epicyclos.

51.

Phenomenum Physica causa quæ pag.

90.

Philosophia quomodo rectè tractanda.

58.

Philosophiam publicè docentes ad quid teneantur ex Constitut.

Leonis X.

57.

Propositiones quedam de Cælo damnata.

75. 76.

Pythagoras ignoranter Terræ tribuit animam.

78.

Eius error ex Cubo & motu Terræ.

Ibid.

Ridetur ab Hermia.

Ibid.

R

R*otundi mediū est imum.*

43.

S

S*acra Scriptura instar Terræ immobilis.*

71.

Nusquam indicat Terram naturæ moveri.

2.

Metaphoricè loquentis Scriptura, quis sensus Literalis.

70.

Qua uno loco tradit metaphoricè, alio explicat.

67. 68. 70. 71.

Sensus à Spiritu sancto intenti signum.

25.

Sol quomodò Luminare Magni.

pag.

71.

Quavis Stella maior.

11. 72.

Stellis minor apud quos.

71.

Cur stare videtur.

60.

Quomodò stare quidam Patres intellexerunt.

36.

Cur spiritus dicatur.

39.

Solis Ortus & Occasus non est tantum quoad apparentiam.

60.

Variis eius motus.

37.

Solis natura ignea.

39.

Non ideo animata.

78.

Solis Eclipsis Christo patienti, redarguit motum Terræ.

31.

Solem moueri non habet Metaphoricum sensum.

70.

Moveri secundum varios sensus, quomodò est de Fide.

34. 38. 39.

Est unanimis Patrum sententia.

35.

Non gyrate sub Terrâ, falsò imponitur S. Augustino.

63.

Eo stare iussu à Iosue, an totum Cælum steterit.

42.

Standi proprium apud Latinos significatum.

26.

Sta-

INDEX.

Statio Terra omnem motum excludit. 26.
 Stella sunt minores Sole. 71.
 Cur quiescere videntur. 60. 67.
 Eas moveri est secundum Scripturam. 75.
 Nec id intelligitur de Solis Planetis. Ibid.
 Sunt subtilia, & tenuia corpora. 40.
 Elementis quibusdam eas constare quidam putant. Ibid.
 Systema Copernicanum hypotheticè tantum, & quomodo potest assumi. 87.
 Ex eo licet falso, quomodo deducantur putationes verae. 40.
 Est contra S. Scripturam. 31.
 Multa parit absurda. 32.
 Vulgatum, plures habet sequaces.

T

Terra interdum significat habitatores Terræ. 2.
 Suspensa in nihilo. 17. 18. 32.
 Producta est prima die, motus expers. 18. 19.
 Quomodo voluntate Dei immobilis. 13. 14.
 Magna Mater, Ceres, Vesta, cur dicta. 16.
 Eius Originale vocabulum in Hebræo quid importet. 10. 11.
 Terra æterendo. 77.
 Accurrendo quomodo dicta. Ibid.
 Terra miraculosa commotio. 2.
 Terram commoveri in S. Scriptura quid importet. 25. 26.
 Vnus tantum illi motus compe-

tit naturaliter, & quando. 86.
 Terra aptissima ad quiescendum, in medio. 86.
 Cubo comparata. 10.
 Eius Statio sensu deprehenditur. 80.
 Ita stat, ut nō moueatur. 26.
 Eadem est sententia Sanctorum Patrum. 20.
 Quomodo se habeat ad reliqua Elementa. 135.
 Aquis ferri quidam putantur. pag. 16. 20.
 Terra quàm Firmamenti stabilitatem plura loca Scriptura indicant. 80.
 Terram moveri est contra Scripturam. 76.
 Stare, nullum habet Metaphoricum sensum. 70.
 Terra in æternum stat, quot modis sumitur in S. Scriptura. 15.
 Terra Centrum Vniuersi. 9. 10.
 & 12. 13. 14. 20. 41.
 Id esse de Fide probabilius est. pag. 41. 44. 46. 47.
 In ratione Cætri non cōsideratur respectu Orbis Escentrici. pag. 42.
 Terra in medio constituta. 17.
 & 19. 40. 43.
 In infimo. 16. 17. 19. 41.
 Esse deorsum, est de Fide. 31. 46.
 Terra in Calo qualis, & in quā finem. 82.
 Probabilius est nullam esse in Calo. Ibid.
 Terra non est animata. 17. 18.
 Nauigantibus cur moveri videatur. 66.

Quo-

*Quomodo opponatur Aqua gra-
ui.* 17.
*Terram aliam non esse possibi-
lem, quo sensu intellexit. S. Tho-
mas.* 80.

*Tychoniana Lunares Hypotheses
laudata.* 89.

V *Verum non contradicit Vero.*

pag. 19.

*Ex Vero nunquam sequitur
falsum,* Ibid.

*Verum aliquid disere secundum
Philosophiam, & non secun-
dum Theologiam, error dam-
natus, & peccatis.* 91. 92.

*Verus motus Solis refertur ad
Centrum Vniuersi.* 42.

*Vsus Copernicani Calculi quo pa-
et licitus.* 48. 49.

*Quomodo adhibendus, ne reli-
gio offendatur.* 56.

F I N I S.









